

SC. SUP. 7. PL. 5.





V I T Æ  
ITALORUM

DOCTRINA EXCELLENTIUM

QUI SÆCULO XVIII. FLORUERUNT.

DECAS III.

AUCTORE

ANGELO FABRONIO



ROMÆ MDCCLXX.

TYPIS S. MICHAELIS APUD JUNCHIUM.

---

*SUPERIORIBUS ANNUENTIBUS.*

Prostant venales apud Natalem Barbiellini  
in foro Pasquini.

32-3-E-29



2

CLEMENTI XIV.

PONTIFICI MAXIMO

AUCTORI PACIS

PUBLICAEQUE FELICITATIS

ANGELUS FABRONIUS

D. N. M. E.

# I N D E X

## V I T A R U M.

I.	<i>Franciscus Blanchinius .</i>	pag. 5.
II.	<i>Joannes Antonius Blanchius .</i>	pag. 72.
III.	<i>Eduardus Corfinius .</i>	pag. 90.
IV.	<i>Raphael Fabrettus .</i>	pag. 151.
V.	<i>Jacobus Facciolatus .</i>	pag. 211.
VI.	<i>Alexander Guidius .</i>	pag. 224.
VII.	<i>Laurentius Lorenzinius .</i>	pag. 249.
VIII.	<i>Joannes Vincentius Lucchesinius .</i>	pag. 269.
IX.	<i>Bernardinus Perfectius .</i>	pag. 291.
X.	<i>Philippus a Turre .</i>	pag. 309.



### I M P R I M A T U R .

Si videbitur Reverendissimo Patri Magistro Sacri  
Palatii Apostolici .

*Dom. Jordani Patr. Antioch. Vicesgerens .*



### I M P R I M A T U R .

*Fr. Thomas Augustinus Ricchinus Sacri Palatii Apo-  
stolici Magister Ord. Prædic.*

FRAN-



FRANCISCO JACQUIERIO

ANGELUS FABRONIUS S.

**Q**UO primum tempore Romæ te cognovi,  
perspexi plane singularem doctrinam  
tuam summa cum humanitate conjunctam,  
eaque propter amavi te semper plurimum,  
semperque non vulgari observantia sum prose-  
cutus. Quoniam vero ita Deus tulit, ut in-  
tervallo locorum disjungeremur, gaudeo datam  
a te ipso occasionem repetendi initia nostræ  
amicitiæ, experiendique, num ab ea quid-  
quam longinquitas relaxaverit. Meminisse de-  
bes sæpe inter nos collocutos fuisse de præstan-  
ti doctrina Francisci Blanchinii, nec semel me  
a te admonitum, ut hominis, quem tibi amor,  
consuetudo, & paria studia copulaverant, vi-  
Tom. III. A tam

*tam Latine describerem . Cum primum potui  
 parui consiliis tuis ; in quo perficiendo eo ala-  
 crior fui , quo maiorem spem habui te opus  
 correcturum . Profecto non patieris frustra im-  
 plorari auxilium tuum , ad quod facilius ob-  
 tinendum curavi , ut postulata quoque sua in-  
 terponeret amplissimus vir , utriusque nostrum  
 amantissimus , Laurus Bretullius . Heus tu , in-  
 quies , quid deprecatores adhibes ? Nonne  
 satis novisti facilitatem meam ? Novi equi-  
 dem , humanissime Jacquieri , & in multis re-  
 bus expertus sum , ac præsertim in vita Eu-  
 stachii Manfredii , quam non solum gravissimo  
 iudicio tuo expendendam suscepisti , sed etiam  
 eruditis observationibus locupletasti , quæ lu-  
 men atque ornamentum maximum eidem attu-  
 lere : sed non propterea putavi dimittendum pu-  
 dorem in rogando meum , qui me semper admo-  
 nuît amicorum opera sic uti , ut intelligant velle  
 me illam non in mercedis , sed in beneficii loco  
 numerare . Peto igitur abs te maiorem in mo-  
 dum & pro nostra amicitia , & pro constanti tua  
 in Bretullium observantia , ut commentariolum  
 de vita Francisci Blanchinii , quod cum his lit-  
 teris*

teris ad te veniet , in fidem tuam recipias .  
 Reprehendes ea quæ vituperanda duces , quæ  
 placebunt comprobabis ; & si liberius , sicuti  
 mihi opto , agendum putabis , adeo multa af-  
 finges , detrahes , ac mutabis , ut totum aliud  
 facias . Ad quod perficiendum plurimum vale-  
 bunt domesticus usus , qui tibi cum Blanchinio  
 fuit , & perfecta cognitio earum facultatum ,  
 quas immortalis ille vir suis scriptis illustra-  
 vit . Nam te non solum Philosophia , & ma-  
 thematicæ disciplinæ , in quibus paucos pares  
 habes , sed & omnis ars , & doctrina libero  
 homine digna semper delectarunt . Tui autem ,  
 tuique similium exemplum utinam sibi propo-  
 nerent incauti illi adolescentes , qui despicien-  
 tes , & pro nihilo putantes studia humanita-  
 tis atque eruditionis , illotis , ut ajunt , ma-  
 nibus reconditiores illas facultates tractare  
 non verentur . Interea sine sensu , sine sapore , si-  
 ne noticia præteritarum rerum , rudes , omnium  
 vitæ opportunorum ignari , elingues , sibi tamen  
 & factioni suæ superbe plaudentes , ætatem de-  
 gunt , & si quid scribere aggrediuntur , al-  
 lium & cape olent , infantia , barbarie , stribi-

ligine , quantum profecerint , eruditis facile ostendunt . Nemo est in litteris mediocriter versatus , qui ignorare possit , disciplinas , artesque liberalissimas , ex quibus uniuersa , perfectaque doctrina coalescit , communi quodam cognationis vinculo inter se contineri ; & quoniam una aliqua disciplina majori in obscuritate rerum , & magis recondita in arte , & multiplici , subtilique versatur , qualis profecto est res mathematica , eo illam plura , atque maiora doctrinarum adjumenta requirere . Quae si satis intelligerent studiorum moderatores , non doleremus fortasse ita dilapsam esse humaniorum litterarum fortunam , vix ut ulla pristini splendoris vestigia appareant . Vale , mi Jacquieri , tibi que persuade omnia officia , quae ab amico vetere , & multis in rebus probato expectari possunt , tibi & esse a me , & fore semper parata .

Florentiae Kal. Maii MDCCLXIX.

## FRANCISCUS BLANCHINIUS.



Eronæ , quæ urbs semper floruit vi-  
 ris doctrina excellentibus , ortus est  
 FRANCISCUS BLANCHINIUS Idibus De-  
 cembris an. MDCLXII. cum paren-  
 tes habuisset Gasparem Blanchinium homi-  
 nem probitate , & divitiis affluentem , opti-  
 mamque feminam Corneliam Vailettam , quæ  
 familia in illustrioribus Bergomatium adnume-  
 ratur . Hos magna spes tenebat bene sibi  
 eventurum de puero , qui a primis annis non  
 vulgaria argumenta dederat docilitatis ingenii ,  
 diligentia in studiis , bonitatisque morum .  
 Bononiam missus cum undecim esset annorum ,  
 ut institueretur ab hominibus Societatis Jesu ,  
 qui regunt collegium Aloysianum , his præce-  
 ptoribus cum in politioribus litteris , tum in  
 Philosophia , ac præsertim Geometria pluri-  
 mum profecit ; nec periculum ullum ingenii  
 fuit , quod non libentissime subierit , & quo  
 cum summo Bononiensium plausu non sit de-  
 functus . Musicam quoque attigit , seque in  
 delineandi , pingendique arte exercuit ; quæ

res magno ei postea usui fuit in naturalis historiae, antiquitatisque studiis excolendis. Vitam inter Jesuitas degens adolescentulus summa in Deum ac Deiparam Virginem pietate, suavissimisque moribus facile in illud consilium adductus est, ut illorum Societati nomen daret. Hoc autem consilium, ut liberiori iudicio perpenderet, iussit illum pater se conferre Patavium ad persequenda doctrinarum studia, utque postea abjiceret, effecit Picinardius e Dominicana familia, quo Theologiae usus est doctore. Patavium cum venisset exeunte anno MDCLXXX. nactus est contubernium viri optimi, atque doctissimi Geminiani Montanarii, qui in illius civitatis gymnasio mathematicas disciplinas tradebat. Captus hic adeo fuit adolescentis humanitate, & doctrina, ut illum non secus ac filium diligeret. Itaque & consilio, & opera omnibus in rebus eidem praesto fuit; conciliavitque ei quoque benevolentiam Corerii viri nobilitate insignis, & multis litteris, sed praesertim antiquitatis, & astrorum scientia eruditissimi, quas facultates perfecte tenendi mirum desiderium in-

Blan-



Blanchinio excitavit eo tempore , quo illum hospitem habuit Brixia , ubi Præturam gerebat . Et facile quidem fuit ad præclarissimas facultates impellere hominem , in quo inexhausta erat sciendi aviditas . In sacra Theologiæ adita penetraverat , non mediocriter studuerat rei anatomicæ , plurimum versatus fuerat in arte herbaria , Lælio Triumphetto duce , adeoque institutionibus Montanarii in optimo philosophandi genere , & in omni pene re mathematica processerat , ut inter illius discipulos unus maxime floreret . Id cum respiceret Montanarius moriens legavit ei magnam instrumentorum copiam , quibus usus erat in iisdem facultatibus exercendis . Tot vero tantisque beneficiis ut responderet Franciscus , utque desiderium leniret carissimi præceptoris , illius vitam conscripsit . Hoc studiorum confecto curriculo , Romam venit an. MDCLXXXIV. sperans Cardinale Petro Ottonio fautore , cui bene cognitus erat , posse ad aliquem fortunæ gradum pervenire . Omnino Cardinalis humanissime excepit Blanchinium , huncque bibliothecæ suæ præfecit . Quo-

niam autem Romæ magna proposita esse solent præmia iis , qui in Juris prudentia excellunt , amicorum hortatu Franciscus huic quoque disciplinæ operam non mediocrem dedit ; sed jurgia , & forum semper averfatus est . Tum humanissima complebatur voluptate , si supera ac cælestia observaret ; solitusque erat dicere animorum naturale dulcissimumque quoddam quasi pabulum esse considerationem contemplationemque naturæ . Cometem cum detexisset , particeps fieri voluit Christina Svecorum Regina earum rerum , quæ de illius motu animadversæ ac notatæ ab ipso fuerant . Adscriptus Academiæ Phisico-Mathematicæ a Joanne Ciampinio institutæ , ita versabatur in doctissimorum virorum flore , ut ejus doctrinam omnes admirarentur ; cumque aliquando eum differentem de rebus mathematicis in eadem Academia audivisset Joannes Mabillonius , non modo voce , sed etiam scriptis multa & honorifice , & graviter de ipso prædicavit . Biennium postquam Romæ fuit in patriam rediit , ut domesticis quibusdam rebus suis consuleret . Cumque magna esset

esset ejus auctoritas apud cives suos , nobile nomen , laus doctrinæ maxima , facile iis persuasit , ut Aletophilorum Academiam prope intermortuam ad vitam revocarent , utque physicæ studia pulcherrime in ea cohererent . Qua occasione binas dissertationes scripsit , alteram *de emblemate* , nomine , *atque instituto Aletophilorum : de methodo philosophandi in rebus physicis* alteram , qua ostendere præsertim voluit sine Geometriæ subsidio mancā & infirmā esse contemplationem naturæ . Celeriter expeditis domesticis negotiis suis , Romam remigravit ea mente , ut ibi omnium rerum , & fortunarum suarum sedem collocaret . Neque multo post Pontifex Maximus creatur Cardinalis Ottobonius , a quo omnia summa Franciscus sibi polliceri posse videbatur , si eidem diutius vivere contigisset . Nullus enim ferme dies intercedebat , quo Pontifex non ad se advocaret Blanchinium , vel ut eo anagnosce uteretur , vel ut cum ipso eruditos sermones conferret . Itaque & Canonatu S. Mariæ ad Martyres , & jure exigendi quasdam ecclesiasticas pensiones don-

na-

natus est ; quibus rebus contentus homo modestissimus nihil amplius requisivit . Retinuit & præfecturam bibliothecæ Ottobonianæ , qua una re plus se debere Pontifici profitebatur , quam si ab eo amplissimos honores , amplissimasque fortunas accepisset . Nam quotidie ad multas horas abdebat se in eandem bibliothecam librorum copia , ac præstantia insignem , ibique aut legens , aut scribens litteris se involvebat . Vir natus ad sapientiam nullam eruditionis partem ignorare velle videbatur ; & quasi helluo librorum nihil reformidans inanem vulgi reprehensionem , in ipsis publicis viis sæpe legere solebat . Sed præsertim in eo est laudandus , quod non putavit posse se uberiores virtutis ac sapientiæ fontes reperire , quam si veterum Græcorum , Latinorumque libros nunquam de manibus deponeret . Numismata etiam , inscriptiones , sarcophagos , reliquaque hujusmodi monumenta , quibus Roma , ut omnes sciunt , mirum in modum abundat , curiose conquerere , & sedulo scrutari minime prætermittebat , quod hæc collata cum antiquis scriptoribus

bus lucem vicissim asferre, & accipere intelligebat. Siquid hujusmodi deliciarum e tenebris erueretur, aderat statim Blanchinius, ut observaret, earundemque imaginem calamo exprimeret: quæ Romæ extant rudera, crebro invisebat, atque illorum adeundorum aut difficultas, aut incommodum, aut periculum minime illum retardabat, quin immo invitabat, atque alliciebat; nec quidquam erat observatione dignum, quod ejus oculos effugeret: mirum vero quam sagaciter de iis conjiceret quæ tempus aut roserat, aut diruerat. Subsidium bellissimum esse existimavit innumera, quæ observaverat antiquitatis monumenta, conficiendæ historiæ, quæ a creatione mundi exordiens omnium ætatum memoriam breviter complecteretur, earumque velut iconographiam exhiberet, quam qui intueretur se se non unis, ut verbis Ciceronis utar, circumdatum mœnibus popularem alicujus definiti loci, sed civem totius mundi, quasi unius urbis agnosceret. Sicuti autem in descriptione alicujus urbis omnia repræsentari nec possunt, nec debent, que

quæ ad illam quoquo modo pertinent, ita Franciscus rejecit a sua historia minutas quasdam res, quarum narrationem annalibus potius convenire putavit. Sejunxit quoque ab ipsa quæ non hominis propria, & quæ inclusa in sacris libris nonnisi divino testimonio comprobari possunt. Omnino profanam, profanisque comprobata monumentis contexere voluit historiam, divinam & ecclesiasticam in aliud tempus, & in aliud opus rejiciens. Tripartita fuit divisio illius: singulis autem partibus cum destinasset quadraginta capita, fecit ut unumquodque caput prioris partis historiam unius sæculi comprehensam haberet; reliquarum partium capita non sæcularia, sed vicennaria designavit. Tali modo prima pars historiam producere debebat a mundi origine ad Augusti imperium, secunda ab Augusto ad Carolum Magnum, tertia ab hujus ætate usque ad Auctoris tempora. Sane commoda videbatur hæc distributio, ut pote quæ memoriæ maxime servire poterat. Sed ex tribus operis partibus vix primam absolvit Blanchinius, cujus partis uni-

cum

cum extat volumen Romæ an. MDCXCVII. editum , quod historiam continet triginta duarum ætatum ad Assyriorum usque imperii ruinam . Ex hoc profecto intelligere licet illum adeo diligenter antiquitatem habuisse cognitam , ut eam fere totam in eodem volumine exposuerit . Quod si præcipua laude ferendus esset , qui sparsa in immenso solo magni alicujus ædificii cæmenta sic coacervaret , ut pristinam illius formam agnosceremus ; cur non singularis ejus exillimabitur prudentia atque industria , qui ex disseminatis ubique Ægyptiorum , Græcorum , Romanorumque marmoreis , atque æneis monumentis , nec non veterum scriptorum fragmentis , ceterisque antiquitatis reliquiis formam non dicam adumbravit , sed expressit vetustissimorum temporum ? Hanc qui intuebitur facile cognoscet civitatum , omnisque humanæ societatis constitutiones , exortus , cursus , occasus regnorum , atque rerum publicarum , originem , & progressionem artium , scientiarum , ludorum , omniumque pene rerum , quæ ad religionem , ejusque ritus , rem bellicam , atque

ma;

maritimam spectant . De bello Troico differens ei causam dedisse putat non Helenæ raptum , quod leve nimis videretur , sed navigationem Ægei & Euxini marium . Scimus enim vel a primis temporibus populos de acquirendo , conservandoque sibi maris dominatu , aut saltem libero ejus usu , quem Blanchinius *Thalassocratia* Græco nomine vocat , studiose contendisse ; nec aliunde originem memoratum bellum habuisse illud maximo argumento est , quod non Trojæ expugnatio illud extinxit , sed conditiones quædam ad commercium pertinentes , quæ inter Græcos & Trojanos convenerunt . Ex quo illud consequi necesse est Homeri Illiadem totam allegoricam esse , Homericosque Deos , quorum turpitudines , ac vitia intoleranda videntur , designare Principes viros , aut nationes , a quibus nihil humani alienum esse existimari debet . Sesostris Arabiæ Rex suam in potestatem redegerat Ægyptum , & universam pene Asiam : sed illo mortuo , domiti Reges sustulerunt animos , & a cervicibus suis jugum servile paulatim dejecerunt . Ubi incensum Troicum bellum ,



lum , qui eo tempore regnabant Sefostris successores , sinere coguntur belli potentes Principes quam vellent partem pro cujusque studio atque utilitate tenere . Hos minorum Deorum , illos Jovis nomine Poeta denotat , apud quem Juno *λευκώλεν* est imago albæ Syriæ , Minerva Sapientis Ægypti , Mars icti fœderis inter Armenos , Colchos , Thraces , & Thessalos , & sic de ceteris . Ita facilis & prompta defensio est Homeri , cui divini cognomen idcirco multi denegarunt , quod visus est turpia & indigna tribuisse Diis . Nihil profecto longus essem si breviter etiam summatisque describere vellem res novas , atque admirabiles , quas Blanchinius indagavit , ac patefecit sua in historia , cui ullum ne deesset ornamentum extare voluit in principio cujusque capitis imagines monumentorum antiquitatis , quibus præcipue usus est ad fidem narrandis rebus conciliandam . Vehementer ille lætatus est opus hoc multarum vigiliarum sic excepisse homines , ut admirari ac prædicare non cessarent ubertatem , varietatem , & copiam reconditoris eruditionis ,  
acu-

acumen iudicii in conjiciendo , occultissima-  
 que perspicendo , ordinemque , qui memo-  
 riæ maxime lumen affert , in iisdem expo-  
 nendis . Maturius sibi de hoc libro edendo  
 cogitandum putavit , quod sciebat Summum  
 Pontificem Innocentium XII. vacuo muneri  
 Custodis Bibliothecæ Vaticanæ eum potissi-  
 mum præfecturum , cujus majora exstarent te-  
 stimonia doctrinæ . Sed quoniam ea est infe-  
 lix conditio Principum , ut aliorum magis ju-  
 dicio , quam suo , judicent , & sæpe iis ve-  
 ritas occultetur , antetulit Innocentius Blan-  
 chinio virum profecto Græcis , & Latinis lit-  
 teris doctum , sed nullo modo cum ipso com-  
 parandum . Illius fortunam dolens Cardinalis  
 Ottobonius sua liberalitate sublevandam puta-  
 vit . Itaque & Canonicum S. Laurentii in  
 Damaso eundem creavit , aliisque , nec iis me-  
 diocribus , complexus est beneficiis . Post ne-  
 que ita multo cum Pontifex Maximus fa-  
 ctus esset Clemens XI. , ab eo inter hono-  
 rarios suos cubicularios primum , mox inter  
 canonicos Liberianæ Basilicæ relatus est .  
 Mandata etiam ab eo habuit de emendando

Kalendario Romano , cui negotio cum aliis doctos viros , & in his Cardinalem Norisium , Pontifex præposuisset , munus notandi , referendique quidquid consuleretur , Blanchinio assignavit . Non defuerunt maledici , qui illum criminarentur apud Pontificem non pauca quæ scire interesset ipsum consuito reticuisse . Sed facile fuit homini probitate , & fide singulari omnem a se suspensionem removere . Quid vero ipse egerit , quantum laboraverit in mandato exequendo ; quidque de tota re senserit , ex iis quæ litteris consignavit , quæque nos referemus , facile intelligi potest . Edidit anno MDCCIII. librum qui inscribitur : *solutio Problematis Paschalis* ; Problema autem illud est ; *an disponi possit cyclus Paschalis constans annis Gregorianis , qui Pascha semper indicet tempore congruo ; hoc est die Dominica intra hebdomadam tertiam lune* ? Id fieri posse contendit Blanchinius , assertque cyclum quemdam a se excogitatum , quem octogramnum idcirco nominat , quia octo litteris apte dispositis utitur ad indicandam lunam XIV, epactarum-  
B
usum

usum reservans ad investigandum novilunii diem . Cujus cycli ut veritas pateat , nonnulla de ratione numerandi lunam XIV. definiendique diem æquinoctii præmittit . Vult initium novilunii medii ab eo temporis momento computandum , in quod incurrit ; decursasque ab eodem momento horas XXIV. diem primum lunæ juxta motus medios efficere . Diem , in quem finis diei medii incidit , lunæ primum civilem appellat ; illum vero , in quem cyclus finem medii cadere denotat , sive re vera cadat , sive non , cyclarem nominat ; hincque omnes intelligere possunt quæ sit hebdomada prima , secunda , aut tertia lunæ , cyclaris , civilis , & juxta motus medios . Cum autem illud pro demonstrato habeat ita per cyclum disponi posse annos Gregorianos , ut dies XXI. Martii contineat punctum veri , aut medii æquinoctii , idcirco hunc diem pro æquinoctiali statuit . Quibus , aliisque positis problematis solutionem aggreditur , periodumque MCLXXXIV. annorum proponit , quam Clementinam a Clemente XI. honoris causa nominat . Hujus  
pe-

periodi initium facit ab anno MDC. æræ Christianæ , eandemque semper instaurari posse contendit , sive bissextilis , sive non fuerit annus , in quem periodus ipsa desinat ; quia propterea timere debeamus , ne Pascha sua sede dimoveatur , quam statuit esse diem Dominicum intra tertiam lunæ hebdomadam civilem mensis primi . In fine libri non pauca quæ in dubium ventura videbantur ita explicat , ut nunquam a mente & sententia Gregorii XIII. se discrepare putet ; neque ambigit post multas observationes a se habitas , collatasque cum iis , quas alii astronomi fecerunt , quantitatem anni solaris eam tutissimam esse , quam mathematici Gregoriani adhibuerunt . Monet insuper quidnam sit illud temporis spatium , quo communes tabulæ a cyclo octogrammo differunt in notandis diebus Pascharum hujus sæculi ; contenditque , ut alia multa silentio præteream , secundum Canones Nicænos , decretaque Gregorii XIII. nec non præstantiorum scriptorum , sententiam Pascha anni MDCCVII. xv. Kal. Majas celebrandum esse . Eodem an. MDCCIII.

publici juris fecit, & Clementi XI. dicavit binas *Dissertationes de Kalendario & cyclo Caesaris* alteram, alteram *de Paschali canone S. Hyppoliti Martyris*, quorum utrumque in suo cyclo octogrammo componendo non mediocri sibi adjumento fuisse fatetur. Marmorea hæc monumenta e veteris Romæ ruderibus effossa fuerunt Sæculo XVI. ; & quamvis non defuissent doctissimi viri, qui illa explicassent, non tamen se actum agere putavit Franciscus, si uberius, & diligentius eadem explananda susciperet. *Cyclus Cæsaris* designat fastos Kalendares ; & cetera inter adscriptos habet singulis anni diebus binos litterarum ordines, quorum primus exhibet octo priores alphabeti Romani litteras sibi semper, dum totum anni cursum confecerint, invicem succedentes, cum secundus habeat litteras indicantes dies fastos, nefastos, & comitiales. Adversus Josephum, Scaligerum, Bucherium, Petavium, aliosque multos contendit Blanchinius primum litterarum ordinem minime repræsentare dies nundinales, sed cyclum quemdam lunarem, quem ipse

ipse eleganter , & ingeniose magis quam vere explicat . Nam ex quibusdam , quæ supersunt , tituli verbis colligere se posse existimat illas litteras quatuor diversis coloribus distinctas fuisse ad indicandum diem , in quem solilitiorum , & æquinoctiorum novilunium cadit . Cyclo ita explicato hunc consentire probat cum omnibus solis & lunæ defectionibus , quas ab ætate Cæsaris ad tria , quæ consecuta sunt , sæcula æræ Christianæ , quibus præcessio lunaris diem integrum non excedebat , evenisse scimus ; ex quo concludit novilunia , & plenilunia illorum trium sæculorum rectius indicari per cyclum Cæsaris , quam per epactas communes , quod hæ aliquando per triduum integrum aberrant a veris motibus , cum defectiones illæ raro per biduum a cyclo discrepent , & fere semper eodem die indicentur . Hunc eundem cyclum accommodatissimum fuisse ostendit ad vulgarem , popularemque usum cunctarum pene gentium ; hincque illum facile aptari potuisse non solum trimestribus annis Arcadum , semestribus Acarnanum , aliisque aliorum populorum , qui



essent anno Juliano minores , verum etiam majoribus , quibus ad statos quosdam solis & lunæ adspectus Eleusina magna , Olympia , Pythia , & hujusmodi alia festa erant celebranda . Quæ dum persequitur Blanchinius undique spargit ubertatem , varietatemque eruditionis ; nec alienum a proposito putavit si reliqua inter monumenta antiquitatis , quæ affert , & ad causæ suæ commodum trahit , in medium quoque proferret , copioseque explicaret quæ exculpta sunt in basi columnæ Antonino Pio post ejusdem ἀποδείνω dicatæ . De cyclo Cæsaris satis superque dictum . Venio nunc ad Paschalem canonem S. Hyppoliti , qui visitur in Bibliotheca Vaticana insculptus ad latera cujusdam fellæ marmoreæ , in qua ejusdem Episcopi simulacrum sedet . Putat Blanchinius in dextero latere exhibente lunas xiv. per cyclum eptagrammum repræsentari tres periodos , minorem cxii. majorem dcclxxxiv. & maximam mmmccxxxviii. annorum , adeo ut ejus ope facile sit invenire dies , quibus Pascha in veteri lege celebratum fuerit ; neque  
ni



in dubium revocat extantes litteras in sinistro latere indicare Paschales dominicos dies . Idem nonnullos errores , quos imperitus artifex sculpsit in ipso latere , coarguit & corrigit , methodumque innuit ita perficiendi hunc cyclum , ut ejus usus communis esse possit , minimeque abhorrens a suscepta his temporibus peragendi Paschæ consuetudine . Denique cyclum suum octogrammm cum Juliano , & Hyppolitæo comparat , ex quo potestremo , certa suis locis aptata æquatione , tabulas quasdam efficit , per quas facillime ac tuto præteritorum ac futurorum Pascharum dies inveniantur ; quod maximum utilissimumque fructum laboris ac studii sui in hoc condendo libro fuisse fatetur . Præter hæc alia quoque de Kalendario , cycloque suo octogrammo commentatus est Blanchinius . Nam Dialogum scribere instituit , quo tradere volebat concinnam methodum accommodandi cyclum suum ad annos veterum Arcadum , qui diebus CCCLXII. constabant , ad Olympiades , & ad omnem historiæ usum , ac postremo differere utrum utilius esset ad-

hibere annos Julianos , vel Gregorianos , quem Dialogum si perfecisset [ nam minima pars illius extat ] abunde satisfactum toti huic quaestioni ab eo fuisset . In hujus generis librorum numero ponendum etiam est opusculum ad Marium Crescimbenium Arcadum Academiae custodem , quo Blanchinius aperit rationem sic utendi cyclo suo , ut is perpetuo indicet novilunium & plenilunium primi mensis æstivi , ex quo facile statui posset initium olympiacorum annorum . Nemo enim ignorat recentes Arcades veterem consuetudinem in numerandis annis longo intervallo retulisse . Quoniam vero iis erat moribus Franciscus , ut libentissime ea , de quibus moneretur a viris doctis audiret , non existimavit fieri posse a se melius , quam si sententiam amicissimi sui Joannis Dominici Cassinii exquireret tum de periodo sua Clementina , tum de rebus ad correctionem Calendarii pertinentibus . Ex quo factum est , ut in Actis Academiae Parisiensis nonnulla habeamus ab eodem celeberrimo astronomo observata , & notata de Calendario ; & mul-

to plura haberemus in hoc rerum genere tum Cassinii, tum aliorum doctissimorum virorum, si in lucem prodiret volumen epistolarum, quas Blanchinius dedit, & accepit ab illis, quos de eadem correctione consulendos putavit. Neminem autem latere arbitror irrita infectaque fuisse plurima quæ Blanchinius aliique scripsere in Pontificis exequendo mandato; nec melius actum esse cum iis, quos Clemens XII. huic ipsi negotio præposuit. Horum in numero fuit Eustachius Manfredius, qui aliquando scribens ad Antonium Leprotum non dubitare se dixit operæ pretium esse Kalendarium mendis purgare, sed desperare se istud perfici posse invitis Jesuitis assiduis propugnatoribus, & defensoribus earum rerum, quas Christophorus Clavius in curanda correctione Gregoriana præstitit. Sed ut ad Blanchinium revertar, huic profecto summa tribuenda est laus, quod non sibi solum, sed etiam reliquis, qui post se in corrigendo, moderandoque Kalendario elaboraturi essent, subsidium opportunissimum comparavit. Lineam enim meridianam, cum  
fo-

socium habuisset in hoc difficili laboriosoque opere Philippum Maraldium , ex ære fecit , cuius longitudo æquat pedes Parisinos LXXV. altitudo vero gnomonis LXII. cum dimidio . Fecit autem in Æde S. Mariæ Angelorum, principe quondam loco Thermarum Diocletiani , quem locum propter summam ædificii firmitatem omnium maxime aptum iudicavit . Præter divisiones tangentis , & alia , quæ vel ad utilitatem , vel ad ornamentum pertinent , visuntur duodecim zodiaci signa singulari opere atque artificio e marmore in disparibus coloribus perfecta : singula autem signa suas habent stellas ex ære effictas , magnitudinumque varietate distinctas . Proxima est gnomoni fenestra planetarum siderumque intra tropicos observandorum causa , in quo summam utilitatem inesse omnes norunt Astronomi . Elypsim etiam polarem , quod nullus antea præstiterat , sic descripsit Blanchinius , ut poli altitudo facillime ex ea omnibus anni temporibus colligi posset , quam altitudinem eo loci reperit esse  $41^{\circ} 54' 27''$  . Rationem vero statuendi per sidus polare

me-

medium noctis tempus ea tradidit epistola ,  
 in qua de Gnomone suo , quem a Clemente XI. Clementinum vocat , & de Pontificio nummo illum ipsum representante cum his inscriptionibus = *Aptata sacula verbo Dei* = *Gnomone Astronomico ad usum Kalendarii constructo* = pluribus verbis differit .  
 Ex hac ipsa epistola intelligi etiam potest , quam ille esset assiduus , si per tempus licebat , in notandis tangentibus meridianis utriusque limbi solaris , iisque comparandis cum observationibus ab Eustachio Manfredio peractis in Gnomone Bononiensi . Profecto non modo cum his , sed etiam cum ephemeridibus Flamini de mezzavachiis viri astrorum scientia praeclari mirabiliter illas consentire vidit ; quod idem ei successit , cum solis locum inventum per tangentes meridianas utriusque limbi , & per declinationem centri solaris inde collectam contulisset cum eo , quem invenit ex differentia ascensionis rectae inter Syrium , & ipsum solem a se observatae . Sunt & alia multa , quae Blanchinius se observasse in eadem epistola scribit de æquino.

noctiis , & solstitiis , de lunæ eclipsibus , de mensis synodici quantitate , de Saturno , de Jove , ejusque satellitibus . Fecit aliquando participem Philippum Maraldium earum rerum , quas diuturna observatione notaverat de iisdem satellitibus , summasque laudes a summo astronome consecutus est . Sed præsertim Maraldio acceptissimæ fuerunt observationes , quæ pertinent ad quartum satellitem , ex quibus conjicere se posse arbitratus est suis illum minime carere maculis . Contemplanti eundem acerrime Blanchinio prid. id. sext. an. MDCCXI. repente se se ostendit forma & luce attenuatum atque imminutum . Obstupuit hujusmodi visu Franciscus , præsertim cum ceteris in satellitibus nihil simile inspiceret . Sic autem unius horæ spatio ipsius exiguïtas & obscuratio crevit , vix ut conspici potuerit , & pluries etiam ex observantis oculis prorsus effugerit . Nunc quoniam referre ingressi sumus quæ Blanchinius & gessit & scripsit ad illustrandam astrorum scientiam , cujus studio vehementius in dies flagrabat , & in quo acquiescere videbatur , non putamus

mus ab institutæ narrationis cursu defleſcendum . Pariſienſes , atque Lipſienſes Academi-  
ci multa ſuis in commentariis ſparſerunt , quæ  
Blanchinius notaverat de quibuſdam ſolis , lu-  
næ , planetarumque eclipsibus , deque come-  
tarum , qui per illa tempora apparuerunt , mo-  
tibus . Nonnullas hujus generis obſervationes  
a Francisco habitas retulit quoque ſuas in  
*Prælectiones Aſtronomicas* Guilelmus Wiſton ,  
& multo plures leguntur in eo libro , quem  
edidit an. MDCCXXXVII. Euſtachius Manfre-  
dius , quique inſcribitur : *Franciſci Blanchinii*  
*Veronenſis Aſtronomicæ , ac Geographicæ ob-*  
*ſervationes ſelectæ ex ejus autographis excer-*  
*ptæ &c.* Magnificum illud quidem fuit elo-  
gium , & Blanchinii nomini maxime glorio-  
ſum , quod loquens idem Manfredius cum  
Franciſco Jacquierio de obſervationibus , quæ  
pertinent ad ſtellarum aberrationes , quæque  
in memorato libro leguntur , non minorem  
iis laudem , quam Bradleianis deberi judica-  
vit , ſive tempus , ſive diligentia , ſive acu-  
men , quo habitæ ſunt , perpendi velit . Qui-  
bus aliisſque ſucceſſibus alacrior factus Fran-  
ciſ.

ciscus difficillima quæque suscipere non dubitavit. Inter hæc fuit linea meridiana, quæ a Romano littore prope Ardeam ad Adriaticum usque paullo ultra Ariminum per urbem Romam, forastem montem, & Eugubium pervaderet. Huic lineæ alteram parallelam designavit, quæ a rure Costagutiano in littore Antiati incipiens, gradientque per vineam, quamdam Collegii Hibernorum subtus castrum Gandulfum, per Vaconis pagum in Sabinis, apicemque montis illi imminentis, cui nomen est *monte coscia*, per alium verticem montis altissimi non longe a Cantiano, qui appellatur *monte acuto*, ad oram maritimam portus Ariminensis, quæ Orientem respicit, desineret. Dolendum profecto est opus huiusmodi, ex quo utilitates maxime caperentur, minime Blanchinium propter immaturum ejus interitum absolvere potuisse, quod si ei vita suppeditavisset, non esset quod Galliæ invideremus similem meridianam lineam, in qua perficienda uterque Cassinius, alique præstantes Astronomi Regiæ scientiarum Academiæ socii elaborarunt. Hoc tamen munus se  
de.



debere studiosis Geographiæ Eustachius Manfredius putavit , ut tabulam locorum , per quæ idem meridianus Italicus transit , haberent in eo libro , quem ex schedis mathematicis a Blanchinio relictis confecisse diximus . Illa quidem præclara & gloriosa . Sed nihil omnium judicio est ad laudem Blanchinii illustrius libro illo , in quo de Hesperii & Phosphori phenomenis a se primum observatis , & ad calculum redactis copiose differit . Fuit profecto astrorum scientiæ ad magnas res , quæ antea latuerant , detegendas divinitus data fortuna , ut a Galileo telescopium inveniretur . Etenim hujus instrumenti ope vidit ille primus maculas in sole , atque ex his maculis solaris globi conversionem circa proprium axem collegit : vidit etiam Jovis satellites quatuor , eorumque orbitas ; & in Venere phases lunaribus per quam similes notavit . Hugenius vero annulum circa Saturnum , & ex illius satellitibus unum deprehendit , quatuorque satellites alios postea conspexit Joannes Dominicus Cassinius . Gassendus Mercurii , Horocius Veneris transitus sub solem primi inspe-

xe-

xerunt , alii cometarum sedem supra lunarem , immo supra Saturniam animadverterunt , alii stellarum numerum immensum & prope infinitum , alii in Jove fascias & vertiginem circa proprium axem , alii demum hanc ipsam conversionem , & maculas in Marte se vidisse retulerunt . In tot novarum rerum inventione una Venus abditiores astronomorum observationes recusare videbatur , ut integrum reservaret Blanchinio campum , in quo ejus virtus excurrere cognoscique posset . Usus hic telescopiis , quorum longitudo erat C. palmorum Romanorum toto anno MDCCXXVI. sive Romæ esset , sive in Albano rusticaretur , Hesperum & Phosphorum contemplatus est , idque acute adeo , diligenter , feliciterque præstitit , ut maculas , de quibus suspicionem commoverant Jo. Dominicus Cassinius , & Philippus Hairius , in eo planeta videre ; & metiri , totiusque superficiei descriptionem , quam *celidographiam* appellat , facere potuerit . Definivit etiam motum vertiginis ejusdem planetæ circa proprium axem confici spatio dierum XXIV. cum trien-

triente, & hujus axem ita inclinari, ut angulum xv. graduum cum plano eclipticæ efficiat, suisque polis equum minorem; & cor hydræ respiciat, eundemque perpetuo in tota orbita sibi parallelum permanere. Usus vero methodo, quam Jo. Dominicus Cassinius tradiderat in opusculo *de cometa* anno MDCLXXX. reperit ipsius planetæ parallaxim constare xxiv. minutis, ut loquuntur, secundis, & xxiii. tertiis, quam mensuram non una observatione confirmavit. Quanti facienda sit harum rerum inventio, ex eo cognosci potest, quod Eustachius Manfredius scribens ad Thomam Dheram in maximo suo dolore ob mortem Blanchinii hoc unum se habere solatium dixit, quod is extremam manum ponere potuerit suo de Venere libro, in quo tot & tam præclara insunt inventa, ut nihil de præstantia concedant iis, quæ immortalem gloriam Galileo, Hugenio, & Cassinio compararunt. Neque contentus Franciscus scripto docuisse homines de iis rebus, quas observaverat, voluit etiam eas oculis subjicere. Globum itaque chartaceum compo-

fuit , componendique rationem memorato in libro copiose tradidit , qui Venerem præclare imitatus & campos & maria ostenderet . His autem maribus maculas denotantibus nomina imposuit partim Lusitanorum Regum , ac Principum , partim Italorum , Hispanorumque Heroum , qui ad extremas mundi plagas primi omnium post memoriam hominum penetrarunt , partim doctissimorum Astronomorum , partim etiam Academiarum florentissimarum . Modum quoque docuit conficiendi machinam ope armillarum rite dispositarum , in qua si lucerna locum solis teneat , oculusque in globo terram exhibente collocetur , Veneris phæses , maculæ , ejusque motus tum vertiginis , tum parallelismi clare atque distincte videri possunt . Mirum profecto quam esset solers & ingeniosus in excogitandis fingendisque machinis tum ad Astronomiæ , tum ad reliquarum naturalium facultatum usum . In commentariis Academiæ Parisiensis an. MDCCXIII. descriptio legitur machinæ cujusdam , qua quis sine tubo , & facillime [ id profecto minime obtinebat Hugenianum inventum ]

uti

uti potest telescopiis maximæ longitudinis , de qua re ad Academiam retulit Renatus Antonius Reamurus Blanchinii peramantissimus . Sæpe etiam accidit ut artifices de rebus ad mechanicam spectantibus ab eo consilia exquisierint , quæ si essent consignata litteris , intelligeremus fortasse ipsum in ea arte partim nova attulisse , partim meliora fecisse . Scripsit Opusculum de movendæ , erigendæque Antoninæ Columnæ ratione , in eoque quibusdam allatis ex Galileo & Borellio ad aliorum opiniones evertendas , eam viam præponendam esse putavit , quam Detrianus Architectus in Colosso Neronis ab uno in alium locum traducendo secutus est . Etenim præter cetera statuit trabes ita columnæ aptandas esse , ut idem præstarent quod axes in tormentis bellicis . Sic columna suspensa versatili libramento , sustentataque funibus ac fulcris facile horizonti parallela moveri , & ad perpendicularum erigi poterat . Ad hanc sententiam convellendam stylum sumpsit Dominicus Quartaronius : Sed is aculeis magis , quam rationibus pugnavit . Om-

nia enim asperrimus ille Siculus stomachabatur . Nec minus Blanchinii doctrina in temporum scientia suspicienda est . Ei rei sunt indicio quæ de nova condenda chronica periodo , cujus exordium capiebat a mundi origine , cujusque moderatores esse debent Solis , Lunæ , ac Saturni motus , & quæ de anno mortis Christi differuit . Quæ in postrema dissertatione utens firmissimis chronologiæ subsidiis , monumentis nimirum antiquitatis & aliorum scientia , definivit ex Tertulliani , Victoris , aliorumque Patrum sententia Christum in crucem actum fuisse vii. Kal. Apriles . Consulibus duobus Geminis C. Fusio , & L. Rubellio ; hos vero consulatum gessisse anno bissextili æræ vulgaris octavo & vicesimo ; minime vero , ut communis erat opinio , anno nono supra vicesimum . Ad quem convincendum errorem mirabili reconditionis eruditionis copia , felicissimeque comprobatur par unum consulum e fastis consularibus exemptum fuisse , hocque reponendum an. xxxxi. quo C. Caligula occisus , & Claudius Nero ad Imperii regimen

men eveetus est . Chronologiam etiam illustrant quæ Franciscus recitavit in *Academia antiquaria Albana* [ hanc ipsum instituisse , eique leges verbis priscis dedisse suspicor ] quæque in lucem sunt edita de Romæ origine , Romanaque historia ad primam usque plebis in Aventinum Montem secessionem . Multæ res illustres ordine & suo tempore in iis sunt notatæ , ex quibus Romanorum Regum propagines possumus agnoscere . Ac præsertim in hoc jure gloriari licuit Blanchinio , quod ignarus earum rerum , quas acute excogitaverat Jacobus Bernullius ad dissolvendam difficilem quæstionem , num posito quocunque anno cyclorum lunaris & solaris & indictionis inveniri posset annus periodi Julianæ ipsi respondens , cum tanto viro consenserit , & cum eo inventionis gloriam partiverit . De singulari illius doctrina in re chronologica alia quoque recensebimus cum de opera collata ab ipso in Pontificiam historiam Anastasi Bibliothecarii erit dicendi locus . Porro Blanchinii industria in pluræ studia distracta erat , & hoc maxime in eo

admirabantur homines , quod exercitationem mentis a reconditis abstrusisque rebus mathematicis tam facile feliciterque ad mitiores litteras traduceret , ut idem doctissimus , atque eruditissimus & haberetur & esset . Persuasit Summo Pontifici Clementi XI. , ut museum conderet in quo rariora exsarent Christianæ antiquitatis monumenta . Hujus rei perficiendæ cum mandatum accepisset Blanchinius multam suppellectilem brevi colligere potuit . Interea Pontifex arma sumpsit , ut rectus esse posset adversus Cæsariani exercitus , si quæ forte timendæ erant , injurias . Infelix quidem expeditio , & eo infeliciores quod pecuniam exhaustit , quæ in Christianum museum , aliasque præclara opera erat impendenda . Non cessavit profecto Franciscus , quantum ejus opes patiebantur , corrogare quidquid antiquitatem saperet , ejusque domum museum , bibliothecam , officinam liberaliorum artium dixisses . Scimus ex homine , qui propter familiaritatem domesticis illius rebus intererat , paullo minus quadraginta scutorum millia ab eodem expensâ fuisse



se in studiorum suorum instrumentis comparandis ; quorum intemperans in eo esse videbatur aviditas . His autem rebus , summaque opinione doctrinæ , atque humanitatis effecit , ut nemo mediocriter eruditus Romam adventaret , qui ad eum adire nollet . Laudes domesticas externis cumulavit Franciscus , cum a Pontifice Lutetiam Parisiorum anno MDCCXII. missus fuisset , ut Cardinalatus insignia Armando Rhoanio Subisio deferret . Totum iter & navigationem consumpsit partim in percunctando a peritis , partim in contemplando res cognitione dignas ; quodque hærebant in memoria quacunque audierat , aut viderat , longam earum narrationem scripto exponere potuit . Exceptus peramantissime a Cardinali , nec mediocribus honoribus ab ipso Galliarum Rege , & a Jacobo III. Stuardio , ejusque Matre Maria Atellina Parisiis per id temporis commorantibus , affectus fuit . Ab iis vero qui literis præstabant , utroque Cassinio , Maraldio , Reamurio , Turneminio Harduinio , Petro Brunio , Natali ab Alexandro , Montfo-

conio, ceterisque illustribus Maurinis Monachis nihil non factum, ut omnia amicitiae officia in Blanchinium constarent. Jamdiu enim ejus doctrinae fama ipsum praecesserat, cujus rei nullum afferre majus testimonium possum quam quod an. mcccv. inter Parisiæ Scientiarum Academiae Socios cooptatus fuerat. Ex multis diebus, quos ille in vita celeberrimos latissimosque viderit, cum diem clarissimum fuisse dicebat, cum in magno confessu litteratissimorum virorum assignatum sibi in Academia locum occupavit. Secundo mense, postquam Blanchinius Parisios venerat, moritur Joannes Dominicus Cassinius, & moritur repentino. Tam acerbè is doluit hominis amantissimi casum, ut suavitas illa sua, quam ex commoratione Parisiensi capiebat, penitus illi videretur erepta. Quod cum narraret amico, hæc, ut arbitror, notatu digna addidit. *Jure angor tali amico orbatus, qualis nunquam erit. Mihi ad urbem accedenti jussit obviam procedere filium, genitumque ex Sorore Jacobum Philippum Maraldium. Cum ejus domum ve-*  
*nisset*

niffem , vultu , voce , collactymatione & complexu quam desideratus venerim ostendit . Quotidie cum eo multa de Astronomia , aliisque rebus physicis communicabam ; augebaturque amor continua consuetudine . Nosti hominis divinam ingenium , singularemque doctrinam . Iis vero erat moribus , ut bi nihil nisi religiosum , & ex sanctissima disciplina repræsentarent . Quamvis cæcus esset , solebat tamen singulis diebus horas canonicas recitare . Sic vero tulit quinquennalem orbitatem visus , ut amici gratulari magis illius virtuti , quam consolari dolorem debuerint . Parisiis profectus Blanchinius Lotharingiam , Alsatiam , Palatinum , Holandiam , Belgium , ac postremo Britanniam lustravit . Obtinuit ubique Principum doctissimorumque hominum erga se humanitatem ; natusque ad agendum semper aliquid dignum viro , investigabat , perscrutabatur , & notabat omnia , quæ eruditionem juvarent . Londini amicitiam conjunxit cum Isaaco Nevvtono , Argentorati cum Edmundo Martenio , Antuerpiæ cum Daniele Papbrochio , & dum Amstelodami esset non  
se-

semel adiit Joannem Clericum , ejusque uxorem , quam cum patre ( erat enim e Gregorio Lato genita ) & marito studia eruditionis exercuisse scribit . Ex his itineribus Romam Franciscus rediit ineunte mense Junio an. MDCCXIII. Rediit quoque ad illa sua pristina studia astronomiæ & antiquitatis , in quibus plane conquiescebat . Cum præsens adfuisset quando Pontifex Maximus visere voluit S. Leonis Magni corpus , vestitumque , quo tectum erat , occasionem sibi oblata putavit scribendæ Dissertationis , quæ Pontificatus insignia in Leonino Sepulchro animadversa referret , & ex his aliisque monumentis ostenderet Romanam Ecclesiam in sua retinenda Liturgia stabilem constantemque fuisse . Hinc Sacerdotalium vestium prima institutio , & quænam ratio in illarum usu satis eleganter explicatur . Parvum hoc opusculum secutum est opus omnino magnum & arduum , quod est *de vitis Romanorum Pontificum Anastasii Bibliothecarii* . Hæc vitæ ut emendaret Franciscus , & variantium lectionum copia locupletaret , non modo Ro-

ma-

manas adire debuit bibliothecas , sed etiam Florentinas , & Parmensem , qua in postrema omnium antiquissimus Anastasii codex aservatur illuc Roma non multo antea apportatus . Hac autem in re si satis mirari non possumus hominis incredibilem diligentiam atque patientiam , non minus suspicere debemus ipsius doctrinam in iis quæ contulit ad easdem illas vitas illustrandas . Profecto si *prolegomena & notas* Blanchinii , quibus is locum dedit in secundo & tertio volumine , thesaurum dicam sacræ eruditionis , & chronologiæ , minus quam debeam prædicem . Quæ recondita & abstrusa in medium non profert ! quæ a novatoribus conficta non explodit ! quæ dubia non aperit ! quæ implexa non extricat ! quos scopulos fugere non docet ! Sic vero tractat temporum rationem , ut clarissimum lumen non solum Pontificiæ , sed etiam Consulari , & Cæsareæ historiæ præferat . Quapropter illud maxime gloriosum est Veronæ , tres tulisse homines , Panvinium , Norisium , & Blanchinium , adeo de historia meritos , ut inter illius parentes numerari posse videantur .

Sin-

Singularem Blanchinii modestiam minime illum ignorare sivilisse quanti acuminis, quantæque eruditionis atque doctrinæ fuissent hæ chronologicæ scriptiones, ex eo conjici potest, quod eas maximum suorum laborum fructum, &, ut ipse dicebat, primigenias suorum operum prædicare non dubitavit. Idem elatus studio exornandi ample magnificeque hanc Romanorum Pontificum historiam exposuit in ea plurima Christianæ antiquitatis monumenta, quæ non videntur reperiri & colligi potuisse sine summa elaboratione, atque operæ consumptione. Primum volumen continens Anastasii vitas a Beato Petro ad Nicolaum usque primum, nec non vitas Hadriani II. & Stephani VI. a Guillelmo Bibliothecario descriptas cum suis variantibus lectionibus prodiit an. mcccxviii.; secundum quod completitur easdem illas vitas a B. Petro ad S. Silvestrum, adjectaque iis prolegomena & commentaria Blanchinii non solum, sed etiam Schelestratii, Altaferræ, Bencinii, Binii, Labbei, Ciaconii, Pagii, & Somierii non nisi quinquennio post lucem aspexit; tertium demum quod

Ana-

Anastasianam historiam illustrat ad Gregorium usque magnum, exeunte an. MDCXXVIII. vulgatum fuit. Reliqua cum haud conficere potuisset Blanchinius vita privatus, curam absolvendi susceperunt Josephus Blanchinius illius fratris filius, & Cajetanus Cennius; viri profecto a litteris instructissimi. Inter ea accidit, ut in Appia via magnificis olim, ædificiis Deorum templis, & illustrium familiarum sepulcris ornatissima intra I. & II. ab Urbe lapidem detegeretur aula, magna illa quidem & exquisita arte elaborata, cujus in parietibus dispositi pluribus ordinibus subter & supra erant loculi, sive *columbaria* ad ollas cinerarias adservandas: singuli autem loculi, exceptis iis qui erant ad angulos, qui propter loci angustias unicam, binas ollas fictiles occludebant, & quælibet olla sua distinguebatur inscriptione; in qua defuncti nomen, officium, & interdum etiam, sed raro, ætas erant expressa. Id ut audivit Blanchinius confestim illuc advolvavit invitatus non tam illo suo singulari, perpetuoque studio in vetera monumenta, quam officio.

Ete-

Etenim Clemens XI. jamdiu illum præfecerat Romanis antiquitatibus . Venit eodem cum Blanchinio Cardinalis Alexander Albanus ; hique postquam omnia lustrassent , atque intellexissent sepulchretum illud pertinere ad libertos & servos Liviæ Augustæ : *utrum hortandus es a nobis , Francisce , inquit Cardinalis , an potius tua sponte propensus es , ut hæc monumenta explices ? Censemus profecto te facillime & perbelle id præstare posse , tanta est cognitio antiquitatis , quæ te illustrat . Faciam sane ut potero , respondit Franciscus , præsertim si tibi gratum futurum est .* Operi itaque is manum admovit , in quo expositis primum partibus ædificii , quod ad musicæ leges secundum Vitruvii præcepta formatum ostendit , indicatisque quibusdam rebus , quæ in more positæ erant apud veteres , transit ad inscriptiones . Neque eas tantum refert , exquisitaque eruditione explicat , quæ in hoc sepulchreto inventæ sunt , sed etiam quæ alibi ad familiam , & ad officia domus Augusti pertinentes ; adeo ut ex iis centum quinquaginta diversorum officiorum nomina possimus . mus



mus cognoscere . Hanc varietatem non is profecto mirabitur qui sciverit fervorum libertorumque multitudinem in minimis quibusque ministeriis occupatam fuisse , quales exempli gratia iuscularii , prægustatores , diribitores , a cura catellæ , lanipendiæ , vestiplices , margaritariæ , auriculæ ornatrices , a purpura , a veste magna , a veste matutina , ut innumera alia huiusmodi officia silentio præteream . Eo libentius in hoc opere elaboravit Blanchinius , quod non parum pertinere ad illud existimavit , quod de Palatinis ædibus Cæsarum instituerat . Magna pridem & ardua res erat ex miseris reliquiis illarum ædium velle totam ipsarum formam colligere , partesque celeberrimas & maximas , ut templæ , porticus , basilicas , bibliothecas , theatra , balnea , stativa cohortis prætorianæ , & hortos describere . Quare non is , meo iudicio , erraverit , qui hanc descriptionem divinationem dixerit , quanquam nihil affirmaverit Blanchinius sine aliqua probabili ratione & conjectura . Non pauca ille coniecit ex marmoreis *fragmentis vestigiis veteris Romæ* a Joanne Petro Bel-

Bellorio illustratis, & ex picturis vetustissimi Virgiliani codicis, qui in Bibliotheca Vaticana asservatur, cum ex Servio sciamus Poëtam in libro VII. *Æneidum* specie descripsisse Regiam Latini, re vera domum ab Augusto in Palatino extructam. Multa etiam, conjecit ex Architecturæ regulis, & ex antiquis scriptoribus, ac præsertim Svetonio, plurima vero ex iis, quæ in toto Palatino extant ædificiorum vestigiis. Fortunatè evenit ut an. MDCCXX. tres magnificæ detegerentur aulæ in ea collis parte qua Farnesiani horti continentur. Iis enim veluti norma usus est Blanchinius ad Palatinæ domus, qualis & quanta fuit Domitiani temporibus, qui eam laxè & magnifice auxit, ichnographiam delineandam. Dolendum sane quod ille minime absolvere potuerit opus in quod magnos sumptus propter multitudinem, magnitudinemque diagrammatum in ære incisorum, & infinitos propemodum labores insumpsit. Veniebat frequentissime ad Palatinum, ut suis omnia collustraret oculis; nec semel eum vidisses modo scalas ascendere, modo in profunda

da delabi, modo purgare rudera septa vepribus & dumetis. Cum aliquando totus esset occupatus in dimetiendo recens detecto conclavi, nec foramen in pavimento advertisset, præcipitavit in altissimum cavum. Læsa ei non parum fuit dextra coxendix sive ex casu, sive ex nisu, quem principio fecit, ut se sustentaret. Quanquam multa adhibuerit remedia, non ita tamen convaluit quin claudicaret, & frequentibus affligeretur doloribus. Consilio Cardinalis Zondedarii Vignonis balnea, quæ sunt in ditione Senensi, adivit; vixque supposuerat debilitatum femur decidens aquæ canali, cum sensit plurimum vigoris musculis inde redditum, liberatasque magna ex parte fibras a glutine. Experiri etiam voluit quid posset terra quædam oleosa & calida, quæ reperitur in flammifero solo non longe a *Petramala* quod est opidulum Etruriæ in Apenino positum. Femori admodum terra illud non mediocriter laxavit, roboravitque. Hoc autem allevamentum ne constans diuturnumque esset, fecit summa difficultas, quæ pedibus ire & reverti milibus pas-

D

suum

suum duobus , ineptaque via ille coactus est .  
 Extat in Actis Accademiæ Parisiensis , quæ  
 sunt re rebus an. MDCCVI. Blanchinii scriptum ,  
 quo collegas docuit de observatis a se in hoc  
 flammifero solo . Vidit enim in ambitu cen-  
 tum fere triginta pedum quadratorum vigin-  
 ti flammæ hic atque illic spartas ad dimidium  
 pedem se se extollentes , planeque ligneum  
 ignem imitantes : Et quidem si in has flam-  
 mas immittebantur paleæ , ceteraque corpora ;  
 quæ ignem facile concipiunt , brevi consume-  
 bantur . At illud in primis mirandum vide-  
 batur , quod si quis virga solum vel leviter  
 feriret , vel in illud ipsum paleas , chartas ,  
 aliasque similes res projiceret , novæ statim  
 erumpebant flammæ , eæque tamdiu ardebant ,  
 donec omnis projecta materia ureretur ; quin  
 etiam earum una vel consumpto pabulo ar-  
 dere perseveravit . Flammas circumstabant la-  
 pides , & glebæ suavi quodam odore prædi-  
 tæ , quarum confictu atque tritu ignis elicieba-  
 tur . Illud etiam miratus est Blanchinius , quod  
 non longius a flammis quam intervallo duo-  
 rum pedum cumuli essent nivis , & subter-  
 ni-

nivem glacies ; ut , quod de *Ætnæ* ignibus a Claudiano dictum est , hi quoque *sci-  
rent nivibus servare fidem* . Harum rerum ,  
causas philosophis explicandas reliquit Fran-  
ciscus . Tantum suspicari visus est ignes illos  
ali continuis vaporibus Adriatici maris , efflu-  
viisque subjectæ planitiei , quod perpaucis pro-  
batum iri puto . Tametsi non bene firmatum  
femur incommoda itineris auget , ille tamen  
Parmam usque pervenire voluit , quia scie-  
bat rem gratam se facturum Antonio illius  
civitatis Duci , si in Columnano meridianam  
lineam describeret . Neque hoc solum præsti-  
tit , sed etiam illustria quædam Græca & Ro-  
mana monumenta , quæ Farnesianum Museum  
ornabant , explicavit . In his fuit vas illud ex  
achate versicolori , singulari opera artificio-  
que exculptum , de quo nonnulla etiam scripsit  
Scipio Maffejus in secundo volumine *Obser-  
vationum Litterariarum* . Etenim minime in-  
ter eos convenit quid designarent tres nym-  
phæ sedentes , sedentemque pariter circumstan-  
tes senem , qui dextra ballistam tenet , quid  
huic proximus juvenis cum cornu copiæ , ac

duo viri sublimē elati . Referebat hæc omnia Blanchinius ad ἀποδείξεις Alexandri Magni , Maffejus vero ad Ptolemæum Auletem , ejusque familiam . In hoc etiam se gratificari Antonio Duci Franciscus arbitratus est , quod commentariolum scribendum suscepisset de globo Farnesiano . Rude illud & imperfectum reliquit ; quod cum in manus pervenisset Francisci Jaquierii , dignum judicavit , ut in eo absolvendo operam poneret . Totum enim refertum erat Græca Latinaque eruditione , plurimaque continebat ad stellarum positionem , eclipticæ obliquitatem , & Astronomiæ progressus intelligendos utilissima . His laboribus minime defatigatus Franciscus studium etiam non mediocre contulit , postquam in Urbem reversus est , ad ordinandum Librarianæ Basilicæ tabularium , cujus præfecturam Benedictus XIII. ei detulerat . Sic se exercebat cum exeunte Januario an. MDCCXXXIX. correptus est vehementissimis ventris doloribus . Insanabilem morbum statim judicarunt medici , quod aut intestinorum inflammationi , aut hydropi illum assignabant . Æger inter-

terdum relevari videbatur , deinde multo gravius vehementiusque afflictabatur . In hoc statu dies quadraginta consumpsit constantiæ æquabilitatisque præclara exempla prodens . Postremo cum sanguinem evomisset , naturæ debitum reddidit VI. Kal. Martias quinta fere noctis hora . Quam civitati carus fuerit dolore mortis indicatum est . Notæ enim erant cunctis ordinibus copia & varietas illius doctrinæ , ejusdemque egregiæ virtutes , quæ non solum sperare , sed etiam confidere nos jubent , ejus animam tanquam e custodia vinculisque corporis ad Deum evolasse . Profecto tota illius vita mortis contemplatio fuit ; & illud acre suum in Astronomiam studium hoc præsertim pabulo nutriebatur , quod non fineret ejus mentem humi defixam esse , sed penitus traheret ad divina , & æterna appetenda . Cum aliquando reprehenderetur ab amico , quod honores neque cogitaret neque peteret , cum facile eos consequi posset , videretur præsertim propter gratiam , quæ summa in illo erat : *quæ est ista* , inquit , *hominum dignitas , & splendor qui per-*

*sinet ad breve vitæ curriculum ? Nos quidem diuturniora spectamus .* Dicebat etiam omnino stultos & miserrimos esse illos , qui in præmiis humanis spem ponant laborum suorum , quosque ambitioni deditos fuitiles lætitiæ languidis liquefaciunt voluptatibus . Non igitur minus beatum illum existimare debemus , quod tot virtutum præsidio , tantæque doctrinæ comitatu primos vix attigerit Romanorum honorum gradus . Cujus moderationem utinam imitarentur ii , quibus in ingrata sæpe civitate res minus prospere succedunt . Etenim illa vera laus est mereri , non habere honores . Hæc quoque sint Blanchinii pietatis indicia . Nemo fuit illo promptior & diligentior cum danda esset opera rebus divinis . Dabat autem quotidie ad plures horas cum privatim , tum publice , sive in choro assideret , sive Subdiaconi munus in Sacello Pontificio expleret , sive templa religionem præcipue invitantia obiret . Neque in se solum vitæ sanctitatem excolere sætegit Blanchinius , sed etiam in aliis excitare ; possemque nonnullos nominare præclaro exemplo &

sa-



sapientissimis consiliis ab eo ex errore ad rectum salutis iter traductos . E Britannia secum Romam adduxit optimæ spei adolescentem , ut ibi piis & liberalibus disciplinis institutus suis civibus aliquando futurus esset utilitati . Illud autem maxime declarat quantæ ejus bonitatis esset opinio , quod Clemens XI. ad Summum Pontificatum electus ab eo consilia exquisierit , quæ pertinerent ad recte sancteque sustinendum impositum munus . Scripsit igitur paucis diebus opusculum vere aureolum de Summi Pontificis officiis , in quo exempla illustriorum Pontificum , & imaginem antiquitatis diceret intueri . Equidem dum mihi ante oculos pono insignem adversus Deum pietatem Blanchinii , Galilei , Vivianii , Torricellii , Cassinii , Magalotii , Eustachii Manfredii , aliorumque multorum in Philosophia facile principum , stomachari satis non possum quorundam temeritatem , qui pronuntiare non verentur , cum pio Dei cultu Philosophiæ genus , quod nos hodie sequimur , ægre societatem habere posse . Profecto unde homines

Dei cognitionem facilius capere possunt quam ex contemplatione naturæ ? Quis vero cum cogitet Deum naturæ effectorem , atque rectorem , ab eoque nobis impertiri lucem qua fruimur , innumeraque alia , quibus utimur , commoda , non illum & grate & pie colat ? Sed relictis his Philosophiæ hostibus ad Blanchinium redeamus , in quo satis laudari non potest , quod in maxima opinione virtutum , ingenii , doctrinæque maximam servaverit modestiam . Cum esset Diaconus noluit ad Sacerdotium ascendere , quod se tanto gradu indignissimum judicaret . De suis scriptis nihil arrogans aut gloriosum prædicabat , quin immo eadem verbis extenuabat ; exquirebatque curiose quid de iis quisque sentiret , atque etiam qua de causa sentiret , ut si quid merito reprehensum esset corrigeret . Tristem & horridam sapientiam semper vitavit , semperque se se , quibus rebus honeste ac religiose potuit , ad communem morem accommodavit . Itaque irridebat illorum stultitiam , qui , ut ait Cicerō , si quid Socrates , aut Aristippus contra

con-

consuetudinem civilem fecerint , locutivæ  
sint , idem sibi arbitrantur licere . Gravita-  
tem cum suavitate ita conjunxit , ut neutra  
quidquam detrahente de alterius vi , idem &  
gravissimus esset & suavissimus . Quis con-  
gressum illius , quis facilitatem sermonis , quis  
doctrinæ , consiliorumque lumen ab eo un-  
quam desideravit ? Idem si in matronarum  
cœtum advenisset , exponebat iis aliquid aut  
ex physica , aut ex historia ; cavebatque ne  
dum utilis esse vellet , ineptus judicaretur .  
Mirum autem quam festive , veluti per jo-  
cum , saluberrima præcepta puerorum ani-  
mis instillaret . Si cum æqualibus versaretur ,  
quamvis sermone præpotens esset , efficiebat  
ut unus de multis esse videretur . Somni &  
cibi parcissimus videbatur ali oblectatione  
industriæ ; neque in ulla re frustra laborem  
posuit , quod ei natura tribuerat versatile  
ingenium , ut natum ad id unum dixisses quod  
ageret . Vel ipsas musas in asperitatibus re-  
rum mathematicarum faciles expertus est ,  
cum pastoritio carmine celebrare suscepisset  
natalem diem . Jacobi III. Stuardii . Reliquit  
& ora-

& orationes quarum una est de Sanctissimæ Trinitatis myſterio , altera de Aſcenſione Domini , tertia de novo eligendo Pontifice ad Purpuratos Patres , quarta de laudibus Leopoldi I. Imperatoris , quam habuit , quando ei juſta ſoluta ſunt in Sacello Pontificio . Porro adeo navus & induſtrius erat Franciſcus , ut ne otium quidem fuerit ei unquam otioſum . Quando itinera fecit per Italiam , vel ut aſſecta eſſet Cardinalis Barberinii , cum hic a Pontifice Legatus miſſus fuiſſet Neapolim ad Philippum V. , vel ut Brixiam Cardinali Barbado Purpureum capitis indumentum , quod præcipuum eſt Cardinalatus inſigne , deferret , vel ut valetudini ſuæ conſuleret , habuit ſemper ſecum , tanquam viaticum , teleſcopium xxiii. palmorum , quadrantem , horologium pendulo inſtructum , aliaque inſtrumenta mathematica , quibus uteretur toties quoties loci , temporisſque opportunitas invitaret . Hinc plures ejus aſtronomicas , & geographicas obſervationes habemus Brixie , Bononiæ , Florentiæ , S. Quirici , Aſſiſi , atque Urbini præſertim , finitiſ.

misque in civitatibus peractas . Mansit enim aliquot mensibus Urbini apud Jacobum III. Stuardium , quo tempore explanationem quoque fecit earum rerum , quæ in principe domo extrinsecus insculptæ sunt . Locus nullus erat qui ad se allicere posset hominem antiquitatis , omniumque liberalium artium amantissimum , acerrimumque venatorem naturæ , quo non accederet contemplator Blanchinius . Cum vero penetraret tabularia , sua manu transcribendo excerpebat ex his ipsis siquid inesset , quod historiam maxime illustraret . Ex quo intelligi debet minimum temporis momentum illum perire non siviisse . Ita quæ aut languorem aut cessationem ceteris plerumque afferre solent peregrinatio , rusticatio , otium , & solitudo , eundem acuebant . Simplex & rectus fugiebat eos in quibus multiplex erat ingenium & tortuosum . Neminem unquam læsit ; admonitorque lenissimus dabat peccatis aliquid excusationis , prope ut concedendum esse videretur . Si quos vero invenisset inter quos æmulatio esset laudis , enitebatur ne qua intercederet obtrectatio . Amicitias  
sum.

summa cum fide , & quibuscunque potuit officiis coluit ; adeoque iis delectatus est , ut semper aliquos acquisierit quos diligeret , & a quibus diligeretur . Cum tota Stuardia domo sic erat conjunctus , ut in intimis illius esset ; magnamque iniit gratiam a Vindelico Electore , Violante Medicea , aliisque principibus viris , quos comitatus est in invisendis iis rebus , quæ in Urbe sunt admirandæ . Familiam suam ea caritate profecutus est , ut cum de suis minimum , de illius commodis plurimum laboraret . Parentes juvenis amisit , eosque quoad vixerunt commemorabili pietate dilexit & coluit . Nec minus in patriam pius auctor fuit Scipioni Massejo , ut de iis rebus , quæ ipsam illustrant , opus contexeret ; scripsit ipse Italico sermone vitam Cardinalis Norisii , deditque operam ut huic , atque Onufrio Panvinio monumenta numismatum , & hermatum fierent . In hoc quoque ejus liberalis voluntas gratificandi suis civibus cognita est , quod maximam librorum suorum partem , selectioraque monumenta Christianæ antiquitatis summo studio a se colle-

lecta , nec non scripta sua Capitulo Veronensi legavit , cum ejusdem Capituli Canonicum Josephum Blanchinium fratris sui filium heredem instituisset . Pro quibus aliisque meritis publico decreto ei monumentum illustre positum est in Cathedrali Ecclesia cum hac inscriptione .

FRANCISCO . BLANCHINIO . VERONENSI .

ET . OB . EGREGIA . IN . URBEM . MERITA . INTER . ROMANOS . PATRICIOS . CUM . SUA . GENTE . COOPTATO . UTRIUSQUE . SIGNAT . REFEREND . ET . PRAEL . DOMEST . OMNIGENAE . DOCTRINAE . SINGULARIS . INNOCENTIAE . AC . MODESTIAE . VIRO . QUI . EXIMIIS . EDITIS . LIBRIS . DE . RE . ANTIQUARIA . HISTORIA . CHRONOLOGIA . ET . MATHEMATICIS . DISCIPLINIS . MAGNAM . NOMINIS . FAMAM . APUD . ITALOS . EXTEROSQUE . ADEPTUS . DUM . NOVA . SELECTAE . ERUDITIONIS . MONUMENTA . PRO PEDIEM . EVULGANDA . PARAT . DIEM . SUUM . OBIIT . ROMAE . VI . NON . MARTIAS . ANN . SAL . CIOIOCCXXIX . AET . SUAE . LXVII .

PUBL . VERONENSES . DECRETO . M . P .

Mo-

Monumenta quoque eidem decreverunt Capitula Veronense , & Romanum Liberianæ Basilicæ , qua in Basilica sepeliri mandavit . Sed tempus est hujus vitæ finem facere , in qua exponenda si longiores nos fuisse accusabimur , dabit nobis justam defensionem . Xenophon , qui virorum virtute præstantium non maxima modo , sed & minima , & vel ipsa joca digna esse ait , quæ memoriæ commendentur .

### OPERA EDITA.

*VITA di Geminiano Montanari* . Edita est Patavii cum opere posthumo ejusdem Montanarii de Turbine .

*ISCRIZIONI Sepolcrali nel Catafalco di Alessandro VIII.*

*ISTORIA UNIVERSALE* provata con monumenti , e figurata con simboli degli antichi . Roma 1697. in 4.

*GIUOCO DI Carte per apprendere la Storia universale* . Roma 1695.

*DE KALENDARIO, ET CYCLO CÆSARIS*, ac de Paschali Canone S. Ippolyti Martyris dissertationes duæ ad SS. D. N. Clementem XI. Pont. Max., quibus inseritur descriptio , & explanatio basis in Campo Martio nuper detectæ sub Columna Antonino Pio olim dicata . His accessit enarratio per Epistolam ad Amicum de Nummo , & Gnomone Clementino Auctore

FRAN-



*Francisco Blanchinio Veronensi Basilica S. Laurentii in Damaso de Urbe Canonico S. D. N. ab honore Cubicul. , & a Secretis Sac. Congreg. Kalendarii . Romae 1703. Typis Aloysii , & Francisci de Comitibus Impressorum Cameralium .*

*SOLUTIO problematis Paschalis ad absolutam emendationem tabularum Paschalium juxta Cyclum annis 1184. Gregorianis constantem . Romae 1703. in fol.*

*CONSIDERAZIONI teoriche , e pratiche intorno al trasporto della Colonna di Antonino Pio collocata in Monte Citorio fatte da Monsignor Francesco Bianchini ec. in Roma 1704. nella Stamperia della Reverenda Camera Apostolica in 4.*

*JURA producta in causa Romana Fontis Baptismalis pro Ven. Basilica S. Laurentii in Damaso &c. Romae 1706. in fol.*

*ORATIO de Sacratissima Trinitate . Romae 1684.*

*— in institutione Academiae Alethophilorum . Verona 1687.*

*— de methodo philosophandi in rebus physicis . Extat nel Giornale di Parma del 1687.*

*— de Ascensione Domini . Romae 1689.*

*— in funere Leopoldi I. Caesaris Augusti . Romae 1705.*

*— de eligendo Summo Pontifice post obitum Innocentii XIII. ad Sacrum Coll. S. R. E. Cardinalium . Romae 1724. Edidit secundo hanc Orationem Blanchinius a se in italicum conversam.*

*EPISTOLA de Lapide Antiati ad Franciscum Aquavivam . Romae 1698.*

*— ad Historiam Legationis Pontificiae Eminentiissimi Cardinalis Barberini ad Serenissimum Regem Catholicum Philippum V. Neapoli anno 1702.*

*— de nobilissimo hospite , Comitis de Trausnitz nomen professo , & in Villa Pinciana Burghe-*

rum Principum excepto die 27. Maii 1716. Romæ 1716.

— de aureis, & argenteis cimeliis effossis hoc anno 1717. Mense Januario in arce Perusina ad Alexandrum Albanum, seu *Analeſia eruditæ vetuſtatis*.

— de Eclipsi Solis die 22. Maii 1724. ad *Otolinum Orolinum*. Probare contendit Auctor hanc eclipsẽm similem fuisse ei, quam refert Dio libro 56.

— ad Joannem Mabillonium de emendata ab eo Epistola Eusebii Romani ad Theophilum Gallum. Extat in Tom. prim. des *Ouvrages posthumes de D. Jean Mabillon* ec. a Paris 1724. in 4.

VITA del Cardinal Noris. Edita est Romæ intet Vitas degli Arcadi illustri parte prima.

ANASTASII BIBLIOTHECarii De Vitis Romanorum Pontificum, cum Præfatione, Prolegomenis, variantibus leſſionibus, & notis historicis Francisci Blanchini, & aliorum notis historicis &c. Tom. III. in fol Romæ e Typographia Vaticana apud Joannem Mariam Salvioni in Archigymnasio Sapientiæ. Prodiit primum volumen anno 1718. secundum anno 1723. tertium vero anno 1728. Ex hoc volumine excerptæ fuerunt, & separatim editæ

DISSERTATIONES DUÆ de Præſepe Christi Domini, & de Museo Basilicæ Librianæ &c. Notæ pauca reliquit Blanchinius, quæ pertinebant ad quartum Anastasii volumen. Edidit hoc volumen Iosephus Blanchinius anno 1735.

IL GIORNO NATALIZO di Giacomo III. Rè d'Inghilterra: Cantata Pastorale. Roma 1740.

SPIEGAZIONE delle sculture contenute in 72. tavole di marmo, e bassi rilievi collocati nel basamento esteriore del Palazzo di Urbino, che rappresentano macchine, e molti altri istrumenti, e arnesi

di

di guerra spettanti all'arte di guerra antica, e moderna da Monsignor Francesco Bianchini Veronese fatta già in idioma latino, ed ora dal medesimo trasferita in lingua italiana: Extat in libro, cui titulus: *Memorie concernenti la Città di Urbino*. In Roma 1724. presso Giannaria Salvioni. In eodem libro extant quoque

*NOVIZIE, E PRUOVE della Corografia del Ducato di Urbino, e della longitudine, e latitudine geografica della Città medesima, e delle vicine, che servono a stabilire quelle di tutta la Italia di Monsignor Francesco Bianchini.*

*CAMERA, ED ISCRIZIONI SEPOLCRALI de' Liberti, Servi, ed Ufficiali della Casa di Augusto scoperte nella Via Appia, ed illustrate con le annotazioni di Monsignor Francesco Bianchini Veronese l'anno 1726. In Roma appresso Giovanni Maria Salvioni 1727. Eodem anno, sed serius, prodierunt Florentiæ illustrationes in easdem inscriptiones latine factæ ab Antonio Francisco Gorio.*

*HESPERI, ET PHOSPHORI nova Phœnomena, sive observationes circa Planetam Veneris, unde colligitur I. Descriptio illius macularum, seu Celidographia. II. Vertigo circa axem proprium, vel Perielesis spatium dierum 24. cum triente. IV. Parallelismus Axis in orbita octimestri circa solem. IV. & quantitas Parallaxeos methodo Cassiniana explorata, nunc primum editæ sub auspiciis sacræ Regiæ Majestatis Joannis V. Lusitanie, &c. Regis a Francisco Blanchinio Veronensi Sanctissimi Domini nostri Papæ Prælato domestico. Romæ apud Joannem Mariam Salvioni 1728. in fol.*

*FRANCISCI BLANCHINI Veronensis Astronomicæ, ac Geographicæ Observationes selectæ, ex ejus autographis excerptæ una cum meridiani Romani tabula, cura & studio Eustachii Manfredi. Veronæ anno 1737. in fol.*

E

In

In hoc libro reperiuntur observationes habitæ a Blanchinio vel ab anno 1683. Retulit in illum ipsum librum Manfredius nonnullas astronomicas observationes, quibus locus antea datus fuerat in Actis Lipsiensibus, & Parisinis. Exhibent enim Lipsiensia acta anni 1685. pag. 189. & pag. 241. observata a Blanchinio de comete, qui apparuerat an. 1684.: eodemque in volumine extat etiam *novæ methodus Cassiniana observandi Parallaxes & distantias Planetarum a terra, tentata Romæ a clarissimo Abbate Francisco Blanchinio*. Acta vero anni 1686. continent observationes Blanchinianas de lunæ eclipsi, quæ maxima facta est an. 1685. die x. Decemb. Multo plura habent Parisiensis Academiæ acta, quæ pertinent ad Blanchinium. Hæc sunt observationes eclipsium lunæ annorum 1695. 1697. 1703. 1707. & 1718. eclipsium Solis 1708. & 1715. Jovis, ejusque satellitum 1715. 1716. Veneris 1720. nec non observationes cometarum an. 1702. & 1723. His adde: *Reflexions sur des memoires touchantes la correction Gregorianne*: vide volum. an. 1704. *Extrait des observations faites sur des feux qui se voient a Pietramala*: vid. volum. an. 1706. *Fragmentum planispherii Ægyptii & Græci antiquo marmori insculptum & asservatum in cimeliarchio Pontificio Palatii Vaticani e ruderibus Romæ egestum* an. 1705.: extat in volumine an. 1708. *Description d'une machine portative propre a soutenir des verres de tres-grands foyes*: extat in volumine an. 1713. Demum, quod gloriosissimum fuit Blanchinio, legitur in iisdem Actis illius vita a Fontanellio elegantissime scripta. Observationes aliæ non solum astronomicæ, sed etiam physicæ a Blanchinio peractæ, enuntiatæ fuerunt a Scriptoribus Ephemeridum Parmensium, & a Guillelmo VVhifton in suo libro, quem inscripsit: *Prælectiones Astronomicæ*, edito anno 1707.

DEL

**DEL PALAZZO DE CESARI** Opera postuma di Monsignor Francesco Bianchini Veronese . In Verona 1738. per Pierantonio Beruo in fol.

**OPUSCULA VARIA** Francisci Bianchini nunc primum in lucem edita ex ejus manuscriptis libris autographis , qui ex testamento adservantur in Archivio amplissimi Capituli Sanctæ Veronensis Ecclesiæ . Romæ 1754. Ex Typographia Hæredum Jo: Laurentii Barbiellini . Tom. II. in 4. En index opusculorum . In volum. I. De profunditate lacu Albani : De distantia Castri Candulphi ab Urbe : De Albani aeris salubritate : Cur corpora eorum , qui suffocati in aquis perierunt , postquam pluribus diebus in aquæ imo stagnaverint , ultro super ejus superficiem ascendant : Experimenta peracta in decem generibus aquarum anno 1709. Epistola Cuperii ad Fontaninum de inscriptione quadam Palmirena : Epistola Bianchini ad Cuperum de eadem inscriptione : Epistola Cuperi ad Bianchinum de eadem inscriptione , de ruinis Persæpoleos , & de statua Bacchi : Alia ejusdem Cuperi de commemorata inscriptione Palmirena , & de characteribus Persæpoleos : Alia de nonnullis aureis nummis Vespasiani , Gordiani , Trojani , Decii , & Honorii , & de icuncula ærea Barbari Ducis , cujus e collo pendet Constantinii Magni nummus : Epistola Ant. Marie Salvini ad Bianchinum de insigni quadam inscriptione Græca bis sepulti pueri : Judicium Bianchini de vase antiqui operis æstivato Parmæ : Dissertatio de anno mortis Christi .

In II. volumine : Discorso accademico , in cui si mostra , che siccome la gloria , così la delizia di una mente Cristiana ha il suo principio e il suo compimento nella Croce del Salvatore : Lettera a Clemente XI. sopra alcuni nomi di sette Angeli essosti in un quadro d'altare della Chiesa di S. Maria della Pietà di Roma : Lettera a Monsignor Olivieri

sopra alcune Pitture ritrovate soi nomi de' SS. Martiri Felice , e Adauſto , e di S. Emerita Vergine e Martire nel Cimiterio di eſſi Santi detto anche di Comodilla : Discorso intorno alla Cronologia profana dopo il tempo delle Olimpiadi : Dialogo sopra l'applicazione del Ciclo Ottagrammo alle Olimpiadi , e alla Cronologia del tempo istorico in anni Gregoriani , e Giugliani : Lettera di Pirro Gabrielli al Custode generale d'Arcadia sopra l'Efemeridi Arcadiche : Lettera di Selvaggio Affrodiseo ( cioè di Monsignor Bianchini ) al medesimo Custode : Applicazione del Ciclo Ottagrammo alle Olimpiadi degli Arcadi : Descrizione della linea meridiana fatta nella Chiesa di S. Maria degli Angeli alle Terme di Diocleziano : Sopra la medesima linea lettera scritta al Conte Giovambatista Bianchini : Discorso accademico della Genealogia di Romolo , e dell'Epoca della fondazione di Roma : Altri simili discorsi della Genealogia , e Cronologia di Numa Pompilio , di Tullio Ostilio , di Anco Marzio , e di Servio Tullio : Discorso accademico della Cronologia della Romana Repubblica provata per li Consolati : Altro della Cronologia de' Romani dal primo Consolato di Bruto ſino al primo ammutinamento della plebe sull'Aventino , e dell'uso della medesima Cronologia : Lettera circa l'anno eraſo da' Faſti : Altra sopra alcune iſcrizioni de' baſſi tempi : Descrizione del Deposito eretto da Clemente XI. a Criſtina Regina di Svezia nella Baſilica Vaticana : Dei doveri del Papato a Clemente XI.

DISCORSO sopra la perpetua Efemeride Arcadica ad Alfeſibeo Cario ; legitur in libro , cui nomen : Memorie istoriche delle Adunanze degli Arcadi . In Roma 1761. nella Stamperia de' Roſſi .

DISSERTATIO de tribus generibus instrumentorum musicae veterum organicae . Romae 1742. in 4.

Præter ea , quæ hucusque recensuimus Bianchi.

nli scripta ab eo , aliisque in vulgus edita , sunt & alta , quæ minime lucem aspexerunt . Talia sunt *Itinera Italica , Gallicum , & Anglicum : Observationes variae physicae : Globus Farnesianus : Dissertatio de Vestibus Pontificalibus : Oratio ad Alexandrum VIII. dum Bibliothecam Ottobonam inviseret : Carmina nonnulla Italica : Dissertatio de Amphitheatro Albano , aliaque multa ad antiquitatem pertinentia : Hermes , seu Mercurius : Pantometer ad indagandas Eclipses , quæ fuerunt , quæque future sunt : Acta Congregationis Kalendarii ; & familiares epistolæ . Optandum sane esset , ut aliquis curam susciperet edendi epistolas , quas Blanchinio de rebus ad eruditionem pertinentibus dederunt Leibnitzius , uterque Cassinius , Maraldius , Eustachius Manfredius , Cælestinus Gallianus , Scipio Massejus , Antonius Maliabechius , Philippus Bonarrotius , Montfalconius , Bongiurius , Mabillonius , alique viri , quos ei similitudo studiorum , cujus summam vim ad conjungendas amicitias omnes norunt , fecerat conjunctissimos .*

Neque silentio prætereundum est Blanchinium opus instituisse , quod persecutus est ejus fratris filius Joseph Blanchinius , quodque inscribitur : *Storia Ecclesiastica provata con monumenti originali di statue e bassi rilievi .*

**N** *E* tu assiduus & acer es flagitator ,  
 qui me quasi voto quodam & promisso  
 teneri jactitas ad vitam Joannis Antonii Blan-  
 chii præceptoris tui conscribendam . Si quam  
 spem in te hujus rei conficiendæ excitavi ,  
 eam certe non patiar frustrari . Etenim om-  
 nia collegi quæ ad eandem vitam declaran-  
 dam pertinent , non omnia tamen contexui ,  
 sed quæ potui , utque siverunt temporis angu-  
 stia . Scitum est enim [ nosse jam Ciceronia-  
 num illud ] causam conferre in tempus , cum  
 efferre plura , si cupias , non queas . Dicam ta-  
 men audacter non fuisse mediocris eruditionis  
 atque doctrinæ quæ scripsit Blanchius adver-  
 sus Bossuetium & Fannonium , ut propterea  
 putem ejus loquacitati ignoscendum . Mihi qui-  
 dem cogitanti nonnullorum casus sententia tua  
 vera & sapiens videri solet , qui ab omni  
 contentione atque dimicatione abhorrendum  
 existimas , elaborandumque in iis studiis , in  
 qui-



quibus sine periculo , & cum laude quis versari possit . Præclare igitur facis quod totus occupatus sis in colligendis illustrandisque monumentis temporum , hominum , locorum , gestarumque rerum ; & qui aliquam cupiditatem habent notitia clarorum virorum vehementer etiam atque etiam a te postulant , ut edas jam libros , quos absolvisti , de illustrium quarundam familiarum Romanarum historia , de Canonicis Lateranensibus , de Romano necrologio , & si quos alios hujus generis parasti . Non enim credibile videtur quam multa scripseris , & quam multa agites ; quodque mirabilius est occupata etiam opera , impeditoque animo ea suscipis & præstas , que hominem otiosissimum desiderarent . Ego quidem & vita & industria longe tui dissimilis lente progredior in institutis operibus . Non despero tamen , si vita suppetet , posse plures vitarum illustrium Italorum decades proferre , quæ si ceteros minime delectabunt , me certe delectant , quod sic putem fructum aliquem percipere eorum studiorum , quæ a primis ætatis temporibus excolui . Vale .

## JOANNES ANTONIUS BLANCHIUS.



Oanne Francisco & Catherina Felice Bianchiis civibus Lucensibus ortum habuit Lucæ Joannes Antonius Blanchius post . Kal. Octob. an. a reparata salute MDCLXXXVI. Sive felicitate quadam , sive bonitate ingenii , sive parentum disciplina rectam , ineunte ætate , studiorum viam secutus est . Cum septendecim esset annorum Franciscanæ familiæ , quam appellant *Minorum Observantium* nomen dare voluit , & Urbeveteri in cœnobio Sanctissimæ Trinitatis tyrocinium posuit . Hoc expleto , decursoque Romæ primum , mox Neapoli Philosophiæ , & Theologiæ curriculo , munus docendi suscepit . Triennium Philosophiam Romæ docuit in cœnobio Sancti Bartholomæi , ibidemque in rerum divinarum scientia instituit religiosos illos viros , qui sacris ad barbaras gentes missionibus destinantur , postquam eandem facultatem Bononiæ professus omnibus ostendisset qualis quantusque fu-

futurus esset theologus . Eodem tempore provinciam regendi cœnobii plenam sollicitudinis sustinuit ; adeoque vigilavit in studiis , ut rescentiori Philosophiæ , sacre prophanæque Historiæ multam operam dederit , Jus civile percurreret , attigerit Medicinam , & Chirurgiam , rerumque cognitionem cum orationis exercitatione conjunxerit . Ex quo factum est ut quamvis imparatus aliquando venerit ad sacras habendas conciones in Liberiana Basilica [ repente enim obierat qui hoc munus erat ingressurus ] in bonis tamen oratoribus Etrusce , & diligenter loquentibus numeratus fuerit . Extant & ejus Latinæ orationes , ex quibus de illius ingenio oratorio , & luculenter ipsum Latine scivisse existimari potest . Sic cum neque obscura , neque mediocria essent , quæ Blanchius dederat , doctrinæ suæ argumenta a Cardinalibus Falconerio , Spinula , & Cozza electus est , qui Theologi munus apud ipsos sustineret . Iis autem cumulate semper officium suum reddidit ; & quanquam non defuerit quædam pestes hominum laude aliena dolentium , qui eosdem Cardinales ab illo alienare

nare tentaverint , cuncta tamen civitas nullo non tempore hos cognovit Blanchii amantissimos . Neque minus premebatur oneribus domesticarum rerum . Nam Mathæus a Paretæ , qui Ordinis supremum magistratum tenebat , cum habuit ad manum scribæ loco . Gubernavit etiam Romanam Provinciam , & Bononiensem ex mandato Crescentii Crisper Commissarii , ut vocant , Generalis aliquando visitavit . Qua occasione ortas inter suos & Prosperum Lambertinium Bononiæ Archiepiscopum , Thomamque Russum Ferrariensis provinciæ præfectum controversias summa prudentia ac felicitate composuit . Hic cum propter confecta munera , doctrinæ famam , & multas ejus virtutes Romæ magna cum dignitate viveret , nulla res major a suis sine eo gerebatur , & sæpe etiam a Cardinalibus , amplissimisque aliis viris de rebus ad Theologiam , & Jus Pontificium spectantibus consulebatur . Mirum vero quam promptus esset in rebus excogitandis , reperiendisque quæ opus erant , & quam facile easdem oratione explicaret . Id intuens Summus Pontifex Clemens XII.

ei mandavit , ut propugnator esset jurium Sedis Apostolicæ adversus Sardinia Regem . Etenim hic contendebat Nicolai V. concessu datam esse potestatem Sabaudia Ducibus eligendi , quem vellent , ad omnia majora sacerdotia , quæ in eorum regno & ditione essent ; factasque paciones inter se & Benedictum XIII. de moderanda ecclesiastica immunitate , aliisque juribus Ecclesiæ , Romanorumque Pontificum vel temperandis vel delendis haud esse infirmandas . Principio Blanchius narrationem exposuit omnium rerum , præteritarum , & præsentium , in quibus omnis ratio controversiæ continebatur ; deinde firmissima fundamenta jecit defensionis suæ , qua in defensione alii etiam docti viri jussu Pontificis insudarunt . Idem Pontifex præcepit quoque Blanchio , ut scripto ostenderet jure Gravinæ Episcopum devovisse ejusdem civitatis Ducem , quod hic clericis dene- gabat immunitatem vectigalium in iis prædiorum fructibus , quos venum tradebant . Ipsis autem armis , quibus tunc Blanchius prolusit , non dubitavit ad pugnam Jacobum Be-

Benignum Bossuetium , & Petrum Jannonium evocare . Exorsus est a convellenda opinione , quæ adimit Romanis Pontificibus potestatem alia jura præter religiosa & sacra in alieno imperio exercendi . Vereor ne assentatiuncula quadam aucupari eorum gratiam voluerit , quorum defensionem arripuit . Atque utinam facta & testæ essent ea jura , quæ non opinione quadam nonnullorum hominum , sed veritate & religione continentur , in quibus propugnandis elaborare , ut certe elaboravit Blanchius summa non solum doctrinæ & eruditionis , sed etiam verborum copia , gloriosum est . Opus hoc sex voluminum , quod inscribitur , *Della potestà, e della polizia della Chiesa* , secutum est illud ; *De' vizj e de' difetti del moderno teatro , e del modo di correggerli ed emendarli* . Clamabat per id tempus & voce & scriptis Daniel Concina e Dominicana familia mores hominum dulcedine corruptelaque theatri adeo depravari , adeoque indecora , inhonestaque multa scenam necessario comitari , ut quis ei interesse sine peccato minime posset .

tam

tam severitatem molire volens Blanchius ostendendum suscepit fieri posse dramma, quod minime bonis, & christiano homine dignis moribus officeret. Tales certe non esse idem fatetur hodiernas illas tabulas, in quibus sunt amationes, præsertim si eodem accedat musices, & saltationis lenocinium, multoque minus tales fuisse fabulas veterum Græcorum, Latinorumque, eorumque Italorum, qui suas ad illorum exemplaria condiderunt. Sive enim argumenta, mores, & sententias species, ἀσέλγεια & vitiorum officinas illas recte vocaveris. Neque solum Theologi partes agere voluit Blanchius, sed etiam eruditi, antiquitatisque investigatoris. Plurima enim in toto sparsit libro, quæ veterum scenam, musicam, ritus, & mores illustrant. Suscepta a Blanchio propugnatio honesti theatri cum sui defensione conjuncta erat. Populo enim spectandas exhibuerat, edideratque in vulgus tredecim tragædias, quarum octo soluta, reliquæ numeris adstricta oratione sunt compositæ. Ab hujusmodi tragædiis, a quibus amores, & muliebres illecebræ exulant, nul-

nullum timendum videtur esse periculum , ne  
 hominum animi mollescant , elidanturque vir-  
 tutis nervi . Sed hæ nunc jacent in Bibliopola-  
 rum tabernis , quamvis non injucundæ fuerint  
 propter multas earum virtutes , cum primum in  
 scenam prodierunt . Scivit profecto Blanchius  
 reddere unicuique personæ convenientia , ce-  
 teraque bene novit scenæ præcepta , ut ex  
 ejus commentariolo *de Tragædia* judicari po-  
 test . Sed cum fabulas texuit sæpe in eadem  
 vestigia incurrit , nec semper vitavit , ut cum  
 Horatio loquar , versus inopes rerum , nugæ-  
 que canoras . Postquam memoratum Blanchii  
 opus de vitiis theatrorum , deque ratione ,  
 eorundem emendandorum in lucem exiit ,  
 Concina acerbius insurrexit in theatra , eo-  
 rumque , cujuscumque generis essent , defenso-  
 rem . Par pari referre animo statuerat Blan-  
 chius ; sed tempus , morsque Concinæ miti-  
 gavit illius iracundiam . Itaque paruit illorum  
 consilio , qui minime vulganda putarunt , quæ  
 adversus Concinam scripserat , quanquam  
 existimari volebat id se non odio hominis ,  
 sed veritatis , suæque defensionis fecisse caus-  
 sa .



sa. Fuerunt & aliz controversiz, quæ Blanchii stylum exacuerunt. Pugnabit cum Philalete Adiaphoro, volens persuadere hominibus *Minores Observantes* antecedere ætate *Minores Conventuales*. Ordinis enim sui gloria, quæcunque ea esset, illi semper antiquissima cura fuit. Sed præsertim provocatus a Jo. Jacobo Scarfantonio defendit iratus scriptum quoddam suum, quo denegabat Piscienti Episcopo jus detrahendi quartam partem ex hereditate, quæ monasterio cuidam mulierum illius diocesis obvenerat. Omitto commemorare alias causas, quas homo disciplina Juris, ac præsertim pontificii eruditissimus, & ingenio acutissimus defendit. Etenim cuilibet petenti lucem & præsidium ingenii & consilii sui libentissime porrigebat. Admirabantur vero omnes ad eum de divinis non solum, sed etiam de humanis rebus referri, quasi nihil esset quod sciri discive potuerit, quod ille non investigaverit & sciverit. Qua ex re & fama crevit, & multorum illustrium hominum, ac etiam Principum amicitiam & gratiam sibi peperit. Cupiens Sardiniz Rex tan-

tantum virum sibi adungere amplissima illi præmia proposuit, si Augustam Taurinorum concessisset. Sed ille contentus honore ire recusavit, quod fortasse eadem aleretur spe, qua multi Romæ tenentur & aliciuntur. Factus quidem fuit a Benedicto XIV. Sacræ Inquisitionis Consultor, quod munus illi aditum ad Cardinalatum dare poterat. Noverat idem Pontifex hominis prope singularem doctrinam, eaque multis in rebus usus fuerat. Sed ut sunt fallaces hominum spes, eæ ante obrutæ fuerunt, quam portum conspiceret potuerint. Nam cum is redux esset ex Hispania, quo comitiorum Ordinis sui causa [erat enim Custos Romanæ Provinciæ] concesserat, morbo implicitus paucos post menses diem obiit supremum. Sepultus est in Æde S. Bartholomæi cum hac inscriptione.

D. O. M.

D. O. M.

P. JOANNI . ANTONIO . BIANCHI . LUCENSI .

ORDIN. MINOR. OBSERV. S. FRANCISCI .

CLERI . ROMANI . EXAMINATORI .

ET S. UNIVERSALIS . INQUISITIONIS .

CONSULTORI .

VIRO . IN . OMNI . GENERE . DOCTRINARUM .

PRAESTANTISSIMO .

DEQUE . RE . LITTERARIA . ET ECCLESIASTICA .

MULTIS . EGREGIAE . ERUDITIONIS .

VOLUMINIEUS . EDITIS .

OPTIME . MERITO .

PROVINCIA . ROMANA . CUI . OLIM . PRAEFUIT .

PARENTI . AMANTISSIMO . ET . CLARISSIMO . LUMINI .

MOERENS . POSUIT .

OBIIT . XVI . KAL . FEBRUARII . MDCCLVIII .

AETATIS . ANNO . LXXII .

F

Scrip-

Scripta sua , quorum multa reliquit inedita , amico commendavit . Doluit vero minime perficere potuisse opus *de Primatu , & potestate Romani Pontificis* , quod extrema ætate scribendum susceperat . Etenim ejus senectus non languida & iners fuit , sed operosa , semperque agens aliquid & moliens , cujus studium in superiori vita fuisset . Est quidem jucundissima senectus , ut ait Cicerō , stipata studiis juventutis , præsertim si corporis vires accedant , in quibus faultricem adeo naturam expertus est Blanchius , ut adolescentiam minime requireret . Ac ne hoc quidem ille indulgebat senectuti , ut cessaret ab iis instituendis , qui cubiculum suum frequentabant . Si quos adolescentulos illustri ingenio & industria invenisset , hos in pluribus variisque facultatibus exercebat , solitus dicere , parum prodesse reipublicæ homines unius cujusdam operis . Gymnasium & Academiam ejus cubiculum dixisses , quod maxima quotidie frequentia non solum studiosorum , sed etiam summorum hominum splendore celebrabatur . Sermones plerunque versabantur in  
litte-

litteris ; tamque felix erat Blanchius in reminiscendis quæ viderat & legerat , iisdemque dilucide eleganterque explicandis , ut meditata proferre credidisses . Consultum quoque veniebant ad eum pictores , sculptores & architecti , quod rerum ad illorum artes pertinentium doctus & intelligens esset existimator . Nec solum ingenii sui copiam flagitantibus faciebat , sed etiam vindemiolarum suarum , cum esset natura liberalissimus . De rebus publicis , deque Principibus libere loquebatur . Videbatur etiam mordere libenter inimicos suos . Ab obtreptione , tamen invidiæ , quæ solet lacerare plerosque , semper alienus fuit . Multa erat in homine comitas , jucunditas & jocandi lepor , præsertim si cum matronis versaretur . Illas autem maxime adibat , quarum cognita esset virtus vel in agendis fabulis , vel in memoriter recitandis carminibus . Musas enim impensissime amabat ; persuadebatque discipulis suis , ne unquam ita se addicerent cuiquam facultatum severioris , ut ita dicam , supercilii , quin identidem sibi ex musarum cantibus , si nihil

aliud , graviorum saltem cogitationum allevationem peterent . Plures qui cum eo familiaritate & contubernio conjuncti fuerunt , mihi omni asseveratione affirmarunt , eundem fuisse vita integerrima , & pietate in Deum summa . In morum disciplina gloriabatur medium quiddam tenere inter nimiam indulgentiam , nimiamque severitatem ; habebatque sæpe in ore , totam vim bene feliciterque vivendi in omnium rerum humanarum , contemptione & despicientia ponendam . Animi bona decoravit corporis figura venusta . Talis fuit vir , in quo si spectes uberrimam & variam doctrinæ copiam , ingeniique acumen , non tamen delectum , & judicium , hunc non dubites cum summis viris , qui nostra , patrum , majorumque memoria floruerunt , comparare .

## OPERA EDITA.

**LETTERE** di un cordiale amico a *Filalets Adiaforo* di quell'Ordine de' Minori sia il *B. Andrea Caccioli* da Spello, Tom. II. In Torino 1727. Opus editum est Romæ, non vero Augustæ Taurinorum, editumque secundo Lucæ.

**ORATIO** de Sanctis *Jacobo Piceno & Francisco Solano* Ordin. Minor. de *Observantia* habita Romæ in Templo S. Mariæ in Capitolio VII. Kal. Octob. ad S. R. E. Cardinales a F. Joanne Antonio Bianchi Lucensi. Romæ ex typographia Rocchi Bernabo 1727.

— De S. Margarita Cortonenfi Ord. S. Francisci ad Sanctissimum D. N. Benedictum XIII. Romæ ex typographia Rocchi Bernabo 1728.

— Pro aperitione Comitiorum universi Ordinis FF. Minorum habita Mediolani in Æde S. Angeli IV. Kal. Junii 1729. ab Jo. Ant. Bianchi Lucensi ejusdem Ordinis Fratres ac Romanæ Provinciæ Ministrum. Mediolani 1729. Sumptibus heredum Dominici Bellagatti.

**RAGIONI** della Sede Apostolica nelle presenti controversie colla Corte di Torino. Tom. I. Parte I. Informazion istorica divisa in 4. parti. 1732. Eodem anno edita fuit Pars II. memorati primi voluminis, nec non Partes I. & II. secundi voluminis.

**LETIERE** di risposta di un particolare di Roma ad un amico di Napoli sopra le pendenze di Gravina.

**DELLA POTESTÀ E POLIZIA DELLA CHIESA** Trattati due contro le nuove opinioni di Pietro Giannone dedicati al Principe degli Apostoli da Gian' Antonio Bianchi di Lucca Frate Osservante dell'Ordine de' Minori Tom. I. II. III in Roma 1745. nella Stamperia di Pallade appresso Niccolò e Marco Pagliarini, Tom. IV. prodit an. 1746. Tom. V. duabus

constans partibus sive voluminibus prodit an. 1750. Tom. vero VI. cum indicibus universi operis lucem aspexit an. 1751. in 4.

**DEI VIZI e DEI DIFETTI del moderno Teatro e del modo di correggerli ed emendarli Ragionamenti** sei di Lauriso Tragiense Pastore Arcade in Roma 1753. nella Stamperia di Pallade in 4. magno.

**TRAGEDIE** di Lauriso Tragiense con due ragionamenti del medesimo sopra la composizione delle Tragedie Tom. IV. in 8. Roma per Generoso Salomoni 1761. Lælius a Vulpe Typographus Bononiensis nullo antea vulgaverat pleraque harum tragicædiarum, quarum multæ separatim etiam in vulgus exierant.

**SCRITTURA LEGALE** per il Serenissimo Duca di Modena indirizzato alla S. Congregazione dell'acque con alcune risposte fatte alle considerazioni di un Professor Mattematico, e ad un'altra Scrittura pretesa del fu Signor Dot. Eustachio Manfredi. Romæ typis Mainardi 1739.

**AGRIGENTINA** validatis Matrimonii seu dispensationis pro Joanne Sulli & Catharina Collida. Memoriale facti cum Summario. F. Joa. Antonii Bianchi Lucensis Ordin. Minor. Romæ 1741. Typis Francisci de Comitibus.

**DISSERTATIO I.** de quarta Canonica Episcopali ex piis relictis detrahenda. Lucæ 1747. ex typographia Philippi Mariæ Benedini.

**DISSERTATIO II.** Anonymi super quarta canonica Episcopali ab oppositionibus &c. vindicata. Lucæ 1748. typis Angeli Capurri.

**NOTIZIE** dell' origine e dell' antichità del Ven. Monastero di S. Ambrogio detto della Massima, e della Sacra Immagine di Maria Vergine, che nella Chiesa di detto Monastero conservasi. In Roma 1755. nella Stamperia di Pallade presso Niccolò e Marco Pagliarini, in 4.

OPE.



## OPERA INEDITA.

*TRACTATUS* de Romano Pontifice, & ejus potestate.

*DISSERTAZIONE* del Primato del Romano Pontefice sopra la Chiesa universale spesso e dichiarato nel Concilio Fiorentino.

— *Del Primato del Romano Pontefice sopra la Chiesa universale conosciuto dal Concilio di Costanza.*

— *Delle colonie de' Romani.*

— *Delle mura, recinto, e pomerio di Roma, e della sua fondazione.*

— *Della legge agraria de' Romani.*

— *Del Tempio di Esculapio nell'Isola Tiberina.*

— *Sopra la legge d'amortizzazione.*

— *Della scelta de' buoni Scrittori per la lingua Latina.*

— *Sopra i dubbj di abolir le feste di precetto, e di trasferirle in Domenica.*

— *Sopra le prerogative di S. Gio. Laterano.*

— *De S. Siricio Papa in Martirologio Romano adscribendo.*

*EPISTOLA* ad clarissimum, doctissimum, & amicissimum virum Jo. Rogerium Neapolitanum Canonicum Pœnitentiarum Surrentinæ Metropoleos, in qua agitur de discursu Illustrissimi & Reverendissimi Domini Francisci de Vico Episcopi Eleusini Canonici Lateranenſis de nova Lateranenſis Ecclesiæ consecratione.

*ELEMENTA* Juris Civilis.

*LIBRI* IV. Institutionum Canonicarum.

*DIECI LETTERE APOLOGETICHE* in difesa de' Ragionamenti sopra i vizj e difetti de' Teatri Moderni contro le censure dell'Autore de' libri: de' Teatri moderni contrarj alla professione Cristiana.

*VITA* del Ven. Sebastiano Apparſo Indiano Frate Minore Osservante.

Sunt & alia scripta minora, quæ commemoranda minime putamus.

JOANNI ALOYSIO HONGIOCHIO.

ANGELUS FABRONIUS. S. D.

**T** Autumne ab re tua , ut cum Terentiano illo loquar , est otii tibi , ut scripta mea legas ? Mibi quidem gratum , & erit gratius si me admonitum voles , in quibus peccavi . Ex variis enim & diversis studiis & artibus ea collegisti , quibus & ceteris consulere , & tibi non facile interituram gloriam comparare queas . Cogitanti mihi fere quotidie de rationibus tuis placet quod te removeris a schola , secutus liberius & tranquillius vitæ genus . Nam sic studiosius urgere ea poteris , quæ instituisti , & quæ destinasti antiquitatis amatoribus . Est profecto dulcissimum mentis pabulum occulta & quasi involuta oblivionis tenebris aperire , atque in eo studio operam collocare , quo rerum antiquarum historia fieri possit & illustrior & copiosior . Ex quo factum est , ut qui semel hæc studia exercuerint , nunquam dimiserint . Satiari non poterat Corsinius noster hujusmodi  
exer.

exercitationibus , & in iis suæ senectutis ,  
 suarumque ægritudinum requiem & oblecta-  
 mentum unice reperire videbatur . Quare non  
 dubito quin ejus exemplum , ejusque voces ,  
 ut multos , sic te quoque ad hujusmodi iter  
 tentandum excitaverint . Vere tamen hoc mihi  
 videor esse dicturus , ex plurimis , qui in an-  
 tiquitate illustranda versantur , perpaucos ex-  
 cellere . Majus enim est hoc quiddam quam  
 homines opinantur , & pluribus ex artibus  
 studiisque , quod idem de eloquentia dixit Ci-  
 cero , collectum . Siquidem tenenda est omnis  
 historia , legum scientia comprehendenda , ve-  
 terum theologia & philosophia penitus perno-  
 scenda . Accedant eodem oportet non medio-  
 cris intelligentia artium pingendi , scalpendi &  
 architectandi , diurna nocturnaue evolutio  
 Scriptorum Græcorum Latinorumque , nec non  
 perfecta cognitio geographiæ , atque chrono-  
 logiæ . Quid vero dicam de thesauro rerum  
 omnium memoria , & de divinandi , & ve-  
 ra a falsis dijudicandi arte , quæ nisi summæ  
 sint in antiquitatis investigatore , næ ille ,  
 quod expetit , consequi posse diffidat necesse est .

Atque

*Atque hæc non eo dico , ut te , a quo edocendus sum , edoceam . Tantum volui prædicare tui , tuique similium industriam , cuius rei opportunam occasionem dedit , quam ad te mitto , hominis utriusque nostrum amicißimi vita , quæ tota referta est narratione earum rerum , quæ pertinent ad antiquitatem , in qua illustranda adeo ille excelluit , ut neminem superiorem , perpaucos pares habuerit . Vale .*

*Pifis Kal. Maii MDCCLXX.*

EDUARDUS CORSINIUS.



Anani, quod est oppidum Provinciæ Frinianæ in ditione Ducum Atestinorum , III. Non. Octobris an. MDCCII. procreatus est Eduardus Corsinius optimis quidem parentibus , honestissimæque familia , quippe quæ jamdiu civitate Mutinensi donata erat . Is ubi primum adolevit sodalitatem hominum Scholarum Piarum , quos præceptores puer in patria habuerat , ingressus est . Multa diligentia , multoque labore in humaniorum litterarum ,  
Phi-

Philosophiæ ac Theologiæ studiis Florentiæ se exercuit apud suos ; & cum omnes condiscipulos gloria anteiret , ab omnibus tamen in deliciis habebatur . Erat enim bonitate , suavitatemque morum prope singulari ; & cum plurimum faceret non solum in excolendis studiis , sed etiam in officiis omnibus religiosi hominis obeundis , minimum tamen ipse de se loquebatur . Vix ferre poterat Eduardus Peripateticos quosdam horridos , durosque oratione & moribus , quibuscum versari cogebatur ; intellexeratque jam falsos hujusmodi sapientiæ magistros de veritate jugulanda potius , quam defendenda assidue certantes , Philosophiam artem fecisse subtiliter & laboriose insaniendi . Relictis igitur disputandi spinis , ad Academiam se convertit , cujus ratio inquirendi verum libero solutoque iudicio , & sine ulla contentione & pertinacia non poterat non magnopere probari homini natura lenissimo . Nec solum in Philosophorum libris eorum dogmata , quæ disputationibus huc & illuc trahuntur , ut ipse per se perpenderet , investigavit Eduardus , sed etiam

Phí-

Philosophiæ adminicula & anfas , qualem Xenocrates Geometriam appellabat , in Euclide , Apollonio & Archimede quæsit . Quo in itinere felicem adeo habuit exitum , ut fervore quodam ætatis impulsus , brevi condere potuerit libellum de circulo quadrando , quem ad Guidum Grandium misit . Novit in eo Grandius eximium & admirabile adolescentis ingenium , eundemque hortatus est , ut pergeret porro in eo studio , quod ceteris & studiis & artibus antecederet , & in quo ipse futurus esset excellens . At Eduardus præsertim trahebatur ad humaniores literas , quibus a puero mirifice deditus fuerat , quasque vel in sublimiorum disciplinarum occupationibus , ne obsolescerent , legendo renovaverat . Itaque moleste tulit demandatam sibi fuisse an. MDCCXXIII. provinciam tradendi publice Philosophiam in Florentino Ordinis sui gymnasio , quasi ad ea detrudetur , quæ sui non essent ingenii . Principio sequi coactus est Goudinium , cui brevi substituit Hamelium . Atque hos auctores sic interpretatus est , ut facile intelligeretur non esse

esse ex illorum doctorum numero , apud quos tantum opinio præjudicata potest , ut etiam sine ratione valeat auctoritas eorum , quos sequi se profitentur . Postremo ad Scholæ suæ utilitatem & ornamentum maxime pertinere existimavit , si e multis , quæ sunt in Philosophia & gravia & utilia a recentioribus præsertim philosophis tractata , quantum , quoque modo videretur deligeret , in quo adolescentes exerceret . Sapienter etiam faciebat quod ipsos non solum quibus luminibus ab illa omnium laudandarum artium , procreatrice Philosophia petitis mentem illustrare , sed etiam quibus virtutibus omnem vitam tueri deberent sedulo erudiebat . Quare minime est mirandum si in tantam claritudinem brevi pervenerit , ut suis & Florentinis vehementer carus , quibusdam vero hominibus nudari subsellia sua , & cornicum oculos configi dolentibus esset invidiosissimus . Fuerunt & nonnulli [ tantum invidia , aut inscitia potuit ] qui apud eos , quorum munus est providere , ne quid erroris in religionem moresque irrepat , Corsinium accusarunt ,  
mul-

multa illum tradere , in exponendis præsertim Gassendi & Cartesii sententiis , a recta religione abhorrentia . Stomachatus est homo religiosissimus , callissimusque obtrectatorum temeritatem . Hos vero ut falsæ & iniquæ insimulationis publice convinceret , utque ab omni metu discipulos suos liberaret , statuit in lucem proferre , quæ in schola & domi iisdem exposuerat . Quod cum præstitisset , id evenit , ut alteros reprehendisse pœniteret , alteri didicisse gauderent . Inscripsit opus : *Institutiones philosophicæ ad usum Scholarum Piarum* , & illud in quinque volumina distribuit . Primum continet historiam Philosophiæ & Logicam ; secundum versatur in indagandis principiis , & tanquam seminibus unde corpora sunt orta & concreta , horumque proprietatibus , & qualitatibus ; agit tertium de corporibus inanimatis , quæ cælo , aere , mari & terra continentur ; examinat quartum animata corpora , multiplicesque eorum species , & elementa Metaphysicæ tradit ; quintum denique morum doctrinam complectitur . Nec solum in

con-



conficiendis his libris res novas investigavit Corfinius ; sed etiam eas , quæ sunt ab antiquis traditæ , quarum cognitionem eo utiliore putavit , quod sæpe philosophos nova proferre judicamus , cum pervetera proferant . Præter quam quod in ea erat opinione Corfinius , illi , cui propositum est veritatem invenire , singulas noscendas esse disciplinas , ut ex omnibus , quod probabile videri possit , eliciat , præsertim cum doceamur a sapientissimis viris , nullam sectam fuisse tam deviam , neque philosophorum quemquam tam delirantem , qui non viderit aliquid ex vero . Nec modo quid sibi probaretur , sed aliorum etiam sententias , & quid in quamque sententiam dici posset , persecutus est , quod ea modestia præstitit , ut non vincere maluisse , quam vinci ostenderit . Hanc opinionum varietatem ex suis fontibus sincere deductam , ut potentius in discipulorum animos insueret , non tam ordine disposuit , quam claritate & nitore Latini sermonis illustravit . Præclare enim Cicero :  
*Mandare quemquam litteris cogitationes suas ,*  
*qui*

qui eas nec disponere possit , nec illustrare , nec delectatione aliqua lectorem allicere , hominis est intemperanter abutentis otio & literis . Sunt nonnulli qui in hisce Institutionibus dum plenissimo ore laudant immensam eruditionis copiam , politioemque elegantiam , quibus ornantur , desiderare videntur abditioem , reconditioemque tractationem earum rerum , quæ primum in physica tenent locum , quales ex. gr. sunt motus , Nevvtoniana attractio , harumque leges , non tam ut ceteros , quam ut se ipsum , qui nunquam adduci potuit , ut Nevvtoni sententiæ assentiretur , convinceret . Sed ii meminisse debent quibus scripsit Corsinius , quibusque temporibus scripsit . Quoniam vero plurima sunt in Physica , quæ sine Geometriæ ope tractari non possunt , hoc quoque adjumentum a se afferri oportere discipulis suis putavit . Itaque *Philosophicis Mathematicas Institutiones* adjecit , in quibus si ordinem excipias [ initium enim facit a proportionibus , quas nemo ignorat difficiliorem esse Geometriæ partem ] cetera satis belle procedunt . Neque  
mul-

multo post retexit hoc ipsum opus , in quo eo elaboravit attentius , quod sperabat aditum sibi facturum ad munus tradendi mathematicas disciplinas; in Lyceo Florentino . Acceptum illud cum plausu fuit propter dilucidam brevitate[m] atque elegantiam , licet in eo acutiores peritioresque Geometrae pauca quaedam merito reprehenderint . Præstantiam , quam consecutus fuerat Corsinius in rebus geometricis voluit ad Hydrostaticam transferre ; cumque sedulo evolviſſet quæ in ea facultate scriptis mandaverant post Galileum Torricellius , Michelsonius , Guglielminius , Grandius , aliique pauci , in scenam prodire non dubitavit sustinens personam non modo consilarii & arbitri de dirigendis avertendisque aquis , sed etiam scriptoris . Etenim illius est liber , qui inscriptus est : *Ragionamenti intorno allo stato del Fiume Arno e dell'acque della Valdichievole* , editusque sumptibus Marchionis Ferronii , cujus causam præsertim defendebat . Spe dejectus Eduardus perveniendi in Lycei Florentini doctorum numerum , qui præter modum iis temporibus creverat , animum ad

Academiā Pisanā convertit , petiitque dari sibi vacuum eo tempore Logicæ interpretis locum . Celeriter quod optabat intravit , proptereaquod Joannes Casto Magnus Etruriæ Dux eximiam illius scientiam in omni re philosophica cognoverat . Vir non tam doctrinā præstans quam docendo prudens [ etenim quædam etiam ars est docendi ] magno erat emolumento studiosis adolescentibus , qui non usitata frequentia scholam suam celebrabant . Cum vero de schola in otium solitudinemque se conferret , tempus potissimum consumebat in augendis perficiendisque suis *Philosophicis Institutionibus* , absolvendoque , quod instituerat , opere *de Practica Geometria* . Inter hæc magna fuit amnis Arni inundatio , ut si inundationes excipias , quæ annis MCCCXXXIII. & MDLVII. acciderunt , nullam unquam majorem fuisse constaret . Pervaserat opinio per animos Florentinorum huic luctuosæ calamitati causam præsertim dedisse Clanis aquas in Arnū deductas , & quæ ad easdem moderandas aquas facta fuerant opera . Hunc errorem ut eriperet Eduardus , utque  
per-

persuaderet eadem opera fuisse utilissima ac saluberrima, libro exposuit qualis fuisset, & quis esset status Claniæ vallis, quidque consultum & actum ab an. MDXXV. ad sua usque tempora, ut pestilentissima regio convalescere aliquando & sanari posset; utque controversiæ inter finitimos Principes de dirigendis aquis ejusdem regionis tollerentur. Pisis erat Corsinio contubernium cum Alexandro Polito, qui humaniores litteras profitebatur, cujusque vitam nos priori Decade explicavimus. Homini Græcis & Latinis litteris eruditissimi exemplum & voces, selectissimorumque librorum copia, qua is abundabat, Corsinium per se jam flagrantem vehementissime incenderunt ad eas artes, quibus ab ineunte ætate deditus fuerat, celebrandas. Sciebat Græce, cujus sermonis elementa juvenis Florentiæ acceperat a sodali suo Francisco Maria Balestrio, sed non luculenter. Itaque multo sudore ac labore in arte grammatica primum se exercuit, postea Græca multa convertit in Latinum, Græcorum-

que libros aucupans , studiosissime eos legebat . Sed cum iis præsertim se oblectabat , qui res gestas & orationes scripserunt . Cum esset autem acerrimo ingenio , undique eruditionem affluenter hauriebat . Qua abundantia locuples eandem ad antiquitatis studioforum utilitatem , laudemque Academiæ Pisanz conferre decrevit . Igitur *Fastos Atticos* illustrandos suscepit ; magnum sane opus & præclarum , quod omnem fere Atheniensium historiam complecti debebat , cum qua Philosophiæ , omniumque laudatarum artium historia arctissime est conjuncta . Divisit illud ipsum opus in partes duas , quarum priorem veluti apparatus Fastorum esse voluit , quod in illa fuscè lateque ea exponerentur , quæ commode in ipsis Fastis , ad quos tamen pertinebant , exponi haud posse videbantur . Agit itaque de Archontum institutione , numero , varietate , muneribus & serie , de Archontico anno , atque ordine mensium Atheniensium . Cum vero Archonticus annus non in menses solum , sed in Prytanias etiam divisus esset , ac Tribuum Atheniensium singulæ  
 æqua-

æquali temporis , annique parte Prytaniæ munere fungerentur , de ipsarum Tribuum , ac Prytaniarum numero , ordine , ac serie , deque Atticæ populis , ex quibus illæ constabant , eruditissime differit . Neque ab his separandam putavit tractationem de Atheniensium Senatu & Ecclesiis , deque Proedrorum , ac Epistatum numero , distinctione , & officiis . Transit inde ad contexendam Archontum seriem distinguens Eponymos a Pseudeponymis . Quam distinctionem licet nonnulli agnoverint , nemo tamen existit , qui Pseudeponymorum Archontum seriem illustrandæ Atticæ historiæ maxime necessariam recensere tentaverit . Agit demum de civilibus Græcarum gentium annis , ipsarumque mensibus , cyclis , atque periodo , cum antea declarasset tempus , verumque diem , quo varia Atheniensium festa peragi & redire consueverant . Id facere necesse fuit propterea quod eadem festa , veluti perspicuæ certæque temporis notæ , rerum gestarum memoriæ sæpiissime a scriptoribus adjiciuntur . Hæc quidem in priori operis parte . In secunda

vero Fasti exponuntur a prima Olympiade , qua Coræbus palmam retulit , usque ad Olympiadem cccxvi. Causa fuit iusta Corfinio prætereundi antiquiora tempora , quod ista laterent crassis occultata tenebris , & circumfusa fabulis . Ne tamen primam Atheniensis imperii formam despicere videretur ( nam Athenis initio Reges , inde perpetui Archontes , mox decennales , tandemque annui imperarunt ) qui Reges , & Archontes perpetui , & qua ætate fuerint in Prolegomenis persecutus est . Ceterum Fastos sic contexuit Corfinius , ut nullum ad nos pervenerit nomen Archontum , Olympionicarum & Pythionicarum , nulla lex , neque pax , neque bellum , neque casus , neque res illustris populi Atheniensis , quæ in iis suo tempore non sit notata . Interdum etiam attingit Spartanorum , Phœcensium , Thebanorum , aliorumque Græcorum gesta , consilia , pugnas , discrimina , quod ea maxime sint Atticæ historiæ conjuncta . Græcos vero Philosophos , Poetas , Oratores , ceterosque tum pacis , tum militiæ artibus claros viros ita commemoravit ,



vit , ut quibus olympicis annis , & quo loco in lucem sint editi , vitamque finierint intelligi possit . Atque hæc omnia capitulatim sunt dicta . Etenim nimis longus essem si præcipua , & nova vellem describere , quæ in his Fastis continentur . Nihil posuit in iis Corsinius sine locuplete auctoritate & teste , aut saltem sine probabili conjectura ; quodque difficillimum fuit , Scriptorum Græcorum loca aut vitiata , aut minime intellecta , aut mutilata sic restituit , illustravit , supplevit . que , ut dubitari posse videatur plus ne iis reddiderit luminis , an acceperit . Neque minori perspicentia Atheniensium nummos vidit , ex quibus non pauca quidem in rem suam , hausit ; sed multo plura e marmoreis monumentis sumpsit , tali modo dirimens controversiam , quæ exsuscitata fuerat a summis viris Spanhemio , & Gudio , nummis ne an inscriptionibus Princeps locus dandus esset in explicandis ritibus , festis , numinibus , ludis , magistratibus , rebusque gestis Atheniensium . Inter nobiliores inscriptiones , quas refert Corsinius , & miro prorsus acumine atque eru-

ditione explicat, & interdum etiam supplet, est Florentina quædam apud Riccardios illustrandis Atheniensium Tribubus maxime idonea. Sed hæc mirifice corrupta erat, augebatque corruptelam collocatio. Etenim cum ex tribus fragmentis constaret, imperitus artifex sic illa in pariete disposuerat, ut media pars primæ, sinistra mediæ, dextera vero omnium postremæ partis locum occuparet. Vidit hæc mala Corsinius, qui acutissime indagabat omnia, iisque remedia adhibuit. At puduit Joannem Lamium se non adeo lynceum fuisse, cum usus esset eadem inscriptione in suis ad Meursium scholiis, & ex pudore orta est invidia. Ex quo intelligi potest quare is debitas nunquam tribuerit laudes operi, quod omnium judicio longe multumque superat quidquid in hoc rerum, Atticarum genere scripserunt Sigonius, Scalliger, Petavius, Petitus, Sponius, & vel ipsi Meursius, & Dodvvelius, quorum errores dum sæpe corrigit Corsinius, & dum minime ab iis animadversa profert, fatis declarat iisdem detrachere voluisse

*Hæren-*

*Harentem capiti multa cum laude coronam .*

Rumor erat ea parare Lamium , quibus sperabat hominibus se probaturum , Corsinium in emendanda illustrandaque Riccardiana inscriptione surripuisse sibi segetem & materiem gloriæ suæ . Porro Lamius post editas Corsinii emendationes supposuerat in locum impressæ jam paginæ in I. Meursii operum volumine , quæ præ se ferebat inscriptionem corruptam , aliam paginam , in qua emendatiores inscriptio legebatur ; hancque mutationem , omnibus occultari posse putaverat , quod Meursii liber nondum esset in vulgus editus . Non latuit certe Corsinium , in cujus manus pervenit etiam primum impressa pagina , qua omnem a se propulsare poterat injuriam . Id ut audivit Lamius tacendum putavit , occupatamque a Corsinio laudis possessionem suo silentio abunde confirmavit . Quamvis autem in *Fastis Atticis* elaborare Corsinio maxime gloriosum fuerit , non minorem tamen laudem reportavit ex suis *Agonisticis Dissertationibus* , de quibus Ludovicus Muratorius ,  
in.

intelligens fane iudex , dicere solebat , posse eas per se solas æternum nomen Auctori comparare . His Dissertationibus ostendere voluit Eduardus quo tempore Græci celebrare consueverunt ludos Olympicos , Pyticos , Nemeæos , & Isthmiacos , quod tempus eatenus fuerat vel incompertum , vel saltem obscurum . In hoc autem non mediocrem utilitatem chronologiæ & historiæ se allaturum putavit , quod iisdem ludis scriptores uterentur ad notanda designandaque rerum gestarum tempora . Ab Olympicis exordiens , qui ceteros omnes splendore & frequentia superabant , breviter de iis percurrit , quos ab Hercule primum institutos Trojano bello desuisse , moxque ab Iphito restitutos iterum intermissos fuisse scriptores narrant . Etenim illud caput esse videbatur , ut de Olympiade illa quæreret , qua Coræbus palmam accepit , & quæ prima dicitur , quod ab illa ceterarum Olympiadum numeratio incipiat . Hanc celebratam fuisse putat anno Periodi Julianæ **MMMDCCCXXXVIII.** circiter solstitium ælii-  
man-

mansit non solum antiquioribus temporibus , quibus civiles Græcorum anni lunares erant , sed recentioribus etiam , quibus solares anni a Romanis ad Græcos transferunt . Primus is erat anni mensis , in quem incidissent Olympici ludi . Quinque diebus eorum certamina absoluebantur , inter quæ cursus , quo uno certatum est ad Olympiadem usque XVIII. primas tenebat . Neque in Ælide solum , sed & in aliis Græciæ urbibus summa cum populi frequentia ac sacrorum cæremonia Olympici celebrabantur , donec V. ineunte reparatæ salutis sæculo , iidem cum Pytici sublati fuerunt . Pyticos primum instituit Apollo , eosque jamdiu intermissos , confecto Crissensi bello Olympiade XXXVIII. Amphictyones revocarunt . Iidem Olympicorum instar pentæterici erant ; neque secundis annis aut quartis , ut Petavius & Dodvvellus existimarunt , sed tertiis , hisque exeuntibus circa Elaphebalionis mensis finem , tum Delphis , tum in aliis Græciæ urbibus peragi consueverunt . Proxime post Pythia Olympiade scilicet LIII. instaurata fuerunt Nemea , quorum originem  
re.

repetit Corfinius a septem Argivis ducibus, qui ad leniendum desiderium pueruli Arche-  
mori a serpente occisi funebres hosce ago-  
nes cccclxxv. annis ante Olympiadem pri-  
mam prope Nemeæum nemus instituerunt .  
At Nemeadem illam , ex qua veluti car-  
dine ceteræ insequentes numerari cœperunt ,  
in annum iv. Olympiadis lxxii. post Mara-  
thoniam pugnam incidisse satis probabiliter  
Eduardus ostendit . Nemeades æstivæ aliæ,  
aliæ hibernæ , omnes vero trietericæ fue-  
runt ; exque alternis annis ita peragebantur ,  
ut hibernæ quidem in medios secundos , æsti-  
væ vero in quartos ineuntes Olympiadum  
annos incurrerent . Cum Nemeis ludis quæ-  
dam erat Isthmicis a Theseo , ut fertur , con-  
stitutis similitudo . Funebres erant ambo ,  
ambo trieterici , & qui in ambobus vicissent apio  
coronabantur . Isthimici quoque alii erant  
æstivi , non tamen alii hiberni , ut quidem  
Dodvvellus putabat , sed verni . Celebraban-  
tur illi primis Olympiadum annis Hecatom-  
beone mense , hi Thargelione , exeunte fe-  
re tertio olympico anno . Sic definiit Cor-  
finius

finius tempora quatuor illustrium Græciæ ludorum , patefaciens obscura & ignota vel ipsis chronologiæ luminibus Scaligero , Petavio , & Dodvvello , quorum auctoritate abreptus ipse in primo Fastorum Atticorum libro Pythiades secundis Olympicis annis concesserat . Agonisticis hisce Dissertationibus , veluti fastigium operis , idem adjecit seriem Hieronicarum alphabetico , ut dicitur , ordine dispositam , & Dodvvelliana longe uberiolem accuratiolemque . Nam septuaginta supra centum victores recensuit , qui Dodvvellum prorsus fugerant ; fontesque indicavit ( in quo Dodvvelli diligentia sæpissime desiderabatur ) unde uniuscujusque victoris nomen , aut patria , aut ætas , aut certaminis genus , quo vicisset , hauriebatur . Hoc opus vehementer adeo Auctori suo probatum erat , ut vir modestissimus in eo quodammodo gloriari videretur . Etenim , ut Attico scripsit Cicero : *sua cuique sponsa , suis cuique amor* . Quoniam autem tum in his Agonisticis Dissertationibus , tum in Fastis scribendis sæpe usus est Corfinius subsidio marmoreorum monumentorum .

rum , in quibus multæ occurrunt notæ , quarum neque facilis , neque prompta fuit explicatio , separatum opus a se expectare putavit Græcarum antiquitatum studiosos , cui propositum esset colligere non solum ex marmoreis , sed etiam ex æreis Græcorum tabulis varias eorum notas , hasque explicare & illustrare . Quæ dum animo versaretur , operique jam manum admovisset , ecce in lucem prodit Scipionis Maffei liber *de Græcorum siglis Lapidariis* , in quo trecenta fere vocum compendia ingeniose feliciterque enodantur . Cum Eduardus ab amico librum accepisset , ei epistolam scripsit ( relata hæc fuit in iv. volumen diarii Litteratorum Florentiæ editi ) in qua summas tribuit Maffejo laudes , quod primus ex omnibus materiem hanc seorsim tractandam suscepit , magnam in illam conferens eruditionis copiam , & acre prudensque iudicium . Non propterea tamen spartam , quam sibi sumpserat , ille deseruit , quia , ut ait Ausonius , *is erat campus , in quo alius alio plura invenire potest ; nemo omnia* . Et plura certe Corsinius invenit ,



nit, cum mille fere notas, aut numerorum, vocumque compendia uno volumine colligere potuerit & explicare illo suo acutissimo ingenio, cui inquirenti & contemplanti omnia occurrere seseque ostendere videbantur. Ut vero delectatione aliqua alliceret adolescentes, quibus insuavis fortasse & asperior videri poterat siglarum investigatio, postquam multa eruditissime præfatus esset de notarum origine, vi, utilitateque, opportune sparsit in toto libro non pauca ad Historiam, Geographiam, Chronologiam, ac Mythologiam spectantia. Ex quibus aliisque disciplinis uberiora etiam hausit, ut ornaret Dissertationes sex, quas, absoluta universa notarum serie, confecit, ut essent operis corollarium. Explicant illæ insignes quasdam Christianæ & profanæ antiquitatis inscriptiones, sicque explicant, ut facile existimari queat, eum qui non comprehenderit rerum plurimarum scientiam, quique judicio certo & subtili non sit præditus, in his antiquitatis studiis satis callide versari & perite non posse. Inscriptum Corfinius hoc suum opus: *Notæ Græcorum,*

rum, sive vocum & numerorum compendia, quæ in æreis atque marmoreis Græcorum tabulis observantur, dedicavitque Cardinali Quirinio, a quo pecuniam ad illud ipsum evulgandum dono accepit. Etenim his temporibus haud illi magna res erat, quæ vix iâtis esse videbatur ad vitam sustentandam, necessariosque libros emendos. Præpositus an. MDCCXXXV. Dialecticæ scholæ nihil aliud annui stipendii obtinuit nisi octingentos denarios. Hoc esse fatum videtur nobilissimæ quidem disciplinæ, ut pote quæ per omnes disciplinas manat ac funditur, ut qui illam profitentur mediocribus afficiantur præmiis. Vel ipsi Græci, quamvis essent æqui liberalium artium æstimatores, minam esse voluerunt mercedem Dialecticorum. Commodiori in statu res Corsinii esse cœperunt cum translatus fuit ( id accidit an. MDCCXXXVI. ) ad Metaphysicam atque Ethicam docendam. Tunc enim ipsius stipendium erat bis millenorum & amplius denariorum, posteaque illud ipsum ad quatuor mille ducentos quinquaginta usque pervenit, cum prosperæ res multæ

con.

consecutæ fuissent . Satis superque id erat homini temperato ad vitam beatissimam ; videbaturque sibi superare Crassum divitiis . Quantum vero sorte sua contentus , quantisque amoris vinculis Academiæ Pisanæ obstrictus esset , ex eo conjici potest , quod mortuo Ludovico Muratorio Mutinensis Ducis a bibliotheca in illius locum succedere recusavit , quamvis liberalissime ipsius Ducis verbis invitaretur . Quo cognito ab Emmanuele Comite Richecovrtio , qui Francisci I. Cæsaris nomine res Etruriæ administrabat , singularibus verbis ei gratias agendas censuit , eidemque prolixè de sua non modo , sed & Cæsaris voluntate pollicitus est . Id non potuit Corsinio non summe esse jucundum ; utque viro de se & de Sodalitate sua bene semper merito gratum se ostenderet , dicavit illi Plutarchi opus de *Placitis Philosophorum* a se Latinum factum , vitæque Scriptoris , scholiis , & dissertationibus ornatum . Causam suscipiendæ novæ interpretationis eidem dederunt navi quidam , quibus maculantur Budæi , Xylandræi , & Crusærii hominum ceteroquin do-

ctiſſimorum interpretationes ; ſuſceptam vero  
 ita perfecit , ut verbum pro verbo reddiderit ,  
 multaſque etiam attulerit de ſuo , quæ ſunt  
 diverſo charactere notata , ne attenuata nimis  
 diligentia perſpicuitati officeret , & ne res  
 ipſa omni Latinæ orationis dignitate cultu-  
 que deſtituta ſordeliceret . In limine operis  
 Plutarchi vitam ex illius aliorumque veterum  
 ſcriptis a ſe diligentiffime collectam , & ſe-  
 riem philoſophorum , quorum placita a Plu-  
 tarcho proferuntur , ætatemque , in qua vixe-  
 runt , expoſuit . Singulis vero operis capiti-  
 bus brevia adjecit commentaria , quæ aut mu-  
 tilos & hiulcos Plutarchi locos ſupplent , aut  
 depravatos emendant , aut obſcuros atque per-  
 plexos , opportune allatis aliorum philoſopho-  
 rum ſententiis , illuſtrant . Siquando autem  
 longioris eſſe orationis putavit Corſinius lu-  
 cem aliquam afferre rebus obſcuriſſimis , cum  
 non Heraclitus ſolum , ſed & ceteri fere  
 omnes antiquitatis philoſophi , quorum ſen-  
 tentias coarctavit & peranguſte referſit Plu-  
 tarchus , *ἑρμηνεύων* cognomen mereantur , hu-  
 juſmodi illuſtrationes ad finem libri rejecit .

Quo

Quo in loco voluit etiam recensere illustriores sententias, quæ propriæ dicuntur recentiorum philosophorum, cum earum tamen manifesta appareant vestigia in Plutarchi libro, quod profecto ad veterum gloriam amplificandam plurimum valet. Tales sunt attractionis leges, viresque, ut dicuntur, centripeta & centrifuga, Cartesiani vortices, lunæ phasēs, maculæ, quodque hæc sit terra multarum urbium & montium, conversio solis, planetarum, siderumque certa quadam celeritate ac periodo circa axes suos, natura, constans motus, reversioque cometarum, telluris motus, quodque ex eo causa maris æstus repetenda sit, meteororum explicatio, aliaque hujusmodi multa tum ad corporum, tum ad animi naturam pertinentia. Profecto nihil dulcius erat Corsinio quam per abdita remotioris antiquitatis permeare, & inde nova & inexpectata deferre, quæ hominibus contemplanda bono in lumine exhiberet. Nam, ut Aristoteles inquit, suo quisque artifex studio atque opera impensius delectatur. Cum igitur accepisset ab Antonio

Francisco Gorio amicissimo suo graphidem, eximii cujusdam anaglyphi, quod Romæ visitur in Ædibus Farnesianis, non magnopere hortandus fuit, ut in illo exponendo elaboraret. Exhibet hoc superiori in parte Herculem cum Europa, Hebe, Satyrisque quieti, voluptatique post exantlatos labores indulgentem, in inferiori vero tripodem Apollini sacrum, Argivæ Junonis Sacerdotem, atque alatam Virginem, & Herculem demum ipsum se se expiantem, ut purus ad Deorum concilium ascenderet. Hinc & illinc anaglyphum ornant binæ columnæ cum Græca inscriptione, quæ multis versuum decadibus Herculis gesta commemorat: in supremo tandem anaglyphi loco octodecim hexametra carmina exculpta sunt, quibus Herculis labores & certamina declarantur. Præclarissimi hujus montimenti explicationem Eduardus libello, quem ad Scipionem Massejum instituit, complexus est; ex eoque judicari potest, vehemens assiduumque studium ipsi copiam eruditionis dedisse, naturam vero tribuisse ingenium ad conjiciendum divinandumque factum. Et fa-  
ne

ne divinitionis cujusdam videtur , illum potuisse laceras ac depravatas multorum versuum lacinias felicissime corrigere atque supplere . Hoc ipso ferme tempore Corsinius ejusdem Gorii postulationibus Dissertationes quatuor concessit , quæ impressæ sunt ab illo in VI. volumine *Symbolarum litterariorum* . Extricat prima epigraphen sculptam in labro interiori cujusdam crateris ahenei Mithridatis Eupatoris (a) , qui crater in museo Capitolino asservatur . Secunda patefacit obscuros ignoratosque dies natalem & supremum Platonis , qua occasione aliorum etiam virorum illustrium Archytæ , Philolai , Isocratis , Lyfiæ , Dionis , & Socratis ætates & tempora persequitur . Explicat tertia adversam partem numismatis Antonini Cæsaris , in qua Prometheus humanum corpus ex luto fingens , & Pallas capiti mentem , papilionis

H 3

ima

(a) Sic interpretatur Corsinius mire involutam inscriptionem : *Regis Mithridatis Eupatoris Regni an. 54. Eupatorissis Gymnasi* ( hoc est civibus Eupatoriæ qui in Gymnasio certarunt ) *Senectatem conservat* , quod erat ad laudem vini , quò plenus crater victori concedebatur .

Imaginem expressam, inferens conspiciuntur. Curiosa sunt quæ excogitavit Corsinius, ut persuaderet hominibus morem repræsentandi humanam mentem sub papilionis imagine, non ex miris hujus volucris affectionibus & natura, non ex ipsa animi immortalitate, circuitu, aut transmigratione, non ex Chaldaicæ, Græcæque sapientiæ fontibus, non ex arcanis amoris mysteriis, sed ex sola artificum imperitiâ profluxisse. Cum enim unum idemque nomen *psyches* papilionem & animum designet, rudis artifex, qui primus animum exprimendum suscepit, non putavit hujus ideam posse melius excitari, quam objecta imagine illius rei, quacum is commune nomen habet. Quarta Dissertatio demum in eo versatur, ut ostendat mentitam & falsam esse Latinam quandam inscriptionem, quæ Pisis vîsitur in Scortianis Ædibus. Summi labores, quos Corsinius impendit in conficiendis, quos retulimus, libris, magna compensati fuerunt gloria, ut unus e multis, qui illustrandæ Græcæ præsertim antiquitati sese dederunt, excellere judicaretur. Cujus  
de



de præstanti in hoc rerum genere doctrina, tanta etiam judicia fecit Scipio Maffejus, quanta de nullo; cujus testimonii auctoritas maxima reputari debet non solum quod ab homine prudentissimo proficiscitur, sed etiam quia figulus invidens figulo, faber fabro, ut est Hesiodi dictum, alterius laudi & gloriæ minime favere solet. Ex mutua opinione doctrinæ, similitudineque studiorum orta est inter eos jucundissima amicitia, cujus tanta vis fuit, ut Corfinius æstate an. MDCCLI. quamvis non bene valens, Veronam venerit aliquot menses commoraturus apud amicum. Quo tempore inter eos fuit familiarissima societas, & communicatio studiorum. Dono accepit Corfinius a Maffejo tercentum fere Græcas inscriptiones (has Edmundus Chishullius collegerat, & secundæ *Asiaticarum antiquitatum* parti reservaverat) ea conditione, ut eas Latine redderet atque illustraret. Satisfecit ille aliqua ex parte promisso suo, cum anno insequenti edidisset eas inscriptiones, quæ ad Athenas spectabant; easdemque iterum cum commentariis edidit qua-

driennio post , ut essent ornamento quarto  
 Fastorum volumini . Nono mense postquam in  
 Etruriam rediit Eduardus , moritur Alexan-  
 der Politus , quocum ille ita vixit , ut quem  
 pauci ferre poterant propter difficillimam na-  
 turam , hujus sine offensione ad summam se-  
 nectutem retinuerit benevolentiam . Mortuo  
 autem Polito neque inquirendum , neque  
 consultandum fuit quis illi successor in Aca-  
 demia Pisana daretur , cum omnium oculi  
 statim in Corsinium conjecti fuissent . Ita  
 hic exeunte an. MDCCLII. postquam octode-  
 cim fere annos Philosophiam tradidisset , mu-  
 nus docendi humaniores litteras libentissimo  
 animo suscepit . Initio proposuit sibi ( nam  
 muneris ratio , & adolescentium utilitas ab  
 eo postulabant , ut cum Græcis Latina con-  
 jungeret ) explanare Plutarchi parallelas Græ-  
 corum , Romanorumque vitas , ut inde occa-  
 sionem sumeret utriusque populi leges inter  
 se conferendi . Memoriter dicebat e supe-  
 riori loco , quod ad Præceptoris & Scholæ  
 dignitatem plurimum , ut reor , confert ; &  
 quæ tradebat insignita erant luminibus ingenii ,  
 & con-

& conspersa eruditionis sententiarumque flore . Genus dicendi erat quietum & lene , purum & elegans , ut maxime teneret eos qui audiebant , & non solum delectaret , sed etiam sine satietate delectaret . Nulli discipulorum aditum , sermonem , congressumque suum denegabat , quin immo eos bis in hebdomada domum suam invitabat , ut in studiis exerceret Græcarum , Romanarumque antiquitatum . Domi etiam tradebat Metaphysicam , quo onere non placuit Academiæ moderatoribus illum liberare nisi an. MDCCLIV. quo quidem tempore Venetiis evulgavit suas *Institutiones Metaphysicas* . In his adornandis illud unum propositum sibi fuit , ut in animis adolescentium rectas de animæ immortalitate , arbitrii libertate , Dei existentia , ceterisque naturalis theologiæ dogmatibus notionem infereret , quibus in gravioribus aliis disciplinis veluti præsidiis uti possent , quibusque caverent a peste quadam hominum non tam religioni , quam reipublicæ infesta , quæ rationem pervertendo ubique venenatas opiniones disseminare non veretur . Subaccusent ali-

aliqui, si lubet, Corsinium, quod nimis par-  
 cus fuerit in pertractandis quibusdam rebus,  
 quæ in ea, in qua nunc sumus, luce igno-  
 rari minime posse videntur; omnes profecto  
 uno ore fateri debent tales esse hæc Institu-  
 tiones, ut cupidi Metaphysicæ nullibi possint  
 refrigerari salubrius atque jucundius. Postre-  
 mum hoc operum fuit, quæ Corsinius Phi-  
 losophiæ consecravit, nisi dicere velimus,  
 etiam cum minime videretur tum maxime il-  
 lum philosophari consuevisse. Quod decla-  
 rant & ejus Latinæ orationes ad Academicos  
 Pisanos refertæ Philosophorum sententiis, sa-  
 luberrima præcepta, quibus adolescentes ad  
 omne officii munus instruebat, doctissimorum  
 Philosophorum familiaritates, quibus semper  
 floruit, & ars illa distinguendi vera a falsis,  
 colligendi sparsa, eaque inter se conferendi,  
 diligenter examinandi omnium rerum verbo-  
 rumque pondera, nihilque asserendi sine evi-  
 denti ratione, aut saltem probabili conjectu-  
 ra: in qua arte quantum inter omnes unus  
 excelleret, præsertim ostendebat, cum vetu-  
 statis monumenta inquireret. Hujus inquisi-  
 tio-

tionis uber sane fructus fuit Dissertatio illa de *Minnisari*, aliorumque *Armeniae Regum nummis*, & *Arfacidarum epocha*, quam idem in lucem extulit an. MDCCLIV. Difficultatis maximæ fuit ostendere *Minnisari* nummum, quem præcipue illustrandum *Corfinius* susceperat, ad illum spectare *Manisari* *Armeniae* & *Mesopotamiae* Regem, de quo *Dio Cassius* in libro *Romanæ historiæ* LXVIII. mentionem fecit, & *Arfacidarum epocham* non in *Parthiæ* solum, sed etiam in *Armeniae* regum nummis inscriptam fuisse, eamque ab anno *Urbis conditæ* DXXV. initium duxisse. Antea quidem doctissimorum virorum *Usserii*, *Petavii*, *Norisii*, *Spanhemii*, *Vailantii*, & *Froelichii* sententia fuerat, serius *Arfacidarum* imperium incepisse, adversus quam sententiam *Eduardus* ita pugnavit, ut veritas non minus quam modestia eluxerit. Quoniam vero in antiquitatis studio multæ res inter se ita nexæ & jugatæ sunt, ut, inventa una, aliæ, quæ prius latebant, se se contemplandæ offerant, ita *Corfinius* in *Minnisari* regis nummo explicando varia scriptorum loca corrigere

gere & supplere, verum Darii genus exponere, Tridatem alterum, Arsamem, aliosque Armeniæ Reges Vailantio prorsus incognitos proferre potuit. Res in hac Dissertatione contentæ, oppugnatae quidem, sed non everfae fuerunt a Jesuitis Froelichio & Zacharia, responditque ad ea, quæ objecta fuerunt, sine iracundia Corsinius. Etenim veritatis unice amans alios a se dissentire haud iniquo ferebat animo, semperque detestatus est eos, qui suis sententiis quasi addicti & consecrati etiam ea, quæ plane probare non possent, constantia, non veritatis causa defenderent. Propugnationem quoque Corsinii libello (1) suscepit ejus victor & sodalis Carolus Antoniolius, qui quidem non mediocria adjumenta illi præbuit, cum plurimum valeret in omni genere studiorum, quæ ipse excolebat. Magni quoque Academiæ fuit Antoniolii opera in Græcis litteris tradendis toto illo sexennio,

(1) Huic titulus est: *Lettere critiche di un Pastore Arcade ad un Accademico Etrusco nelle quali si sciolgono le difficoltà fatte contro un'opera del Reverendissimo Padre Corsini nel Tom. IX. della Storia letteraria d'Italia &c. in Pisa 1757. in 8.*

nio , quo Corsinius , coactus capessere summum Ordinis sui magistratum , bona Principis cum venia , & sine ulla stipendiorum jactura Pisīs abfuit . Hic Romam venit mense Aprili an. MDCCCLIV. ardens desiderio indicia veteris memoriæ , quibus mirabiliter urbs illa abundat ( quacunque enim quis ingreditur in aliquam historiam vestigium ponit ) cognoscendi . Sed raro ei potestas dabatur huic suo desiderio satisfaciendi , cum podagræ doloribus sæpissime vexaretur , & munus suum diligentissime exequi vellet . Quanta vero prudentia ac dexteritate fuerit in tractandis negotiis , quanta æquitate in constituendis , temperandisque , si res poscebat , constitutis jam legibus , quanta humanitate erga omnes , quantaque vigilantia ac providentia in consulendo rebus præsentibus præcavendoque futuras , satis prædicari non potest . Cum autem nihil sine aliorum consilio agere ei mos esset , & facilitate summa uteretur in suos adjutores procuratoresque , inde nonnulli materiem sumpserunt falsæ criminationis , quod ad aliorum magis quam ad suum arbitrium

res

res Ordinis administraret. Omnino totum se tradidit Eduardus Sodalitati, totamque se rexerit, ut oblitus commodorum suorum omnibus prospexerit. Non est credibile quanto animi dolore angeretur, si aliquis suorum in crimen vocabatur. Horrebat enim homo innocentissimus vel ipsam peccati suspicionem. Sed non propterea fontibus irascebatur, hosque clementia magis atque mansuetudine, quam animadversione & castigatione ad frugem revocare studebat. Cum vero severitatem, sine qua respublica administrari non potest, adhibere cogebatur, similis, ut præclare admonet Cicero, legum erat, quæ ad puniendum non iracundia, sed æquitate ducuntur. In his occupationibus muneris sui, ne plane cessare a scribendo videretur, extare voluit explicationem duarum Græcarum inscriptionum, quæ museum ornant Bernardi Nanii Veneti Senatoris. Quam feliciter id præstiterit, perscrutata prius litterarum priscarum, quibus illæ conscriptæ sunt, forma atque vi, facile judicabunt ii, qui sunt harum deliciarum amatores. Tentaverat eandem



dem rem Franciscus Zanettus , sed longissime aberravit a vero ejus interpretatio . Ipse Eduardus cum Anconæ esset ineunte anno MDCCCLVI. eoque præsentē cum multis aliis detecta fuissent atque agnita corpora Sanctorum Cyriaci , Marcellini , & Liberii , quos singulari obsequio eadem civitas veneratur , incitatus fuit , ut aliquid laboris imperitiret illorum Sanctorum illustrandæ historiæ , definiendoque præsertim tempori , quo translata eorundem corpora fuerunt in eum , ubi nunc jacent , locum , & quo Anconæ colicæperunt . Hæc Corfinius , edito commentariolo , accidisse ostendit exeunte sæculo XI. , & ex ipsis antiquitatis monumentis , quibus sententiam suam confirmavit , quatuor Anconitanorum Episcoporum nomina in lucem protulit , quæ usque ad id tempus fuerant incognita . Perpauca in hoc commentariolo attigit de S. Liberio , quod ejus historiam involutam tenebris & fabulis existimabat . Mox cum ei aliquid luminis affulisset , & monumentorum ope , & mirabili illa sua conjiciendi arte patefacere potuit Liberium fuisse

se unum ex fociiis S. Gaudentii Absarenſis Episcopii , qui circiter an. mxxx. Anconam venit , ſolitariam vitam acturus in ſuburbano Monasterio Portus Novi . Harum rerum inventio multis laudibus celebrata fuit a Scriptoribus annalium Camaldulenſium (1) & pergrata quoque fuit Benedicto XIV. pro ſuo ſingulari ſtudio in Anconitanam Eccleſiam . Hic cum ſæpe ad congreſſum colloquiumque ſuum Eduardum invitaret , quod ejus ſummum ingenium , ſuaviſſimos mores , & eximiam probitatem & noſſet & diligeret , ſæpe quoque ipſum hortabatur , ut ea pergeret mandare literis , quæ abdita Chriſtianæ antiquitatis patefacerent . Sed fuerunt juſtæ cauſæ quare Corſinius amantiſſimis Summi Pontificis conſiliis minime optemperaverit ; & quidquid ſubciſſivorum temporum incurrebat , quæ perire non patiebatur , libentiſſime concedebat ſuis priſtinis ſtudiis . Ruſticabar cum eo in Tuſculano , quando epiſtolam ſcripſit ad Paullum Mariam Paciaudium , in qua plura de Gotarziſ eximio nummo , ejuſque , Bardaniſ , &

Artæ

(1) Vid. Tom. III.

Artabani Parthiæ Regum historia persecutus est, & pro jure nostræ amicitiae ab ipso postulabam, ut in otio, quod raro dabatur, & peroptato illi dabatur, cessaret a libris & a stylo. Verum cum is esset ut sine his studiis vitam insuavem duceret, dicere solebat hujusmodi scriptiones non premere, sed relaxare animum. Et relaxatione certe aliqua ille indigebat, cui grave adeo erat, quod multi appetunt, ceteros regere, ut onus Ætæna majus sibi sustinere videretur. Poterat quidem illi esse levamento recordatio multorum benefactorum, inter quæ maximum illud reputari debet, quod eo sexennio, quo ad Sodalitatis gubernaculum sedit, viginti domus, sive collegia constituta sunt. Interim advenit tempus, quo Magistratu se abdicare, & extremos auctoritatis suæ fructus capere debebat in provehendo digno viro, qui sibi succederet. Verum minime illi contigit, ut sunt ancipites variique casus comitiorum, quem optabat, exitus. Peractis comitiis, sine mora rediit ad Academiam, & ad illam suam quietam in rerum contemplatione &

cognitione maxime positam degendæ vitæ rationem , qua qui frueretur negabat ei aliquid deesse ad beate vivendum . Liber de Præfectis Urbis ei erat in manibus ; Græcas inscriptiones in Asia repertas , quas , ut supra retulimus , a Scipione Maffejo dono acceperat , quasque jampridem Latinas fecerat , copiosis commentariis explicabat ; aderat discipulis suis ; veniebat frequens in Academiam , afferebat res multum & diu cogitatas , faciebatque sibi audientiam hominis eruditi , compta & mitis oratio . Idem efflagitatu & coactu amicorum instituta hoc tempore opera abruptit , ut explicationem lucubraret cujusdam nummi recens in Austria reperti , in quo erat nomen & imago Sulpiciæ Dryantillæ Augustæ . Conjecit ille feminam hanc libertam fuisse , libertatemque accepisse a Sulpicio quodam , ab eoque in Sulpiciam gentem receptam ; nupsisse demum Carino scelestissimo Imperatori . Hæc porro incerta . Illud unum sine ulla dubitatione colligi posse videtur ex nummi fabrica , characterum forma , feminaeque ornatu , illum ipsum num-

mum

mum<sup>o</sup> cūsum fuisse inter Elagabali & Diocletiani imperium, proptereaue Dryantillam ad aliquem Imperatorum, qui illo intervallo regnarunt, pertinere. Neque his contentus Eduardus voluit etiam excutere historicorum, & rei nummariae interpretum mire inter se dissidentes opiniones de Aureliani, ac Vaballathi imperio atque ætate, ac postremo suam sententiam proferre. Fuit hæc; Aurelianum exeunte Julio, vel ineunte Augusto an. CCLXX. imperium suscepisse, eaque multis & gravibus confirmatur argumentis. Ad ea vero diluenda, quæ contra dici poterant ex illorum sententia, qui præsertim niti videbantur lege quadam data a Claudio VII. Kal. Novembris Antiochiano & Orfito Consulibus, ut serius Aurelianum inchoasse imperium persuaderent, distinguit Consules ordinarios a suffectis. Hac autem constabilita distinctione, quæ maxima apta erat non solum ad id, quod requirebat, sed etiam ad expediendos alios, quos vel ipse Scaliger indissolubiles in Chronologia existimaverat nodos, concludit eandem legem editam fuisse.

fe an. CCLXIX. vel CCLXII. quando Antiochianus & Orfitus suffecti Consules erant, minime vero an. CCLXX. iisdem Consulibus ordinariis. Nec minor difficultas erat ostendere, qui fieri potuerit, ut Aurelianus ad VII. Imperii annum pervenisse dicatur, & explicare locum Eusebii, qui tradit in ejusdem tempora incidisse III. Antiochenam Synodum: exploratum est enim hanc Synodum an. CCLXIX. incœptam & absolutam fuisse. Feliciter hæc præstitit Corsinius, cum probasset Aurelianum anno & ultra antequam a legionibus post mortem Claudii Imperator fieret, ab ipso Claudio destinatum sibi fuisse successorem, adeoque ampla potestate donatum, ut ab hoc tempore nonnulli ejus Imperii initium sumere potuerint. Quæ vero de Vaballatho disseruit Corsinius hæc ferme sunt. Illum Zenobia procreavit ex Athenâ priori viro, ejusdemque nomine ab anno CCLXXVI. usque dum Claudius in Gothicum bellum unice intentus vixit, Orientis imperium tenuit. Ex quo factum est, ut quæ hoc tempore cûsa sunt Vaballathi numismata, *Impe-*  
*rato-*

*valorem Cæsarem Augustum* illum nominent .  
 Postquam vero ille descivisset a matre , ut  
 Aureliano adhereret , huic quidem conjun-  
 ctus in nummis repræsentari voluit , minime  
 vero paludamento , radiata corona , splendi-  
 doque Augusti nomine decoratus , solo Im-  
 peratoris contentus . Prætereo alia multa  
 scitu dignissima in hac Dissertatione conten-  
 ta , ne cum nimis longus in recensendis scrip-  
 tis operibus fuerim , videar oblitus consuetu-  
 dinis & instituti mei . . Hujus libelli cura  
 liberatus Corfinius totus in eo fuit ut absol-  
 veret *seriem Præfectorum urbis ab urbe con-*  
*dicta ad annum usque MCCCLIII. sive a Chri-*  
*sto nato DC.* Etenim posteriora tempora mi-  
 nime inquirenda putavit , quibus , penitus fe-  
 re extincto Urbanæ Præfecturæ splendore  
 ac dignitate , nonnisi tenue nomen , ac le-  
 vissima pristinæ majestatis umbra superfuit ;  
 ex quo fiebat , ut nihil inde lucis sacra &  
 profana sperare posset Historia , cum contra  
 uberrimam splendidissimamque utraque acci-  
 peret ex veterum Præfectorum serie , ho-  
 rumque ætate rite constituta . Ut vero non

utilitate solum , sed etiam jucunditate lectores invitaret Corfinius , operi varia opportune admiscuit , quæ marmora & Scriptores , quorum testimoniis ubique fere utitur , corrigunt & illustrant , Interpretumque falsas opiniones atque errores emendant . Non ego sum nescius multos antecessisse Corfinium in hujusmodi pertractando argumento ; ex quibus omnibus , ac præsertim Jacobo Gothofredo , ac Tillemontio plurima in rem suam transtulit . Sed ii exiguis finibus operam suam continuerunt , si unum excipias Felicem Contelorium , qui contextam a Panvinio Præfectorum seriem ad annum usque mdcxxxi. traduxit . Tale tamen non fuit Contelerii opus , quin eadem de re aliquid politius , copiosius , perfectiusque proferri a Corfinio potuerit . Et protulisse certe oportet , cum æterna suorum laborum præconia ab intelligentibus viris reportaverit . Dum ille sine intermissione obsequebatur studiis suis & adolescentium utilitati , oblitus videbatur se jam senem factum ( quando enim typis mandavit librum de Præfectis urbanis sexagesimum primum ætatis



tis annum agebat ) & infirma ægraque va-  
 letudine esse . Sed accidit miserabilis casus ,  
 qui repente ipsi omnem spem non solum lit-  
 teris , sed etiam naturæ vivendi præcidit .  
 Est hæc consuetudo Academiæ Pisanae , ut  
 qui humaniores litteras profitentur , Kalendis  
 Novembris , quo tempore instaurari studia so-  
 lent , Latinam orationem habeant ad vehe-  
 mentius inflammandam cupidam doctrinarum ju-  
 ventutem . Dicebat eo ipse die Eduardus ( ver-  
 tebat tunc annus tertius supra sexagesimum hu-  
 jus sæculi ) de viris , qui & scriptis editis ,  
 inventisque rebus in Academia maxime flo-  
 ruerunt , eaque erat oratio , ut nunquam is  
 dixisse melius judicaretur . Cum eo pervenis-  
 set , ut exultaret in immenso Galilei lau-  
 dum campo , repente apoplexis ipsum per-  
 culit , ac semivivum reliquit . Doloris huius  
 casus ostensum est quantum ille Academiæ  
 esset acceptus . Ægre domum deductus , ibi  
 quatrduo cum morte confictatus est . Quo-  
 to die multis adhibitis remediis , levare cœ-  
 pit , ac præter spem paulatim convaleuit .  
 Ut ardentem desideraret pristinas recuperare

vires, efficiebat ille suus singularis amor in  
 Academiam, cui majus se non posse mu-  
 nus afferre videbat, quam si institutum jussu  
 Principis biennio fere ante opus de ejusdem  
 Academiae ortu, progressu, ac vicibus ad  
 umbilicum perduceret. Plurima collegerat  
 atque vulgaverat ad hanc historiam perti-  
 nentia vir diligentissimus Stephanus Maria  
 Fabruccius Juris civilis in eadem Academia  
 doctor, quæ quidem ampla & bella materies  
 esse poterant ad novum ædificandum opus.  
 Hoc igitur subsidio instructus Eduardus, ala-  
 cer se se ad rem accinxit. Et primo quidem  
 illustrium Italicorum Gymnasiorum originem  
 subtexuit, differensque quatuor prioribus ca-  
 pitibus de prima Gymnasii Pisani institutio-  
 ne, neque ab xi. neque a xiv. Christi sæ-  
 culo, ut multi scripserunt, sed ab ineunte xiii.  
 vel exeunte xii. illam repetendam esse exi-  
 stimavit. Ex hoc tempore ad annum usque  
 mcccxxxix., quo anno Fabruccius contendit  
 cœpisse Academiam Pisinam, hanc si nullam  
 dicere nolumus, minimam certe fuisse oportet.  
 Consecutæ deinceps vices multæ, ut  
 ipsa

ipsa modo languescere , modo ad interitum properare , vires vitamque modo recuperare , ac sæpe etiam veluti extorris sedem, mutare visa fuerit . Quæ omnia octo consequentibus capitibus persecutus est Eduardus . Cum vero Academiae res , imperante Cosmo I. ceterisque non solum Mediceis sed etiam Lotharingis Principibus , felicissime processissent , quibus ab his beneficiis , splendore atque gloria aucta , quibusque gubernata legibus consuetudinibusque , variis interdum pro temporum varietate , exposuit in quatuordecim capitibus , quorum nonnulla adumbrata magis quam descripta videntur . Hæc omnia primam operis partem conficere debebant , cum reservasset alteram , quam tamen minime attigit , Doctorum vitis . Dum hæc scripta legebam videbatur mihi posse ab Auctore desiderari major rerum copia , magisque apta ac pressa oratio . Inest quidem in omnibus Corsinii scriptis luxuries quædam , quæ , ut in herbis rustici solent , depascenda erat ; quod si est vitium in omni oratione , maximum tamen est in historia ,

ria , in qua pura & illustris brevis expetit . Eodem tempore quo Eduardus in Academiæ historiam incumberebat , ne plane superioris ætatis studia deseruisse videretur , epistolam scripsit ad amicum & collegam suum Franciscum de Albizzis , in qua *de Ausonii Burdigalensi consulatu* egit . Desperaverant vel ipsi Chronologiæ Patres Pagius & Panvinus computationem quandam annorum ab Ausonio factam in epigrammate ad Proculum , in quo ab Urbe condita ad consulatum suum MCXVIII. annos enumeravit , conciliari posse cum Varoniana epocha , ideoque novam excogitarunt epocham XIII. annis Varoniana posteriorem , qua non solum Ausonium , sed etiam Arnobium usos fuisse scripserunt . Horum aliorumque Ausonii interpretum errorem ut corrigeret Eduardus , probare debuit Ausonium non Romanum modo , sed & Burdigalensem gessisse consulatum , & Romanorum & Burdigalensium Consulum fastos conscripsisse . Qua distinctione constabilita , facile fuit ostendere eundem Ausonium in epigrammate , quod ad Hesperium

rium filium misit cum Romanis fastis de Romano a se gesto consulatu, in epigrammate autem illo, quod est ad Proculum, de patrio, municipali, quinquennali ( etenim in municipiis omnibus majores magistratus quinquennales esse solebant ) de Burdigalensi nimirum consulatu locutum fuisse. Hanc epistolam secuta est altera ad Joannem Chrysostomum Trombellium Canonicum Regularem, in qua de nummo quodam ab Atheniensibus Liviae Augustae dicato, illiusque ætate differens, feminam illam non supremis tabulis, sed matrimonii jure a Marito nomen Augustae accepisse pluribus monumentis comprobatur. Quæ quidem aliaque ex abditissima antiquitate deprompta, quæ sparsit Corfinius in hac epistola, ut jucunda lectoribus, ita iisdem plena mœroris fore arbitror, quæ in extrema pagina ejusdem epistolæ Trombellius adnotavit. Inquit enim ille : *Dum extremam hujus epistolæ partem edimus, monemur, eodem fere tempore, quo Brixiae egregius Mazzuchellius, inclytum Corfinium nostrum Pisis apoplexi repente ereptum.*

Eheu

*Eheu litteræ afflictæ ! o amicos Incomparabiles ! o annum vere calamitosum & pessimum !*  
 Dies , quo illum apoplexis iterum invasisit  
 fuit v. ante Kal. Decemb. an. MDCCCLXV. post  
 quem casum tribus ferme diebus vixit sine  
 sensu . Sepultus est in Æde S. Euphrasie totius  
 Academie luctu , quæ hanc calamitatem  
 acerbissime doluit , doletque adhuc reminiscens  
 se orbatam homine , in quo plurimæ erant lit-  
 teræ eæque interiores , divinum ingenium ,  
 ac industria summa , & illustri adeo fama ,  
 ut hac sola muneris sui splendorem tueri po-  
 tuisset . Atque hæc vitæ decorabat dignitas  
 & integritas . Quanta gravitas mixta comi-  
 tati in vultu & moribus ! quantum pondus in  
 verbis ! quam nil inconsideratum exhibat ex  
 ore ! quam diligenter inquirebat in se se ,  
 atque ipse se se observabat ! Omnino tan-  
 tus erat in ipso ordo , constantia , & mode-  
 ratio dictorum omnium atque factorum , ut  
 probitatem & religionem præ se ferret , &  
 ad omne virtutis decus natus videretur .

*Quidquid come loquens , & omnia dul-  
 cia dicens*

mira-

mirabiliter ad se diligendum omnium animos alliciebat ; neque unquam accidit , ut quis uno verbo cum eo concertaverit . Quod non tam naturæ quam virtutis erat . Etenim iracundiæ aculeos aliquando sentiebat , sed hos perpetuus cupiditatum domitor frangebat , planeque occultabat . Secum ipse vivens animi tristitiam frequenter patiebatur , præsertim si contemplaretur misera , in quæ incidimus , tempora , quibus corrumpere & corrumpi sæculum vocatur . Quod vero nonnulli perverse adeo abuterentur Philosophia , ac præsertim Metaphysica , ut ea animos a religione avocarent , tanto illum perfundebat horrore , ut vehementer pœnitere eum nonnunquam videretur industriæ suæ , quam in erudienda juventute ad recentiorum Philosophorum dogmata insumpserat . Quæ quidem pœnitentia injuriosa mihi videtur omnium artium parenti Philosophiæ , quasi ejus culpa , quæ desiebat mala Eduardus , accidissent . Etenim sunt unicuique scientiæ certi fines ac termini ab omnium rerum moderatore Deo constituti , quos qui transilit , næ ille

ille devius in præcipitem locum ruat necesse est . Sed ad Corsinium revertor , de cuius laudibus non est tacendum summæ illum bonitati ingenuitatisque summam dexteritatem , quod raro evenit , conjunxisse . Liberalis minimeque cupidus pecuniæ hanc facile a se extorqueri patiebatur . Virorum literis illustrium amicitias studiosissime coluit , amavitque in primis Trombellium & Paciaudium , quorum mentionem supra fecimus ; quorumque consuetudinis magnum cepit fructum eo præsertim tempore , quo Romæ fuit . Dolui ipsum combussisse , quas ab amicis accipere solebat , epistolas , quia sciebam in iis erudita multa contineri ; quodque mihi non mediocri subsidio futuræ fuissent huic explicandæ vitæ . De qua satis erit dictum , si hoc unum addam , eundem ineditas reliquisse binas Dissertationes de S. Petro Igneo , & B. Joanne *delle Celle* , librum de civitatibus , quarum mentio fit in Græcis nummis , sexque Latinas orationes habitas in Academia Pisana , ex quibus lenitas ejus sine nervis cognosci potest .



## OPERA EDITA.

**INSTITUTIONES PHILOSOPHICÆ**, ac Mathematicæ ad usum Scholarum Piarum: Tomus I. Florentiæ typis Bernardi Paperini 1731. in 8.

— Tom. II. continens physicam generalem 1732.

— Tom. III. continens libros de coelo, & mundo 1732.

— Tom. IV. continens tractatum de anima, & metaphysicam. 1733.

— Tom. V. continens ethicam vel moralem. 1734.

— Tom. VI. continens institutiones mathematicas. 1731.

Editæ iterum fuerunt hæ Institutiones in V. tomos distributæ anno 1741. & 1742 Bononiæ ex typographia Lælii a Vulpe cum hoc titulo: *Eduardi Corsini Cl. Reg. Scholarum Piarum, & in Pisana Academia Philosophiæ Professoris Institutiones Philosophicæ ad usum Scholarum Piarum editio altera, auctior, & emendatior.*

**RAGIONAMENTI** intorno allo stato del Fiume Arno, e dell'acque della Valdinievole: In Colonia appresso Hans VVetergroot. 1732. in 4.

**ELEMENTI DI MATEMATICA**, ne' quali sono con miglior ordine, e nuovo metodo dimostrate le più nobili e necessarie proposizioni di Euclide, Apollonio, e Archimede di Eduardo Corsini Ch. Reg. delle Scuole Pie: in Firenze l'anno 1735. nella Stamperia di S. A. R. per li Tartini, e Franchi in 8.

Hæc elementa mathematica edita secundo fuerunt Venetiis anno 1765. apud Antonium Perlinum, in qua editione quædam mutata sunt, emendatusque error, quo captus fuerat Auctor, dum

in

in priori editione exposuit Propositionem XXXV. Libri XI. Venetæ huic editioni adjectus est ejusdem Auctoris liber della Geometria Pratica.

*RAGIONAMENTO ISTORICO sopra la Valdichiana, in cui si describe l'antico e presente suo stato: in Firenze 1742. nella Stamperia di Francesco Moucke in 4.*

*FASTI ATTICI, in quibus Archontum Atheniensium Series, Philosophorum, aliorumque illustrium Virorum ætas, atque præcipua Atticæ historiæ capita per Olympicos annos disposita, describuntur, novisque observationibus illustrantur; Auctore Eduardo Corsino Ch. Reg. Scholarum Piarum in Pisana Academia Philosophiæ Professore. Florentiæ 1744. ex typographia Jo. Pauli Giovannelli ad insignem Palmæ in Platea S. Elisabeth.*

— Tom. II. prodit anno 1747. ex eadem typographia.

— Tom. III. prodit anno 1751. ex eadem typographia.

— Tom. IV. prodit anno 1756. ex Imperiali typographia.

*EDUARDI CORSINI Cl. Reg. Scholarum Piarum in Academia Pisana Philosophiæ Professoris Dissertationes IV. Agonisticæ, quibus Olympicorum, Phythiorum, Nemeorum, atque Isthmiorum tempus inquiritur, ac demonstratur; Accedit Hieronicarum catalogus editis longe uberior, & accuratior. Florentiæ anno 1747. ex typographia Imperiali. In extrema pagina hujus libri exhibetur integra series mensium Macedonicorum, Atticorum, & Romanorum ad demonstrandum verum eorum situm ac connexionem; quam seriem hoc quoque in loco nos exponemus, quia rem gratam antiquitatis studiosis facturos arbitramur. Series enim a Corsinio contexta differt nonnullis in mensibus ab ea quam Scaliger,*

*Uise-*

Usserius , Petavius , Dodvëllus, aliiq̃ue descripserunt .

Macedonici	Artici	Romani
Lous	Hecatombæon	Julius
Gorpiæus	Metagirnion	Augustus
Hyperberetæus	Boedromion	September
Dius	Pyanepsion	October
Apeileus	Memacterion	November
Audynæus	Pesideon	December
Peritius	Gamelion	Januarius
Dystrus	Anthesterion	Februarius
Xanthicus	Elaphebolion	Martius
Artemisius	Munychion	Aprilis
Desius	Thargelion	Majus
Panemus	Scirrhophorion	Junius

LETTERA intorno all' opera del Marchese Scipione Maffei intitolata : *Græcorum Sigle lapidariæ* .  
 Extat in tom. 4. par. 3. del Giornale de' Letterati  
 pubblicato in Firenze 1747.

NOTÆ GRÆCORUM, sive vocum & numero-  
 rum compendia, quæ in æreis atque marmoreis Græ-  
 corum tabulis observantur. Collegit, recensuit, expli-  
 cavit, eajdemque tabulas opportune illustravit Eduar-  
 dus Corsinius Cl. Reg. Scholarum Piarum in Acade-  
 mia Pisana Philosophiæ Professor. Accedunt Dissertatio-  
 nes sex, quibus marmora quedam tum sacra tum  
 profana exponuntur ac emendantur. Florentiæ an-  
 no 1749. e typographio Imperiali in fol.

PLUTARCHI DE PLACIIS PHILOSOPHORUM  
 libri V Latine reddidit, recensuit, adnotationibus,  
 variantibus lectionibus, dissertationibus illustravit  
 Eduardus Corsinius Cl. Reg. Scholarum Piarum in  
 Pisana Acad. Philosophiæ Professor. Florentiæ 1750.  
 ex Imp. typographio in 4.

K

DIS-

*DISSERTATIONES IV. quibus antiqua quedam insignia monumenta illustrantur. Vide eas in Tom. VI. Symbolarum litterariorum Antonii Francisci Gorii.*

*HERCULIS QUIES ET EXPIATIO in eximio Farnesiano marmore expressa. in fol.*

*INSCRIPTIONES ATTICÆ nunc primum ex Cl. Maffei Schedis in lucem editæ Latina interpretatione brevibusque observationibus illustratæ ab Eduardo Corsino Cler. Regul. Scholarum Piarum in Academia Pisana Philosophiæ Professore. Florentiæ anno 1752. ex typographio Jo. Pauli Giovannelli in 4.*

*SELECTA ex Græciæ Scriptoribus in usum studiorum Juventutis. Florentiæ anno 1753. ex Imperiali typographia in 8.*

*INSTITUTIONES METAPHYSICÆ in usus Academicos auctore Eduardo Corsino Clericorum Regul. Scholarum Piarum in Academia Pisana Philosophiæ Professore. Venetiis ex Typographia Balleonia. na 1754. in 12.*

*EDUARDI CORSINI Cl. Reg. Scholarum Piarum in Academia Pisana humaniorum litterarum Professoris de Minnifari aliorumque Armeniæ Regum. nummis, & Arsacidarum Epochâ Dissertatio. Liburni 1754. typis Antonii Santini & Sociorum in 4.*

*SPIEGELIZIONE di due antichissime iscrizioni Greche indirizzata al Reverendissimo Padre Anton Francesco Vezzosi Preposito Generale de' Cherici Regolari, Lettore nella Sapienza Romana, ed Esaminatore de' Vescovi da Edoardo Corsini Ch. Reg. delle Scuole Pie. In Roma 1756. nella Stamperia di Giovanni Zempel in 4.*

*RELAZIONE dello scuoprimento e ricognizione fatta in Ancona dei Sacri Corpi di S. Ciriaco, Marcellino, e Liberio Protettori della Città; e Riflessioni sopra la translazione, ed il culto di questi Santi. In Roma 1756. nella Stamperia di Giovanni Zempel in 4.*

*EDUAR-*

**EDUARDI CORSINI Cler. Regul. Scholarum**,  
*Piarum*, & in *Academia Pisana humaniorum litterarum Professoris Dissertatio*, in qua dubia adversus *Minnisari Regis nummum*, & novam *Arsacidarum epocham* a *Cl. Erasmo Froelichio S. J.* proposita diluuntur. Romæ 1757. ex typographio Palladis in 4.

**EDUARDI CORSINI Cler. Regul. Scholarum**,  
*Piarum* & in *Academia Pisana humaniorum litterarum Professoris ad Clarissimum virum Paulum Mariam Paciaudium Epistola*, in qua *Gotarzis Parthiæ Regis nummus* hætenus ineditus explicatur, & plura *Parthicæ historiæ capita illustrantur*. Romæ 1757. in typographio Palladis. Excudebant *Nicolaus & Marcus Palearini* in 4.

**EDUARDI CORSINI Cl. Reg. Scholarum Piarum**  
 in *Pisana Academia humaniorum litterarum Professoris Epistolæ tres*, quibus *Sulpiciæ Dryantillæ*, *Aureliani ac Vaballathi Augustorum nummi* explicantur & illustrantur. Liburni 1761. apud *Jo. Paulum Fantechium* ad signum verit. in 4.

**SERIES PRÆFECTORUM URBIS** ab urbe condita ad annum usque *MCCCLIII.* sive a Christo nato *DC.* collegit, recensuit, illustravit *Eduardus Corsinus Cler. Regul. Scholarum Piarum* in *Academia Pisana humaniorum litterarum Professor*. *Pisis A. D.* 1763. excudebat *Joh. Paulus Giovannellius Academiae Pisanae Typographus cum Sociis* in 4.

**NOTIZIE ISTORICHE** intorno a *S. Liberio* sepolto e venerato nella *Cattedrale della città di Ancona* all'Eminentissimo *Signor Cardinale Acciajuoli Vescovo* di detta città. In *Ancona* 1764. nella *Stamperia Bellelli* in 4.

**EDUARDI CORSINI Cl. Reg. Scholarum Piarum**,  
 & in *Academia Pisana humaniorum litterarum Professoris Epistola de Burdigalensi Ausonii Consulatu*. *Pisis A. D.* 1764. Excudebat *Joh. Paulus Gio-*

vannellius *Academiæ Pisanae typographus cum Sociis*  
in 4.

EDUARDI CORSINI Clericor. Regular. Schola-  
rum Piarum Ex-generalis, & in Pisana Univer-  
sitate Primarii Lectoris ad Joannem Chrysostomum.  
Trombellium Canonorum Regularium Congregationis  
S. Salvatoris Ex-generalem & S. Salvatoris Bononiæ  
Abbatem Epistola. Bononiæ 1766. ex typographia  
Longhi in 4.

## OPERA INEDITA.

DISSERTAZIONE sopra S. Pietro Igneo.

— sopra il B. Giovanni delle Celle.

DE CIVITATIBUS quarum mentio fit in Gre-  
cis nummis.

PARS I. Historiæ Academiæ Pisanae.

LATINÆ ORATIONES VI. ad Academicos Pi-  
sanos.

RAYMUNDO CUNICHIO.

ANGELUS FABRONIUS. S. P. D.

**O** *Factum bene de Marotto ! Incredibile enim est quantis hic extollantur laudibus , quæ ipse de Malpighio scripsit , quibusque nos in superiori Decade locum dedimus. Nunc aliud est quod , te deprecatore , ab ipso velim . Postquam Scholæ satisfecerit , summat in manus quæ Dominicus Riviera , junius sane quam par erat , de Raphaelis Fabretti vita exaravit , demat , addet , mutet , ut totum aliud opus efficiat , quod erit ad III. Decadis ornamentum & decus . Est enim propositam meis scriptis aliena miscere , ut defessi lectorum animi habeant tanquam peropportunum aliquod diversorium , in quo requiescant . Næ ego multo libentius a te aliquid exoptularem , ne semper Marotto essem molestus . Sed in te tantum ardorem perspexi absolvendi Latinam interpretationem Homeri , ut peccare mihi visus fuisset , si te etiam laudabili opere abstraxissem . Omnes enim*

K 3                      lit.

litterarum Græcarum Latinarumque amatores plurimum exoptare-debent , ut talis extet interpretatio Homeri , quæ & elegans & perspicua & Latina sit , atque ita demum cum exemplaribus consentiat suis , ut non modo , si fieri possit , sensa omnia referat , verum etiam verba ipsa atque adeo verborum ipsorum vim ac venustatem assequatur . Quod cum minime Helius Eobanus Hessus præstiterit , tu quidem pro tua singulari præstantia ingenii & doctrinæ præstare facile poteris . Paucula enim illa , quæ ex Homero , ex Theocrito , ex Callimacho in Latinum carmen a te conversa atque in lucem edita degustavimus , adeo polita , poetica , Latina atque perfectæ sunt , ut injuriosius facere videremur , nisi quidvis magnum ac singulare de te expectaremus . Urge igitur quod aggressus es ; & quandoquidem superioribus mensibus Latinam Theocriti conversionem totam absolvisi , Homeri etiam Iliadem confice : neque enim dubitare debes , quin magnum laborem major & fama sit consecutura . Habes sane hac in re , qui te vehementer excitare de-



debeat , *Iosephum Bozolum contubernalem*  
*tuum , qui sic e Græco in Italicum carmen*  
*Iliadem convertit , ut tale ac tantum opus*  
*origine Italicum judicari possit . Similem a te*  
*versionem expectamus , ut non Homerus , sed*  
*Virgilius ipse loqui videatur ; nec dubitamus ,*  
*quin & omnium votis , & tu ipse tibi satisf-*  
*facturus sis . Vale .*

*Pisfis IV. Kal. Februarii MDCCLXX.*

RAPHAEL FABRETTUS.



APHAEL FABRETTUS , de cujus vi-  
 ta ea , quæ nobis comperta fue-  
 re , memoriæ mandare constitui-  
 mus , nobili genere Urbini natus  
 est , nempe in ea urbe , quæ cum semper  
 clarissimis viris floruit , tum optimarum ar-  
 tium studiis omni tempore mirifice est illu-  
 strata , quorum utrumque suorum Ducum mu-  
 nificentia Urbinates acceptum referunt . Fa-  
 milia enim Roborea , cujus in ditione Urbi-  
 num fuit , ita semper liberalium artium stu-  
 dia fovit , ut nihil in ipsius urbis procuratio-

ne sibi antiquius duxerit , quam ut in ea literatissimis viris , artificibusque præstantissimis domicilium constitueret . Ex quo sane factum est , ut tam multi ex ea in omni doctrinarum artiumque liberalium genere egregii viri extiterint , ut nesciam , an alia usquam urbs hac laude huic præstare possit . In ea igitur urbe anno MDCXIX. regnante , adhuc Francisco Maria Roboreo , natus est Fabrettus , cui cum præcellens ingenium naturæ munere obtigisset , nil mirum brevi tempore unum ex iis evasisse , quos Urbina-tes præstantioribus suæ civitatis viris adnumerant . Excitatus enim tot litteratorum virorum exemplis , ita ad omnem eruditionem se contulit , ut excellentiores , quos adæquabat ingenio , etiam doctrina superare contenderet . Sed ab initio est exordiendum . Callii , quæ ejusdem ditionis est civitas , in Latinis Græcisque institutionibus audiit præstantissimum præceptorem , qui jampridem in hujusmodi disciplinis institutus a Manutiis , & Mureto fuerat , viris ( quod nemo ignorat ) in utraque lingua præcellentissimis . Ita-  
que

que venustatem illam, concinnumque in scribendo leporem, quem ex tam præclaris doctoribus Magister hauserat, idem cum Fabretto communicans brevi adolescentulum ad veterum Latinorum, Græcorumque scriptorum normam ita exegit, ut jam tum Fabretti nomen, quemadmodum Ægidius Menagius prodidit, non intra Italiæ fines tantum, sed etiam Italiam ipsam, transque Alpes potissimum celebre esset. Quod eo pluris faciendum duco, quod gentes illæ tunc falso persuasum habebant, puram putamque illam, quam vocant, elegantiam, quæ multos annos ante in Italia viguerat, Italos aversatam apud se domicilium constituisse. Exacto humaniorum litterarum curriculo, atque Urbini reversus, totum se ad utriusque Juris scientiam adjecit, quarum facultatum lauream accepit nondum duodevigesimo anno ætatis expleto. Neque vero, ea parta, perinde ac si ad sapientiæ metam pervenisset, ab instituto cursu conquievit. Etenim non ignorabat se ea, quam hætenus in studiis adhibuerat, contentione, vix dum doctrinæ tyrocinia

nia posuisse , simulque illud intelligebat , nequaquam doctum hominem eum esse putandum , qui doctoris nomen tantummodo sit affecutus . Igitur cum non vulgare aliquid agigaret animo , quo facilius quæ medigaretur ad exitum perduceret , Romam se contulit . Commorabatur ea in urbe Stephanus frater ejus natu major , vir humani divinique Juris peritissimus , cujus tunc magnum nomen erat in foro . Itaque in ejus disciplinam Raphael se tradens , & ingenii præstantia , & scribendi exercitatione eo evasit , ut brevi tempore illustraretur . Erat jam tum Fabretto in deliciis antiquitatis cognitio , eamque scientiam ita præ ceteris adamarat , ut pene hac una delectari videretur . Itaque , quidquid otii ex severioribus disciplinis sibi reliquum esset , id totum aut veterum historiis perlegendis , aut antiquioribus monumentis investigandis tribuebat . Sed de hujusmodi studiis , in quibus præcipuam vitæ suæ partem Fabrettus insumpsit , separatim scribendum erit , postquam de honorum decursu dixerimus , ne aut hanc vitæ partem omitt-

mittendo ea , quæ Fabretto præcipue laudi sunt , negligere videamur , aut illa iis inter-ferendo , historiæ perspicuitati , cui potissimum studere debemus , minus consuluisse arguamur . Neque sane laus una Fabretti fuit doctrinarum cognitione præstare , sed quod præcipuum est , summam doctrinam cum summa prudentiæ & dexteritatis laude conjunxit , quæ sane conjunctio cum singularis esset , summam ei apud principes viros & estimationem , & auctoritatem statim conciliavit . Itaque cum in Hispaniam ad res difficillimas componendas aliquis Roma mittendus esset , qui & sagacitate , & consilio plurimum posset , Fabretus unus idoneus est visus , cui potissimum hæc tanta provincia demandaretur . Itaque a Laurentio Imperiali Cardinali , cujus res agebatur , in Hispaniam missus , difficillimo munere tanta felicitate perfunctus est , ut , quod vix sperari posse videbatur , rebus omnibus sine ulla controversia compositis , Romam redierit . Cujus sane rei non exiguum præmium tulit . Nam Alexander VII. cum hominis pruden-

dentiam remunerari cuperet , paullo post Fabrettum Hispaniensis Legationis ærario præposuit . Quod munus cum caste integreque aliquot annos administrasset , ab eodem Pontifice legationis ejusdem Assessor factus est , in qua etiam procuratione & maximam sibi consilii laudem peperit , & simul ostendit de integritate & prudentia sua in utriusque muneris delatione optime a P. M. fuisse judicatum . Tredecim post annos Romam ex Hispania reversus Appellationum Judex in Capitolio constituitur : grave sane munus ac difficile , cujus in administratione eximia quædam æquitas , & Juris peritia requirebantur . In quo tamen munere ita se gessit , ut neminem læserit , omnibus satisfecerit , nullam officii partem prætermiserit . Atque hic sane illud mirari subit in hoc viro , in tanta nimirum ac tam varia rerum procuratione fuisse versatum , & ejus operam nemini non fuisse probatam ; quod certissimum indicium est & summæ in agendo prudentiæ , & miræ cujusdam in expediendis transigendisque negotiis ac felicissimæ dexteritatis . Itaque , quod  
fin.

singularis ejus virtus certatim expetebatur ab omnibus , non multum intercessit temporis , cum ei Urbinum una cum Carolo Cerrio Cardinali Urbini Legato commigrandum fuit . Is cum plurimum æquitati & doctrinæ Fabretti confideret , cum sibi adesse voluit , & Legationis , ut vocant , Auditorem constituit , supra quem ferme totum Legationis ipsius onus incumbit . Tulit hoc onus non gravate Fabrettus , operamque suam & Legato præstitit , & Patriæ detulit . Quo tempore res domesticas etiam curare non neglexit ; & cum patrias opes valde attritas procuratorum negligentia offendisset , eas restituere , quoad potuit , conatus est . Opportunum ad hoc subsidium contulit pecunia , quam bonis quæsitam artibus secum ab Hispania detulerat . Triennio Urbini peracto , ei non , ut optabat , otioso esse licuit , quo suis studiis liberius obsequeretur . Nam Romam reversus statim a Gaspare de Carpineo Cardinali Innocentii XI. P. M. Vicario , cui jamdudum eximia Fabretti eruditio atque prudentia perspecta esset , iis de more examinandis , qui in Clerum cooptandi

di essent , præficitur . Cum vero non minus doctrina , quam eleganti quodam scribendi genere valeret plurimum , dignus plane habitus est , qui ab eodem conscribendis Pontificiis decretis eligeretur . Demortuo Innoc. XI. Alexander successit VIII. qui cum viri virtutem probe cognitam atque exploratam haberet , ei libellorum supplicum curam commisit , eumque primum S. Mariæ Transiberim , deinde multo amplissimo Basilicæ Vaticanæ Canonatu & ditavit & honestavit , tum & sacrorum Cœmeteriorum Præfecturam , qua unice ille delectatus est , adjunxit . Hanc quemadmodum Fabrettus exercuerit , tunc dicemus , cum de ejus studiis erit scribendum , cum quibus mirifice hujusmodi procuratio congruebat . Multum apud Alexandrum Pontificem gratia valuit Fabrettus : nam & eum sibi adesse volebat in magnis rebus , & hominis auctoritate multum movebatur . Multa etiam , eo consulto , & præclara & toti Christiano orbi salutaria constituebat . Juvit etiam eundem Pontificem in Alstetinae aquæ ductuum restauratione , ejusque extat



tat inscriptio celeberrimo Pauli V. monu-  
 mento adjecta, quæ & id ipsum, quod scri-  
 bimus, docet, & ejus summam in conficien-  
 do hoc epigrammatum genere scientiam osten-  
 dit. Cusâ etiam hoc tempore numismata ad  
 formam a Fabretto summa elegantia excogi-  
 tatam, quibus nihil unquam post auream il-  
 lam Augusti ætatem Romæ elegantius visum  
 fuerat: ita vero scripta, ut ipsam tempo-  
 rum illorum venustatem dignitatemque pror-  
 sus referrent. Parva quidem hæc res est, si  
 cum majoris momenti rebus comparetur; sed  
 certe non contemnenda. Residet enim in  
 numismatis affabre cusis nescio quomodo di-  
 gnitas quædam atque simplicitudo Imperii.  
 Neque vero Innocentii XII. qui Alexandro  
 successus est, minor in eum benevolentia fuit.  
 Hic enim cum parem Decessori suo de Fa-  
 bretto existimationem haberet; multumque  
 ejus prudentiæ integritatique consideret, non  
 solum ejus consiliis usus est, ejusque sapien-  
 tiam maximi semper fecit; verum etiam  
 eundem multis honestavit muneribus; inter  
 quæ illud præcipuum, quod ejus fidei Pontifi-  
 cium

ficiū tabularium credidit, quod in Hadriana mole summa diligentia custoditur; cujus sane cura nemini unquam committitur nisi illi, cujus vigilantia atque fides omnibus sit plane perspecta. Nam & scriptorum copia & eorundem æstimatione tabularium hoc ceteris omnibus, quæ in Urbe asservantur, longe præstat. Supervacaneum hic est exponere, quomodo se hoc in munere gesserit Fabrettus, qui in omnibus, quæ hætenus persecuti sumus, tantis tamque diversis muneribus non modo eorum, qui sibi ea demandarunt expectationem semper expleverit, verum etiam cumulaverit. Atque ex his, quæ hætenus scripta sunt, nemini dubium esse potest, quin Fabrettus vir fuerit summa prudentiæ, dexteritatis, ingenii laudè commendatissimus, idemque ad omnia pene (quod rarum omnino est ac singulare) a natura comparatus. Hæc præcipue fuerunt munera, quibus præclarissimus vir functus est, ampliora certe consecuturus; nisi litterarum amor, quibus uni-  
 ce delectabatur, ab honorum cupiditate hominem semper abstraxisset, eumque ab om-  
 ni

ni prorsus dignitatum petitione revocasset .  
 Atque hæc de honoribus , quibus honestatus  
 Fabrettus , tantam sibi & prudentiæ , &  
 æquitatis famam peperit . Nunc aliqua de  
 ejus studiis attingenda , quibus ille tantam  
 doctrinæ atque ingenii laudem consecutus est .  
 Delectabatur ille , quemadmodum supra di-  
 ctum est , antiquitatis cognitione , eamque  
 scientiam non solum adamarat , verum etiam  
 præ ceteris excolendam susceperat : quo  
 etiam libentius Romam in adolescentia sua  
 sibi eundum putavit . Videbat enim studio-  
 sissimus adolescens tam multa commoda ad  
 hanc cognitionem assequendam illam urbem  
 omnibus suppeditare , ut qui diutius ibi com-  
 moraretur , eaque solum , quæ vulgo occurrunt ,  
 curiosius investigare vellet , haud multo sane la-  
 bore , dum graviores facultates addisceret , hac  
 etiam scientia erudiri posset . Igitur , ut Ro-  
 mam venit , ita ibi versari incœpit , ut nihil ,  
 quod cognitione dignum esset , arripere præ-  
 termiserit . Antiquitatum scriptores quotquot  
 ea tempestate celebrabantur omnes colle-  
 gerat , eosque lectitabat assidue ; erudito-

L

rum

rum hominum , quorum multos sibi paraverat , consuetudine utebatur , eosque colebat diligentissime ; quidquid autem Romæ antiquum esset perscrutabatur solerter , idque tanta diligentia scriptis mandabat , ut nihil accuratius fieri posse videretur . Quo factum est , ut tam multa in ipsa adolescentia cognoverit , ut jam tum opera illa instituere aggrederetur , quæ deinde ab eodem , tempore progrediente , confecta litterariæ Reipublicæ tanto cum usui , tum ornamento fuerunt . Neque ab hac vivendi ratione , quam Romæ privatus tenuit , in Hispaniensi Legatione , dum Reipublicæ operam daret , recessit . Ibi enim Latinis Græcisque Scriptoribus perlegendis totum se tradidit : quod sane ei summo fuit adjumento . Hac una enim legendi exercitatione tam multa didicit , ut in hac facultate , quemadmodum ipse fatebatur deinde , vix sibi ab eo tempore aliquid ita novum occurrerit , quod non ipse aut jam pridem exploratum haberet , aut non statim conjectando facile assequi posset . Hic etiam veterum Romanorum monumenta , quorum non

pau-

pauca in Hispania supersunt , sedulo investi-  
 gavit , nihilque negligens exscribere præter-  
 misit quod sibi animadvertendum esse arbi-  
 traretur ; id autem si minus per se posset , per  
 amicos assequebatur . Atque hæc laus fuit  
 Fabretti præcipua . Etenim dum vixit , quid-  
 quid rarioris vidit , id totum scriptis tradidit ,  
 idque ( quod pluris in hac re faciendum pu-  
 to ) adeo accurate , ut quidquid ab eo aut  
 exscriptum , aut delineatum sit , id exempla-  
 ribus suis mirifice respondeat . Hoc ille præ-  
 fertim præstitit , cum Romam rediens , & a  
 Carolo Cardinali Bonello Legato , qui ex His-  
 pania decedebat , in itineris societatem ac-  
 ceptus una cum eo nobiliores Europæ ur-  
 bes obivit . Tunc enim diligentissimus anti-  
 quitatis investigator occasione arrepta , qua  
 commodiorem offerri sibi amplius posse des-  
 perabat , vetera monumenta omnia , quæ  
 in Europæ ac præsertim in Italiæ urbibus ,  
 vicis , viis supersunt , sagacissime perlustravit ,  
 multaque descripsit , quæ sibi deinde magno  
 usui , atque adjumento fuisse testatus est .  
 Hanc ille vivendi rationem tenuit dum Ro-

ma abfuit , feu potius dum in Hispania eft commoratus . Nam Urbini quamdiu Legationis Auditor fuit , partim propter affidua illius provinciæ negotia , cujus procuratio in eo potiffimum nitebatur , partim quod familiæ fuæ ( quemadmodum fupra dictum eft ) commodis confulere deberet , vix aliquid otii ad hæc studia recolenda ipfi reliquum fuit . Itaque tum publicam , tum domesticam rem fuis studiis anteferens parumper ea fibi intermittenda arbitratus eft . Quo factum fuit , ut & provinciam illam fuma cum vigilantia laude adminiftraret , & domesticas fortunas multum auctas relinqueret . Atque hæc omnia , quæ de Fabretti studiis hætenus dicta funt , accuratiori diligentia exponere volumus , ut omnes intelligant , non immerito eruditiffimos homines , quotquot aut per eadem tempora , aut confequentibus deinde annis floruerunt , omnes Fabretti opera uno ore tantis laudibus extuliffe , eundemque omnium fui temporis antiquitatis confultiffimum exiftimaffe . Neque enim ab homine , qui ab ipfo ætatis initio totum ad hæc studia

dia

dia se adiecerat , eaque deinde tanta diligentia ac labore excoluerat , tam multa viderat , tam multa legerat , aliquid proficisci poterat , quod non in suo genere perfectum esset , simulque doctorum omnium admirationem in se converteret ; præsertim cum is & ingenio acerrimo , & ( quod potissimum ad hæc studia quæri solet ) memoriæ facultate prorsus singulari uteretur . Certe Scipio Maffejus vir omnium doctrinarum laude clarissimus in suis operibus , quibus tantam eruditionis famam apud omnes gentes sibi comparavit , ut Fabretti mentio incidit , sæpius hujus sapientissimi viri studia , eruditionemque maximis laudibus extollit , eundemque antiquitatis cognitione ceteris omnibus præstitisse affirmat , utpotequi plura solus exscripserit , plura congesserit , plura explicaverit , quam ceteri unquam aut legere aut investigare potuerunt ; cujus ea fuit in dijudicando sagacitas , ut pene nunquam falleretur , ea rerum omnium antiquarum peritia , ut quidquid ab eo hoc in genere prolatum sit , id & maximam auctoritatem ha-

beat, & ceterorum omnium opinionibus jure sit anteponendum. Idem testatus est Janus Vincentius Gravina, qui in eo libro, quem de originibus juris civilis scripsit, nihil certi de celeberrimo illo Legis Regiæ fragmento, quod in arce Capitolina custoditur, sibi constituendum esse arbitratus est, nisi ante per epistolam Fabrettum Romanæ antiquitatis oraculum (sic enim eum vocat) consuleret: cujus mox sententiæ ita acquievit, ut, omni illico deposita formidine, monumentum illud contra nonnullorum opinionem, qui ipsum in suspicionem vocaverant, & sincerum esse dixerit, & luculenter illustrarit. Extant in eo libro tum Gravinæ, tum Fabretti epistolæ summo lepore conscriptæ. Sed jam de ætate illa aliquid dicendum, quam Romæ transegit, postquam illuc a Gaspare de Carpineo Cardinali Innocentii XI. Pontificis Maximi Vicario in urbe gerente, ex Urbini procuratore evocatus, præter cetera munera, de quibus supra diximus, sibi deman- data, sacrorum etiam cœmeteriorum curam, suscepit. Ex quo sane munere tantam volup-  
ta-



tatem Fabrettus cepit , quantam ex ceterorum omnium procuratione nunquam antea expertum se esse fateretur . Hoc sane & cum ingenio suo mirifice congruere videbat , & ad antiquitatem studiosius investigandam incredibilem opportunitatem offerre cognoscebat . Nihil autem cum studiis antiquitatis conjunctius quam hæc ipsa cœmeteriorum procuratio , quibus cum pauca vix alia monumenta de antiquitate , nulla certe de dignitate ac religione contendunt . Horum si quis accuratam descriptionem cupiat , Antonium Bossum consulat , qui iis de cœmeteriis omnium accuratissime scripsit . Hæc ipsa loca lustravit Hieronymus , adolescens Romæ cum esset , & Donato præceptor & Rhetoricæ operam daret , eorumque exactam in suis operibus descriptionem reliquit . Hæc igitur causa fuit , cur Fabrettus tantam ex hujus muneris procuratione voluptatem experiretur . Neque vero impar voluptati fructus respondit . Etenim & veteribus monumentis , quibus ea loca præcipue abundant , effodiendis , & intimis terræ partibus assidue perscrutan-

dis non modo pulcherrimis cognitionibus auctus est, verum etiam rara multa atque singularia deprehendit, quibus deinde tantæ huiusmodi lux est allata, quod cum ex ejus operibus universis, tum præcipue ex inscriptionum libro cognoscimus. In eo enim plusquam cccc. vetera monumenta expressa exhibentur pene omnia ab eodem ex sacris cœmeteriis effossa, quorum cum nullum vulgare sit, tum multa adeo sunt singularia, ut inter antiquitatis præclarissima recenseantur. Cœmeteriorum curam per triennium exercuit, monumentisque omnibus quæ hinc effoderat, facta a Cardinali de Carpineo potestate, potitus est; hanc vero collectionem auxit deinde partim industria sua, partim amicorum liberalitate, multa etiam sibi pecunia comparavit, ac tum præsertim cum Latium omne obire est aggressus. Qua in Latii perustratione, quid antiquitatis cognoscendæ cupiditas possit est animadvertendum. Etenim hac una abreptus ita itinera omnia peragebat, ut solus equo fidens nec frigoris rigore, nec solis ardoribus, nec viarum asperitate,

nec

nec imbrium sæpe decidentium copia detereretur , quominus loca Latii universa circumiret , oppida , vicos , vias investigaret ; circos , theatra , fana , reliquias denique antiquitatis omnes diligentissime persequeretur ; inscripta marmora , si minus aut coemendi , aut asportandi copia fieret , diligenter excraberet ; singula vero tanta cura delinearet , ut vix a perito geometra accuratius fieri potuerit . Atque in hac peregrinatione ita hominem nunquam ardor animi defecit , ut audacior etiam , quam consueverat , sæpe visus sit . Neque enim ille abditissimos nemorum recessus adire , invias montium latebras penetrare tantummodo audebat , verum etiam inaccessas rupium altitudines , immanesque ruderum moles conscendere , atque intima terræ loca pervadens pene collabentes fornices subire , atque in iis summo cum periculo diu multumque delitescere . Hinc factum est , ut omnes Latii partes penitus exploratas haberet , ipsumque Latium scriptis illustrare aggrederetur . Hoc tamen opus , cuius incredibilis expectatio in litteraria Re-

pu-

pública fuerat excitata , frustra ab eruditís viris desideratum est . Etenim , quod mortis interceptus supremam ei manum non potuit Fabrettus imponere , opus apud heredes delituit , neque unquam publici juris est factum . Neque hic illud prætereundum , quod idem de equo illo suo narrare solebat , quo vêtus Latii partes omnes circumivit . Assuetus enim ille heri jussu consistere ubicunque aliquid appareret , quod antiquum videretur , longo usu edoctus nihil jam animadvertendum occurrebat , de quo non is statim ultro consistens dominum moneret ; illudque addit , multa , quæ certe imprudens præteriiisset , equo monitore se detexisse . Hinc vectorem hunc suum eruditum vocare , de litteraria Republica benemeritum , antiquarium extra muros , cui ita antiqua omnia subolerent , ut quemadmodum canis venaticus feras , ita ille monumenta vetera odoraretur . Hæc cum jocans Fabrettus amicis suis significasset , cumque ab iidem Marco Polo celeberrimo illi viro , qui totum pene orbem peragravit , equus assimilaretur , eodemque nomine per  
jo-

jocum vocitaretur, hac de re epistolam, idem vernaculo sermone conscripsit, quæ venustate ac lepore suo maximis laudibus celebrata est. Sed quod Latii veteris opus neque ab eo, neque ab heredibus unquam palam factum fuerit, non idcirco nihil extat memoriæ proditum, ex quo Fabretum hominem illius provinciæ peritissimum cognoscamus. Nam post ejus mortem & a Sociis Academiæ Cortonensis Latii Kirkeriani emendatio est edita ab eodem Italico sermone summa eruditione conscripta, & opus illud de Aquis & Aquæductibus celeberrimum, memoriæ proditum, in quo certe ostendit, partem Latii esse nullam, quam is non diligentissime perlustraverit, viam, monumentumque nullum, quod non sagacissime sit persecutus. Atque ut ne de tam præclaro opere una mentio fiat, gratum me lectori facturum existimo, si per summa capita breviter hujusce libri ordinem atque rationem expediam. Tres igitur dissertationes, ut vocat, hoc opus complectitur, quarum prima, quam Lucio Traguriensi inscribit, contendit

dit auctor, Alexandrinam aquam, de cuius origine vehementer inter se scriptores dissentiunt, ex quodam loco derivari, qui prope fluvii Osæ caput cernitur in ea via, quæ in bivium desinens Roma proficiscentes hinc Prænestæ, inde Labicum perducit. Addit etiam arcuatum opus illud cuius adhuc plurima rudera passim per Romanum agrum dispersa conspiciuntur, quæ multarum aquarum ductus fuisse ad ea usque tempora eruditi existimaverant, hoc unam Alexandrinam aquam Romam induxisse. Affert etiam tabulam sepulcri, quod Alexandro Severo prope hujus aquæ fontes fuit constitutum; ex quo etiam eruit, eam aquam illam esse, quam in balnearum usum idem Imperator Romam deducens Alexandrinam de suo nomine nominari iussit. In altera vero dissertatione fontes ostendit, unde aquæ Marcia & Claudia deducebantur, viamque illam, per quam Roma & Tibure proficiscentibus, Valeriam vetus Latii oppidum iter erat; tum veterem semitam demonstrat, per quam ex Valeria via Sublacum divertebatur. Hanc ille dissertationem

Car-

Cardinali Gaspari de Carpineo inscripsit, viro temporibus illis cum litteratorum omnium, tum Fabretti in primis Patrono eximio. Tertia denique ceterarum aquarum, quas viginti apud veteres fuisse compertum est, & fontes persequitur, & ductus exhibet; ibique, oblata occasione, de viis antiquis loquitur, earumque situm atque amplitudinem solertissime investigat atque patefacit. Hac ille dissertatione Julium Montevecthium alloquitur, quem amicorum omnium dicit antiquissimum. Hoc sane opus, quo nihil ad Frontinum illustrandum accommodatius, ut primum ab eruditis hominibus tam in Italia, quam extra Italiam perlectum est, tantam statim Fabretto eruditionis famam conciliavit, ut nemo ex eo tempore antiquitatis amator Romam venerit, qui non Fabrettum inviseret, cumque eo amicitiam inire studeret. Verum, hujusmodi opus, quod tantam Fabretto laudem peperit, idem ipsi molestiarum maximarum origo, contentionumque gravissimarum causa extitit. Cum enim in eo libro Jacobi Gronovii sententiam de ve-

te-

teris Algidi, viæque Latinæ situ Fabrettus exagitasset, cumque ab eodem perperam Livium multis in locis emendatum esse dixisset, adeo in se hominis furorem convertit, ut nihil contumeliarum sit, quo non ab eodem fuerit appetitus. Etenim libro statim edito, quem *Responsiones ad Raphaelis Fabretti cavillationes* injuriosius inscripsit, ita in adversarium inVectus est suum, ut hominem ad alterum opus conscribendum impulerit, in quo nescio utrum magis maledictorum acerbiter vituperare, an eruditionis copiam, demirari debeam. Sed operæ pretium est libri ordinem subtexere, ne cum de doctissimis viris scribimus, strictim nimis quæ utiliora sunt exponere videamur. Reprehendit primo Fabrettus in hoc libro Gronovium, quod temere multa Livii loca emendanda curaverit, & eum locum præsertim libri xxvi. ubi Livius Annibalem Capua iter Romam facientem describens ait: *inde Algido Tusculum petit*, quem locum Gronovius sic emendandum putat: *inde ab Peto Tusculum petit*: Quod Fabrettus prave factum, permultis Li-



vii ipsius testimoniis allatis, conatur evincere. Idem deinde ostendit, quam multa in geographicis Gronovius peccaverit, utpotequi in locis Tusculo vicinis dimidiam noctis hiemalis partem integra nocte æstiva longiorem fuisse putaverit: Arvernos Galliæ populos ultra Garumnā a Massilia constituerit: Tempe Thessalica aprica nominaverit, quæ tamen opaca umbrosa a poetis describuntur. Tum controversiam aggreditur, quæ inter utrumque de situ Algidi, ac viæ Latinæ exorta erat. Contendebat Gronovius, multa ex Livio afferens, agri Tusculani limites Lavicanis conterminos esse, ideoque aiebat verisimile sibi nequaquam videri, Annibalem, flexo itinere, Algidum superasse, cum ex Lavicano in Tusculanum agrum progredieretur: Quod sane Fabrettus, iis ipsis, quæ pro se Gronovius affert, testimoniis contra eundem adhibitis, nequaquam ita se habere, ut ille contendit, demonstrat. Multis subinde aliis ad hanc rem illustrandam adjectis, de Latina, ac Lavicana via sermonem instituit, eamque illa nequaquam longiorem esse contendit. Tum Sili-

lio Italico a Gronovii censuris vindicato, Tusculi situm supra montis cacumen contra Holstenii opinionem collocat, eumque verum Tusculi situm fuisse cum ex ipsa loci natura, atque ejusdem urbis vestigiis adhuc supra collem existentibus evincit, tum ex veterum sententiis, ac præcipue ex nummo quodam antiquo, in quo Tusculum expressum exhibetur. Idem huic libro Latii veteris tabulam topographicam adjecit, quam tamen deinde, quod in eam aliqua imprudenter irreperant (erraverat nimirum Fabrettus in certo definiendo loco, quo viæ tres Latina, Lavicana, Prænestina in unum coeunt) cum alia exactius elaborata commutavit; quod Cajetanus Marinius, vir eruditissimus, a quo mihi multa ad Fabrettum pertinentia suppeditata fuere, se pluribus in libris advertisse testatus est. Edidit Fabrettus hoc *Apologema*, sic enim hunc ille librum inscripsit, Arcadico nomine supposito, idemque licet Neapolitanos Typographos præferat, editum tamen Romæ fuit, iisdemque formis, quibus alia ejusdem opera impressa fuere.

Hujus

Hujus opinionibus universa litteratorum respublica statim adslipulata est ; ipsique Batavi , a quibus Gronovii defensio suscipienda videbatur , litteras Fabretto miserunt gratulationum plenas , quod impudentem adversarii sui fastum contudisset , susceptisque partibus tam cumulate satisfecisset . Ceterum quanto-pere ab insana hac ultro maledicendi licentia Fabrettus abhorreret , cum multa ejus vitæ facta satis ostendunt , tum illud præcipue , quod in ejus operibus animadvertimus , in quibus cum multorum opiniones refellere , multis refragari , multos corrigere debeat , ita semper moderate se gerit , ut , nisi si quando ipsa rerum indignitas postulet , animadversiones suas cum laude potius adversarii conjungat , quam ullam verborum acerbicatem præferre patiatur . Multa sane hic proferre possem temperantiæ hujusce suæ documenta ; unum tamen sit instar omnium , quod memini me apud eum legisse in eo libro , quem de Aquis & Aquæductibus scripsit . Hic enim cum Athanasio Kirkerio , Societatis nostræ viro cum astronomiæ .

M

tum

tum antiquitatis peritissimo, sibi nescio quā in re contradicendum esset, quam diligentius investigando secus se habere cognoverat; mirari se negat, hominem in cælestium, atque incorporearum rerum contemplatione, occupatum, earumque pulchritudine abreptum ad hæc infirma & terrena, atque adeo infra terram ipsam posita se demittere noluisse. Quod cum haud mediocrem Kirkerii laudem continet, tum Fabretti mirificam in scribendo temperantiam, atque adeo comitatem, ostendit. Atque hoc sane alterum doctissimi viri opus est, ex quo ille Romani Agri peritissimus agnosci potest, ita ut addubitan- dum subeat, an is de regionis illius expli- catione, quam tanto studio susceperat, confi- cienda minus sollicitus fuerit, quod præcla- riora illa, quæ de Latio collecta haberet, sibi jampridem in hisce libris fuerint exposi- ta. Sed ad reliqua ejus ingenii atque do- ctrinæ monumenta progrediamur. Idem etiam de Nervæ Trajani Imperatoris columna Syntagma edidit, quod opus omnino singu- lare est, tum quod multa complectitur, tum  
etiam

etiam quia ita de his omnibus differit, ut nihil magis enucleate, aut exquisitè fieri possit. Hunc ille librum scripsit, ut Alphonsum Ciacconium Hispanum, qui prior ejusdem columnæ explicationem confecerat, a Joannis Petri Bellorii censuris vindicaret; simulque, si quid ab eodem Ciacconio in hujus præclarissimi monumenti explicatione peccatum esset, emendaret. Inter autem omnia, quæ apud eruditos viros maximam admirationem excitarunt, ea nimirum sunt, quæ ibi, oblata occasione, de navium veterum insignibus, de tutelis, de ordinibus remorum, & de classiariis exponit, de quibus pauca admodum ante Fabrettum noveramus. Quæ sane quicumque legat, quæ hominis fuerit conjectandi vis, quæ dijudicandi felicitas, quæ denique rerum omnium peritia cognoscet ac demirabitur. De militia autem Romana in eodem libro sic loquitur, ut nemo melius; item de sacrificiis veterum, eorumque cæremoniis, de Vestalibus, earumque tonsura, de machinis poliorceticis, de speculatoribus, de medicis castrensibus, de amictu, & pellibus, de cestuum figura egregie

differit . Addit etiam ibidem de columnæ  
 Trajanæ anaglypho nonnulla , quæ Ciacconii , Belloriique diligentiam fugere : tum ex  
 lapidum inscriptionibus , atque ex nummis  
 antiquis gemini Dacici belli a Trajano con-  
 fekti chronologicam contexit historiam , at-  
 que horum monumentorum , quæ vera ha-  
 benda sunt , quæ falsa ac supposita judican-  
 da , callidissime disquirit . Multis aliis deinde  
 digressionibus hoc ille opus distinguit , quæ  
 sane ad antiquitatis monumenta rite dignoscen-  
 da maximam lucem præbent . Egregio huic  
 operi duo alia adnectit , quæ etiam plane  
 singularia sunt : quorum primum veteris ta-  
 bulæ anaglyphicæ Homeri Iliadem , atque  
 ex Stesichoro Arctino ac Lesche Ilii exsci-  
 dium exhibentis explicationem continet , ei-  
 que tabula æri incisa præfigitur ; alterum la-  
 cus Fucini emissarium a Claudio Imperatore  
 maximis sumptibus excavatum luculenter de-  
 scribit . Hos etiam libros universa litterato-  
 rum virorum respublica magno plausu exce-  
 pit , magnique semper habuit , iique apud  
 posteriores antiquitatum scriptores sæpius sum-

ma cum Fabretti laude celebrati inveniuntur. Nihil enim in illis est, quod non maximum hominis ingenium eruditionemque commendet. Neque vero hic laboribus suis finem imposuit Fabrettus: inscriptiones enim omnes, quas partim exscribendo, partim coemendo collegerat, eas in unum volumen ordinatim redigere atque explicare est aggressus. Quam sane collectionem ita semper ante oculos habuit, ut hæc in omni vitæ unice ei cordi esset. Itaque quidquid animadvertibat, quidquid exscribebat, quidquid legebat, eo semper spectare videbatur, ut & rerum novarum copia, & perspicua ipsarum disponendarum atque explanandarum ratione opus omnino rarum ac singulare existeret. Nec successu caruit res: opus enim & omnium expectationi egregie respondit, & ceterorum omnium, quæ Fabrettus ante ipsum ediderat, præclarissimum habitum est. Et sane id illo egregio hoc opere est affectus, ut veterum inscriptionum cognitio, quam antea nonnisi difficulter ac temere assequi poteramus, ea nunc & facile & ordina-

tim haud ita magno labore ab unoquoque comparari possit. Quam ob rem multum huic litteratorum rempublicam debere nemo est qui non fateatur. Sed, qui sit hujus operis ordo, persequamur; de cujus ratione nisi aliqua docuerimus, multa sane atque præclara erunt, quæ de eruditissimo hoc homine, prorsus ignorabuntur. Neque enim Fabrettus ita de unaquaque re scripsit, ut in ejus unius disquisitione in universo opere semper immoratus sit, sed multa ex occasione ibidem varia ac singularia inseruit ad alias omnino res pertinentia, quæ sane, dum de ejus libris loquimur, a cetero opere omnino sunt distinguenda, ne, quæ præcipua hujus operis ornamenta sunt, aut ignorare, aut reticere videamur. Sed ad propositum redeamus. Inscriptionum opus ad classes quasdam redigit, easque ita in unaquaque classe recenset, ut altera alteri lumen afferat. Exhibet ille primum earum aliquam, quæ apud se afferuntur, eamque a ceteris & Romanorum numerorum nota, & lineis circumquaque obeuntibus distinguit. Adjicit deinde ad eam  
illu-



illustrandam alias permultas , quas aut ipse per se legerat , aut ex schedis Barberinis collectas habebat , quas inter omnes , illud mirum , pene nullam occurrere , quæ aut vulgaris sit , aut non maximo adjumento ad veterum tum Ethnicorum , tum Christianorum ritus cognoscendos esse possit . In paginæ vero calce animadversiones idem apponit suas ; atque iis perpetuo sermone Gasparem Fabret. tum fratris filium instituit . Explicat ille primo tabellas illas , seu titulos , qui ollis cinerariis inscripti contractas nominum notas exhibebant , eosque negligi debere negat , cum ex iis præcipue tum ollarum ipsarum ratio , tum prænominum notitia peti possit . Tum de columbariis sive loculis illis loquitur , in quibus a veteribus ollæ cinerariæ condebantur , atque opinionem Reinesii refellit , qui columbaria ad loci locationem pertinere putarit , in quo columbæ alerentur . Multis deinde ad eandem rem pertinentibus adjectis , uno inscriptionum subsidio contra Alexandrum ab Alexandro evincit , tam cremandi , quam humandi ritum ita apud veteres invaluisse , ut

non lege aliqua constitutus , verum sola consuetudine in more positus esset ; contenditque , quæ corpora prius humi condebantur , crebrius posthac a veteribus cremari consueſſe , eamque consuetudinem usque ad Theodosii Magni tempora permanſiſſe . Horum autem columbariorum ac titulorum exhibet ille ibidem figuras diligenter expressas . Mox de operculis diſſerens , quibus eadem cinerariæ urnæ contegebantur , ostendit horum foramina recipiendis parentum & conjugum lacrimis in primis inſerviſſe , ac de mortuorum Manibus ibidem multa diſſerit , quæ ab antiquitatis amatoribus omnino perlegenda ſunt . Monumenta deinde illa exponit , in quibus mutui parentum , conjugum , atque filiorum affectus exprimuntur , ibique , occasione arrepta , de cohortibus prætorianis multa inſerit , earumque numerum pro temporum varietate accurate recenſet . Aſſert deinde vetuſtiſſimum orationis fragmentum , quod e muſeo Carpineo depromit , ejuſque partem conjectura quadam ſupplere ſtudet , clariſſimamque Helvidiorum ſtirpem inde a Cæcinnæ

cinna Peto, atque Arria accurata serie mirabiliter deducit. Multa etiam de ratione Afcia exponit, quæ summo incisa lapide eruditorum conjecturas in diversa studia distraxit; multa de Testacei collis origine, de quo nemo veterum locutus est ante Sextum Aurelium Victorem, & Scriptorem notitiæ Imperii, qui collem hunc Dolioli nomine a veteribus nuncupatum memorant. Progreditur deinde ad explanandas inscriptiones eas, quæ conjugum affectus exhibent, ostenditque ibidem, nullam apud veteres inscriptionem hujusmodi fuisse, quæ non hyperbolica sit; multaque simul inserit de Vigilum militia, eorumque cohortibus, de Vicariis, de Conjugibus virginis seu univiris, ac de iis, in quorum vita obituque annorum, mensium, dierumque numerus exæquatus est. Inscriptiones itidem nonnullas profert canibus atque aviculis appositas, inter quas singulare omnino est Lucinæ epitaphium, quod in antiquo vase perexiguis literis inscriptum legitur. Loquitur deinde de iis, quæ invicem sibi servi, domini, atque amici sepulcris inscripsere, in quo capite de Equitibus

bus Singularibus , de Castris Prioribus , de Octoviris ac Seviris Augustalibus , aliisque equestri militiæ cognitis multa eruditissime persequitur , iisque nonnulla etiam de viis Latina , Lavicana , Prænestina adjicit . Post hæc ad Sacra , Ministrosque Sacrorum procedens lapides edit Ægyptia superstitione imbutos , horumque Romæ duos , tertium Urbini inventos ; postque illos Græcum Horophili epithaphium elegantia non minus , quam pergrata simplicitate singulare . Tum Bacchanalium originem ex Livio repetit ; atque S. C. ab eodem Historico cap. XVIII. libri XXXIX. paucis comprehensum perantiquo illustrat monumento , Posthumio Consule , priscoque scribendi more exarato , atque in tabula ærea inciso , quod ex illa exceptum Augustinus Scilla pictor Messanensis Fabretto tradiderat . Sermonem deinde de Accensis instituit , quæque de iis a Salmasio dicta sunt per summa capita expendens aut reprobat , aut confirmat . Addit nonnulla de nominibus novorum civium , de Dea Feronia ejusque fano , de Concordiæ , Victimariarumque collegio , de templo a Lucullo Felicitati

citati constituto , de Osiride , ac Serapide ,  
 quæ nomina ad unum idemque numen per-  
 tinere confirmat ; atque hæc omnia monu-  
 mentorum ope luculenter illustrat . Gruterum  
 mox , Ursatum , ac Smetium reprehendit ,  
 quod Figlinarum notas adeo leviter attige-  
 rint , cum illæ præsertim & Fastis , si quis  
 error irrepserit , emendandis , & temporibus ,  
 quibus instructa sunt ædificia , & locis , quo-  
 rum notitia deest , cognoscendis , maximo sint  
 adjumento . Itaque ille hæc monumenta  
 elementorum ordine disponit , simulque Con-  
 sulum nomina , quorum quidem in Figlinis  
 memoria extat , eadem serie recenset . Ne-  
 que hic illa omittenda , quæ contra Lucam  
 Petum de veterum ponderibus disputat :  
 adversus enim eum contendit , nostra hæc  
 antiquis nullo modo majora esse ; quibus non-  
 nulla etiam addit de Hercule , qui tum a  
 Romanis , tum ab Etruscis custos ponderum  
 habitus est . Singularia etiam illa sunt , quæ  
 exponit deinde de orbiculis osseis missilibus  
 utrinque numismatum more inscriptis , de  
 pilulis ex fossili crystallo elaboratis , de amu-  
 letis ,

letis , sive , quos vocant Arabes , de lapillis Talismanis , quos ille omnes ad Mithram , seu Solem refert . Hisce omnibus expositis , Christianorum monumentorum seriem post Bosium & Aringhum recensens , adeo scite ac dilucide omnia interpretatur atque illustrat , ut rarum omnino opus efficiat . Præclarissimum hic ( ut cetera omittam ) monumentum est illud ab eodem ex cæmeterio B. Castuli erutum , quod exhibet n. LXX. ex quo maximum Christianæ historiæ lumen additum esse cum eruditi omnes fatentur , tum Norisius præsertim , qui Fabretto , qui eidem hanc inscriptionem miserat , respondens , monumentum hoc unum ceteris omnibus ab eodem inventis esse anteferendum ostendit : hujusmodi enim esse dicit , ut post Paschalem S. Hippolyti Canonem , qui insculptus marmori in bibliotheca Vaticana asservatur , altera hæc extet inscriptio , quæ Paschalis sit , nisi quod illa Hippolyti Græca est , hæc Latina . Norisius idem paullo post hanc illustravit , ut videre est in ejusdem animadversionibus *in Fastos Consulares Anonimi* . Neque

que minoris æstimanda illa puto , quæ in eodem libro de indiciis martyrii disputat , ac de ampullis sanguine triumphali refer- tis , quæ in sacris cæmeteriis juxta San- ctorum Martyrum loculos inveniuntur , quæ omnia certissima martyrii signa esse ita evin- cit , ut locum dubitationi nullum relinquat . Ac de sanguine præcipue , qui in ampullis invenitur , affert ille epistolæ partem sibi a Leibnitio missæ , in qua egregius ille philoso- phus ostendit , se salium ope particulas hu- moris illius , qui sacris phialis adhæreret, sol- vissæ , easque verum esse sanguinem depre- hendiisse . Hæretici enim nonnulli , quibus Ro- mæ jampridem sacra cæmeteria Fabrettus ostenderat , hominem irridentes , qui vasa illa sanguine olim plena fuisse affirmasset , deco- lorationem illam ex terreno humore repe- tendam esse contendebant , illud Ciceronis lib. II. de Divinatione afferentes : *Decolora- tio quædam ex aliqua contagione terrena ma- xime potest sanguinis similis esse* . Leguntur etiam in ea monumentorum classe quamplu- rima ad Christianorum antiquorum ritus at- que

que usus pertinentia , quorum cognitio ad hanc historiæ partem intelligendam prorsus necessaria est . His illa accedunt , quæ de nominibus gentilitiis , de Dendrophoris , ac de lamina illa exponit , quæ apud Canusium , reperta , atque a Nicolao Bon in lucem edita integrum Decurionum , sive Centumvirorum numerum explet , patronis , prætestatisque separatis , quos in extremo recenset . Absolvit denique opus , iis additis inscriptionibus , quæ vel superfuerunt , vel , opere jam absoluto , cognitæ ab eo demum sunt , atque acquisitæ . Neque hic desunt præcipua quædam , quæ prætereunda non sunt . Ostendit enim contra Gothofredi opinionem , frumentum , æneum , sive ænum ad civitatem Carthaginiensem nequaquam spectasse , sed & Romæ asservatum , & ibidem distributum fuisse . Addit Juliam Domnam non ( id quod multis visum est ) novercam , verum Caracallæ matrem fuisse , atque eam ab eodem Imperatore nequaquam uxoris loco habitam esse contra Spartianum evincit . Celeberrimum deinde triumphum a Tiberio Cæsare de Britannis



tannis relati monumentum supplet, quod olim in arcu legebatur eidem Imperatori in via, quam Latam vocant, excitatum, nunc vero in Barberinis ædibus a Joanne Chiffletio, ut puto, instauratum asservatur. Hoc ille a Gaudentio Gozzes, qui idem antea suppleverat, perperam restauratum contendit, & multis rationibus persuadet. Paucis ille quidem maximam hanc controversiam in eo libro expedit: verum multo plura idem hac de re scripsit, quæ nunquam publici juris facta fuere, quæque ex bibliotheca Barberina, ubi nunc delitescunt, exscripta apud me sunt. Aliud etiam ibidem Barberinorum fragmentum instaurat, quod Lex Collegii Æsculapii & Hygiæ inscribitur, atque inter præclariora antiquitatis monumenta recensetur. Floræ deinde pudicitiam cum Ouzelio a Minuccii Felicis & Lactantii criminationibus vindicat; ac de situ Laurentini Pliniani loquitur, atque ita præclarissimum hoc opus absolvit, ut quæcunque a se dicta sint & veterum scriptorum auctoritate, & monumentorum testimonio mirum in modum sint confirmata-

firmata. Adjacet huic operi Thesauri Gru-  
 teriani accuratissima calligatio ab eodem  
 tunc confecta, cum tantum opus iterum a  
 Basileensibus excudi velle intellexerat. Uti-  
 nam egregiæ huic collectioni index aliquis adja-  
 ceret, quo ea, quæ passim dispersa jacent, in  
 unum colligerentur, atque ad classes, quas  
 Scaligerianas vocant, revocarentur. Licet  
 enim per partes quasdam opus omne distri-  
 butum sit, tamen præcipua monumentorum  
 pars nequaquam hujusmodi est, ut ad clas-  
 ses illas omnino pertineat, in quibus eadem  
 monumenta exhibentur. Neque enim hic sco-  
 pus Fabretti fuit, ut quascunque inscriptio-  
 nes in unum locum congestisset, hæc ad ip-  
 suum pertinerent, sed id unum voluit, ut  
 quod ordinatim explicandum suscepisset, id  
 ope monumentorum quorumcunque confice-  
 ret; quod egregie præstitit. Non deerunt for-  
 tasse, qui laboriosum opus hoc aggrediantur;  
 ex quo fiet, ut collectio hæc, quæ plerif-  
 que dignitate prællat, omnibus deinde etiam  
 utilitate sit anteposenda. Hunc sane indicem  
 Fabrettus, ut multi contendunt, confecerat;  
 cum.

eumque nunc in bibliotheca Vaticana asseruari affirmant. Certe Franciscus Zaccaria Societatis nostræ vir doctrinæ laude commendatissimus, qui sæpe de hac Fabretti collectione mentionem facit in eo libro, quem superioribus diebus *de arte Antiquario-lapidaria* in lucem edidit, haud exiguum hujus indicis partem Pisauri apud Marchionem Muscam se vidiſe mihi testatus est. Extat etiam in Mutinensis Ducis bibliotheca ejusdem indicis pars haud exigua, quam sibi Ludovicus Muratorius confecit, eademque Fabretti inscriptionibus adjacet adnexa. Inscriptiones in hoc volumine exhibentur DCLXXXII. supra MMM. quarum CCCCXXXIII. ex quibus ejus museum conficiebatur, quasque præcipue illustrandas susceperat, aut ex sacris cæmeteriis, aut ex agro Romano effoderat, ut supra dictum est; reliquas vero ex museis amicorum, ac præsertim ex iis excerpterat, quas Franciscus Barberinus senior Cardinalis ope clarissimorum virorum Leonis Allaccii, Hieronymi Aleandri, Lucæ Olstenii, Caroli Moronis, Josephi Suarezii aliorumque,

ex omni terrarum orbe , unde exscribi poterant , collectas habebat , quarum sane numerus longe Gruterianum excedit . Id enim clarissimus vir cogitabat , ut ex iis novum Theſaurum conficeret , quo ea , quæ Grutero defunt , ſupplerentur . Ceterum multum ſe debere proficetur Fabrettus Joſepho de Juliis , Philippo Turrio , Philippo Bonarrotio , Franciſco Blanchinio , quos in hoc opere conficiendo tanto ſibi ſubſidio fuiſſe dicit , quanto doctiſſimi viri Pighius , Veſlerus , Smetius Grutero fuerunt . Atque hoc loco præmittenda non eſt ſumma ejus & in exprimendis e marmore veterum inſcriptionum , litteris ſolertia , & in univerſo opere excudendo diligentia : etenim ne quis elementorum apex vel minimus deperiret , nolebat ille omnem omnino terram , quæ litteris in lapidibus inciſis inſederat , eaſque oppleverat , a foſſoribus excuti , ſed abſterſo leviter marmore , & humefacta papyro ſuperimpoſita , eaque linteolo circumvoluto , ſive arida ſpongia compreſſa , illud aſſequabatur ut litterarum , quotquot extabant , veſtigia , partim ipſa-

ipsarum cavitate, partim etiam terræ particulis eidem papyro adhærescentibus, mirum in modum expressa conspicerentur. Neque minor in ea collectione excudenda Fabretti diligentia fuit. Neque enim ille solum, quemadmodum Justus Fontaninius scribit in sua Italicæ Eloquentiæ Bibliotheca, typorum formas domi habere voluit, verum etiam idem characterum pagellas sua manu componebat, quæ deinde a Dominico Antonio Hercule typographo imprimebantur. Ex quo factum est, ut inscriptiones omnes, quæ in eo libro exhibentur, exemplaribus suis mirifice respondeant: quod sane in ceterorum libris, in quibus hujusmodi monumenta conspiciuntur, adeo rarum est, ut vix unum & alterum mendis hujusmodi carentem hætenus in lucem prodiisse putem. Adfunt quidem in hoc opere monumenta nonnulla, quæ a Scipione Maffæo in controversiam vocantur; verum ea tam pauca sunt, ut, quemadmodum idem Maffæus ait in eo libro, quem *de arte critica lapidaria* scripsit, prima hæc collectio dici possit, quæ spuris, & commentitiis inscriptionibus tam fœdum in

modum non scateat: quarum, cum in tanto epigrammatum numero nulla ratio habenda sit, idcirco eam ceterarum omnium emendatissimam arbitratur. Marmora Fabretti omnia, quæ in eo libro illustrata fuere, Urbini magno sumptu delata diu in ejus suburbanis apud heredes permanferunt, donec, iisdem annuentibus, a Jo: Francisco Stoppano Card. Urbini Legato anno MDCCCLVI. una cum ceteris provinciæ illius monumentis in ædibus Ducum ad universæ Italiæ ornamentum ac decus collocata fuere. Scio equidem, nonnullos mirari quid factum sit, ut inscriptionum volumina, cum ex iisdem typis omnia prodierint, tamen non eandem frontem omnia, neque eundem annum præferant, cum alia annum MDCLXXXIX. alia MDCCII. exhibeant. Quod idem Justus Fontaninius a Galera quodam typographo factum esse dicit, cui eadem volumina pene omnia ab heredibus vendita fuere. Itaque paucis illis exceptis, quæ, Fabretto vivente; in publicum prodire, quæque hystoricis nota distincta annum MDCLXXXIX. præferunt, reliqua

fron-

frontibus omnino suppositis omnia conspiciuntur, quamvis eodem anno omnia, iisdemque formis fuerint excusa. Atque hæc de Fabretti operibus dicta sint satis: nunc ad eum revertamur, qui cum in hisce conficiendis toto animo occupatus LXXXI. ætatis annum expleffet, cumque & ingenii & doctrinæ fama apud omnes gentes crevisset, nimia fortasse studiorum contentione, quibus nullo pacto unquam sibi temperare potuit, in morbum incidit. Cum hoc ille quidem diu multumque, conflictatus est, idemque hominem extinxisset, nisi tum medicorum opera, tum diligentia domesticorum factum fuisset, ut post multum temporis tandem vis febrium remitteret. Non ille tamen ita relevatus est, ut pristinis viribus amplius uti potuerit: quin ab eo tempore adeo capitis vertiginibus corripiebatur, ut sæpe inter domesticorum manus, qui illi semper aderant, miserandum in modum collaberetur. In cutim deinde morbus prorupit, in qua tanta lepræ vis repente apparuit, ut nulla pars corporis esset, quam non ea morbi fœditas deformaret. Hæc

autem incommoda mira animi tranquillitate perferebat Fabrettus ; nihilque erat cur aut animū desponderet , aut mœrori se daret : verum perinde ac si valetudine esset integra , eodem vivendi instituto utebatur , & in pristina studiorum contentione obfirmato animo permanebat ; nisi quod interdum ad aliquam animi relaxationem amœniora Urbis loca curru vectus obibat . Hoc homini fatale fuit . Alpera erat hyems , & frigora in Urbe maxima . Fabrettus cum extra portam Viminalem in ea via , quæ Nomentana appellatur , nimia se recreandi cupiditate longius esset provectus , horæ noctis secunda cum febris domum rediit . Pusillarum copia , quibus paullo ante cutis circumquaque scatebat , nusquam apparuit : morbus enim vi frigoris regressus ad intestina descenderat . Accersiti confestim medici , hominem ad interitum ruere pronunciant , nisi purulentus ille humor iterum ad cutim revocetur . Hoc cum nulla medicinæ ope præstari posset , Fabrettum monent , vitæ exitum imminere , quare & sibi & domesticis rebus esse consulendum . Hac illa denunciatio-



ne tantum abfuit ut perterreretur , ut potius hilariori vultu quam confueverat , altam animi fecuritatem indicante , ad omnia paratum fe effe dixerit , quæ a Deo Optimo Maximo de fe constituerentur ; optare idcirco , ut quam citiffime fieri poffet , facris omnibus , quæ ad religionem pertinent , rite procuraretur . Gellus eft ftatim ei mos , nullaue interpofta mora , facris omnibus de Ecclefia more expiatus eft . In quo adeo pietas & conftantia integerrimi viri enituit , ut qui aderant lacrymas tenere vix poffent . Deficientem enim eum videbant , qui quamvis fenex effet , tamen propter eximiam religionem doctrinamque fuam videbatur omnino nunquam deficere debuiſſe . Morbus exinde in dies vehementius eft auctus , neque ejus impetus ulla ratione amplius cohiberi potuit : itaque ejus vi ceſſit Fabrettus XIV. poſt diem , ex quo iterum decubuerat . Deſideratus eft optimus fenex VII. Id. Januarii anno MDCC. annos natus LXXXI. meſes VI. Fabretto demortuo , ftatim fe litteraria reſpublica magno ornamento ſpoliatam ſenſit , omnique

doloris significatione clarissimi viri interitum est prosecuta. Idem per universam Italiam viri principes multi præliterunt, qui Fabretti eruditionem jampridem suspexerant; inter quos Cardinales duo amplissimi recensendi sunt, Joannes Franciscus Albanus, qui paucos post menses ad maximum Pontificatum est electus, vocatusque Clemens XI. & Gaspar de Carpineo, quorum alter ita de Fabretti valetudine sollicitus fuit, ut eundem ægrotantem sæpiissime inviserit, alter vero eidem de rebus domesticis testamento constituenti adesse voluerit. Is autem doctorum virorum, qui Romæ aderant, concursus domum ejus, dum ægrotaret, est factus, ut qui eum non inviserit in litteratorum virorum numero vix recensendus videretur. Mortuus est Fabrettus in ea domo, quam in regione, quæ Leonina vocatur, ad S. Petri conduxerat, captus tum locorum solitudine, tum eleganti domus ipsius constructione. Balthassar enim Peruzius Senensis, qui multum pingendi, & architectandi arte Romæ floruerat, ita eam domum digesserat, ut nescio quid nobile, ac pervetustum

flum referret , quo maxime Fabrettus capiebatur . Ex ea domo nobili funere elatus est , atque in S. Mariæ supra Minervam , quemadmodum testamento jusserat , post exsequias magna pompa celebratas , conditus est in fratris sui sepulcro . De ejus morte ubi Urbinum perlatum est , ibi etiam nobili funere est honestatus , & luculentâ oratione a Bonaventura Crescimbenio e Clericis Regularibus Pauperum Matris Dei laudatus . Fuit Fabrettus natura non aspera illa quidem , sed provocatus iracundiam non cohibuit , & aculeum in adversariorum suorum cute altius infixum reliquit . Simultates etiam cum potentibus viris gessit , si quando suam ipsis virtutem aut invisam , aut minus probatam existimavit . Hæc si excipias , optimis cetera moribus , atque integerrimis fuit , & Christiano homine ac pio dignis . Omnibus religionis officiis cumulatissime satisfecit , nec quidquam abs se desiderari passus est , quod ab homine ecclesiasticis ministeriis addicto requirebatur . Præter Subdiaconatum nullos alios sacros suscepit ordines , eodemque senex initiatus est .

Ab

Ab avaritiæ fordibus semper abhorruit : indignum enim homine ingenuo exillimabat plura expetere , quam quæ ad vitam aliqua cum dignitate alendam, necessaria arbitraretur . In quo adeo severe se gessit , ut magni pretii munera a viris principibus ultro oblata constanti animo non semel rejecerit . Ingenio usus est acerrimo , memoria tenacissima , ut a natura ipsa ad antiquitatis investigationem, non dicam comparatus , sed prorsus effectus esse putaretur . De hujusmodi rebus sagacissime judicabat, atque in res ipsas , quod paucorum est , disquirendo , penitus invadebat , latentemque inde veritatem eliciebat . Hac in scientia , ut omnes fatentur , neminem superiorem , vix aliquos pares habuit . Idem multarum gentium sermone locutus est : Græcam vero , Latinam , atque Italicam linguam egregie calluit . Prudentia ac dexterritate fuit singulari ; fide , probitate , & humanitate mirifice excelluit . Grata in loquendo festivitas , amœna comitas , non arte quæsitus lepos , pudor autem quidam ingenuus maxime hominem commendabant :

ex quo fiebat , ut non solum æqualium animos sibi facile demereret , verum etiam , apud viros principes multum valeret gratia . Itaque & amabatur a multis , & magni eidem honores ultro deferebantur . Inter hos illud Romæ singulare , quod in Patriciorum cœtum una cum gente sua fuërit cooptatus . Statura fuit procera , pleno dignitatis aspectu , oblongo ore , vividis oculis , incessu vero ita ad gravitatem composito , ut ceterorum reverentiam sibi conciliaret . Capillos nunquam coluit , qui a fronte ad supercilia profluentes severitatem hominis indicabant . Valetudine usque ad annum ætatis xxx. quemadmodum ipse fatebatur , pene assidue laboravit ; ex quo quidem tempore ita virium firmitate floruit , ut vel in ipsa senectute , nec laborum magnitudine , nec assidua studiorum contentione unquam defatigaretur . Arcadicis conventibus , pastoritio Jasitheï Naphilii nomine adicito , frequens intererat , atque in eum cœtum peculiari studio ferebatur , eundemque carminibus suis identidem honestabat . Extat apud Marium Crescimbenium

nium in tomo III. Commentariorum Italicum Fabretti epigramma summa elegantia conscriptum. Idem *Surdorum*, ut vocant, Academiam, quæ Urbini floret, suo nomine nobilitavit. Hunc tum domestici, tum externi plurimi fecerunt, & tanquam lumen aliquod ad dissipandas a vetustate obductas rebus tenebras exortum suspexerunt: neque ullus fere suo tempore de rebus antiquis, aut ad Urbem, aliquo modo spectantibus scripsit, quin honestissimam de eo mentionem fecerit. Inter hos eminent ex externis Gisbertus Cuperus, Laurentius Begerus, Bernardus Monfouconus, Joannes Mabillonus, Wilhelmus Neesvodus, Joannes Harduinus; ex nostris vero Henricus Norisius, Scipio Maffejus, Janus Vincentius Gravina, Franciscus Mediobarbus, Cæsar Malvasia, Franciscus Blanchinius, Franciscus Eschinardus, Jacobus Pignatellus, Joannes Ciampinius, Marius Crescimbenius, Philippus Turrius. Qui vero consecuti sunt iisdem de rebus scriptores eundem homini meritissimo honorem habuerunt. Quo nomine ei plurimum debet Italia nostra, quæ sicuti

cuti supra ceteras orbis terrarum regiones veterum monumentorum copia abundat, ita eum nacta est virum, qui suo labore hæc maxime illustravit, exterosque omnes, qui harum rerum studio mirifice delectati sunt, & ingenii sagacitate, & indagandi solertia, & judicandi felicitate longe superavit. Excitatum est Fabretto monumentum, quem admodum ipse moriens jusserat, a Gaspare Josephi fratris sui filio in eodem templo, in quo jampridem sepultus fuerat; additumque monumento hoc elogium, quod Dominicus Riviera, qui postea Cardinalis fuit, quique viventi Fabretto in tabularii Pontificii procuratione adjutor fuerat constitutus, sic eleganter exaravit.

D. O. M.

D. O. M.

RAPHAELI FABRETTO GASPARIS F.

VINCENTII N. PATRITIO

URBINATI EX S. C.

OB ANTIQUITATES URBIS ILLUSTRATAS

IN ROMANOS PATRITIOS

CUM GENTE SUA ADLECTO

ALEXANDRO OCTAVO A SUPPLICIBUS LIBELLIS

VATICANAE BASILICAE CANONICO

ARCHIVII APOSTOLICI

MOLIS HADRIANAE PRAEF.

VIRO

ITALIS EXTERISQUE NOTISSIMO

QUI DUM AGRI ROMANI

DESCRIPTIONEM PARARET

OBIIT VII. ID. JAN. ANN.

A NAT. DOMINI MDCC.

GASPAR FABRETTUS JOSEPHI FRATRIS FILIUS

EX TESTAMENTO B. M. P.

OPE-



## OPERA EDITA.

DE AQUIS ET AQUÆDUCTIBUS veteris Romæ Dissertationes III. Romæ 1680. in 4., & secundo Parisiis apud Sebastianum Mambre 1680 in 4. Grævius vero retulit easdem Dissertationes suum in *Theſaurum Antiquitatum Romanarum* tom. 4.

DE COLUMNA TRAJANI SYNTAGMA cum explicatione veteris tabulæ anaglyphæ Homeri Iliadem, & ex Stesichoro, Arctino, & Lesche Ilii excidium continentis; & Emissarii Lacus Fucini descriptione. Romæ 1683. in fol.

JASITHEI AD GRUNNOVIUM ( sic enim per contemptum Gronovium appellat ) APOLOGEMA; in ejusque Titivilitia sive somnia de Tito Livio Animadversiones. Neapoli 1686. in 4.

INSCRIPTIONUM ANTIQUARUM quæ in ædibus paternis asservantur explicatio & additamentum. Romæ 1699. in fol.

DISSERTAZIONE in cui si emendano alcuni errori seguiti nella descrizione del Lazio antico fatta dal P. Atanasio Kirker. Extat in Tom. III. De' saggi di Dissertazioni dell' Accademia Etrusca di Cortona p. 221.

Extant etiam plurimæ ejusdem EPISTOLÆ, quæ varia Antiquitatis monumenta illustrent, exque sparsim apud diversos Auctores editæ inveniuntur.

## OPERA INEDITA.

LATIUM VETUS ILLUSTRATUM. Hoc opus morte interceptus minime absolvit.

OSSERVAZIONI sopra l'iscrizione dell' Arco di Claudio supplita da Gauges de Gozze.

HIERO-

**T** Redecim jam absolvisti epistolas pro defensione Latinæ linguæ adversus Halambertium ? Cessator esse noli , & brevi ede opus , quod tibi erit maximæ gloriæ . Quam sæpe Fauciolatus noster cunctantem , & diffidentem te auctoritate sua excitare solitus erat ! nec dubito quin , si revivisceret , increparet tarditatem tuam . Nosti enim hominis flagrantissimum studium in Latinas litteras , de quarum dignitate ac laude quidquam detrahi minime pati poterat . Deus male perdat homines , qui Latinam linguam ne a limine quidem salutandam , aut in cucullatorum scholas , tanquam in aliquod pistrinum , detrudendam contendunt ; nosque pro virili parte elaboremus prospicere malo , cui nisi mature provideatur , de humanioribus litteris actum erit . Plura quidem de laudibus Latinæ linguæ nos persecuti sumus in epistola , quam cum Magalotti vita ad Julium Oricellarium Senatorem amplissimum misimus ; nec  
pau-

*pauca nunc etiam persequimur , dum Jacobi Facciolati vitam exponimus . Tam multa enim sunt quæ ad ejusdem linguæ provehendum studium ipse scripsit , adeoque in ea excelluit , ut unius præconia cum alterius laudibus necessario sint conjuncta . Ne autem in hac contexenda vita longus sim , facit ejusdem Facciolati voluntas , qui me sæpe admonebat brevissima quæque ei optima videri , iisque aut maxime aut unice delectari ; perpaucas paginas satis esse amplas ad uniuscujusque hominis mores & facta explicanda , longumque esse & minime necessarium de primis ætatis temporibus , de studiorum cursu , & de scriptis operibus singulariter commemorare . Proponebat autem se ipsum ad imitandum , qui Ciceronis vitam , quam alii pluribus voluminibus complexi sunt , paucis ipse chartis comprehenderit . Profecto me defuturum tanti viri amicitia putarem , si secus , quam optabat , de ipso scriberem , quamvis id minime cum instituto & sententia nostra consentiat . Semper enim existimavimus eam tenendam esse rationem , quæ cum satietati , tum igno-*

rantiæ medeatur lectorum . Nam si tantummodo summās rerum attingerem , vixque librorum inscriptiones indicarem , minus lucide appareret quantus vir ille fuisset , de quo scribendum suscepi . Hæc & alia multa confirmata summorum scriptorum auctoritate & exemplis respondebam Facciolato : sed ipse in sua permansit sententia , ego in mea , quam tibi , suavissime Ferri , probari vehementer gaudeo . Scis enim quantum prudentiæ tue in judicando tribuam , ut , te duce , haud posse me errare semper putaverim . Perge porro me consilio tuo juvare , & benevolentia prosequi ; quod si in me minus consilii , amoris certe & officii plurimum erit , quibus tibi respondeam . Vale .

Pisis Kal. Junii MDCCLXX.

## JACOBUS FACCIOLATUS.



JACOBUS FACCIOLATUS Tauriliæ in collibus Euganeis natus patre Matthæo , matre autem Maria Superantia prid. non. Januarii an. MDCLXXXII. Annum ætatis attigerat vix alterum & decimum , cum eum parentes politioribus litteris in Trestensi Collegio , non procul Ateste oppido , sedulam operam navare voluerunt . Quod cum auspiciis floret Gregorii Cardinalis Barbadici , id causæ fuit quamobrem Facciolatus , qui ingenii acie non modo , sed industria etiam pollebat , anno post a sapientissimo Antistite inter alumnos Seminarii Patavini referretur . Ibi studiorum omnium stadium emensus an. MDCCIV. Theologica laurea donatus est , & cooptatus in Collegium Theologorum , Anno eodem iterum in Seminarium accitus a Gregorio Cardinali Cornelio , qui Barbadici , cui successerat , famam magna cum laude sustinebat , ut juventutem imbueret earum rerum

cognitione, quæ plurimum decent adolescentes divino cultui addictos, primum ad breve tempus pro-Theologo fuit, tum vero triennium professus est Philosophiam. Verum quod ei acutum, & feliciter audens ingenium natura tribuerat, & humaniores disciplinas quotidie magis excolere videbatur, ei Cardinalis Academiæ scholam regendam commisit, quod munus ad id tempus fuerat Præfecti studiorum. Huic etiam, quotannis præfationis onus imposuit in publica studiorum instauratione, qua quidem re cum omnibus cumulatissime satisfecit, tum Cardinalem, qui bonas artes vehementer fovebat, ita sibi devinxit, ut is studiorum Præfecto, viro sane præstanti, sed laboribus defatigato auctor fuerit, ut eo se munere abdicaret. Hoc munere, quod studia omnia complectitur, auctus Facciolatus, Scholis omnibus æmulatione excitandis animum adjecit; sed curam potissimum linguarum suscepit. Id illi visum est juventuti accommodatissimum, quæ cito abitura in Seminariis instituitur: idque ipsum eum impulit, ut,

ut , adjuvante præsertim Ægidio Forcellinio  
 carissimo discipulo suo , septem linguarum ,  
 Calepinum , qui multis scatebat erroribus ,  
 corrigeret augeretque , Nizolii Apparatum ,  
 Schrevellii Lexicon , Græcam Grammati-  
 cam , Latinas Tursellinii Particulas , Italicam  
 Orthographiam , & alios id generis libros sa-  
 ne non paucos crebris locis retractaret , ampli-  
 ficaret , ornaret . Anno MDCCXI. edidit ora-  
 tionem ad Grammaticam , quæ quidem con-  
 formata ad Tullianarum exemplum , cum pun-  
 cta omnia tulisset , quippe quia rursus e vestigio  
 edita Lipsiæ aliisque in locis , Auctori persua-  
 sit suo , ut ceteras etiam , quas e suggello ha-  
 bebat quotannis , publici juris facere famæ se-  
 curus non dubitaret . At cum Cardinalis Cor-  
 nelius an. MDCCXXII. ad superos migrasset , an-  
 tequam Facciolatus fidem suam successori ob-  
 stringeret , ad profitendam in publica Aca-  
 demia Dialecticam accitus est . *Ad vacuum*  
*Logicæ sedem* , ait Pappadopolus in sua hi-  
 storia tom. I. cap. LIII. n. IX. , *designarunt*  
*Triumviri Litterarii neque petentem , neque*  
*volentem eloquentissimum virum . Jacobum Fac-*

*ciolatum Colonienſem* . Colonienſem appellat , propterea quod Conſilium Coloniae , parvæ quidem urbis , ſed admodum cultæ , eum civitate donarat . Cum propoſitum eſſet Faciolato , ſicuti in Seminario fecerat , magna cum cura & diligentia ſuos diſcipulos inſtituere , non duos tantum *Analyticorum poſteriorum* libros e ſuperiori loco more majorum interpretatus eſt , ſed domi quoque in privato ludo alias omnes Dialecticæ partes abſolvit , e quibus unum corpus confecit ſæpius typis ſeorſim impreſſum , proxime vero additis etiam *Logicis Acroaſibus* , quas in Gymnaſio ad Scholas auſpicandas quotannis habere ſolebat , & ſeparatim ediderat . Quale de hoc opere judicium fecerit intelligens vir Hercules Franciſcus Dandinius juvat ejus verbis referre . *Ab hiſce Inſtitutionibus* , inquit in ſuo Meranio , *velim præceptores Logicæ non diſcedere latum unguem , non alio nti ordine , non aliis aut verbis aut ſententiis ; ſunt enim & prudentia & elegantia atque eruditione inſignes , & ad eos , qui Logicæ arti dant operam , oblectandos aptiſſimæ* . Honoriſi-



rificentissima quoque sunt , quæ Antonius Genuensis protulit de hoc Facciolati opere , quod tanta perspicuitate & elegantia ornatum dixit , ut nihil supra desiderari possit . Cum an. MDCCXXXIX. Logica schola Metaphysicæ publico decreto conjuncta fuisset , Facciolatus vacandi veniam postulavit , ut ad pristina studia rediret . Sed Magistratus nullo modo pati voluit , ut nomen ejus ex publicis Gymnasii tabulis tolleretur ; proindeque jussit , ut , servato publici Doctoris nomine ac stipendio , Academiæ Patavinæ historiam , quam Pappadopolus scripsit , & ad suam perduxit ætatem , ipse persequeretur & absolveret . Paruit , & quidem eo consilio , ut rem totam ab initio ordiretur . Sed quid ? Tabularia invenit alia deserta & confusa , alia pene vacua . Non tamen idcirco animum despondit , sed totum se monumentis undique colligendis dedit , quibus tabularia implevit , & , catalogis confectis , ad usum accommodavit . Ex his *Fastos Gymnasticos* contexuit , præmissis *Syntagmatibus duodecim* , quibus totam Gymnasii rationem ,

leges & munia complexus est . Quo confecto , Princeps confirmavit illi scribendi munus quidquid memoria dignum Patavino in Lyceo in posterum contingeret . Poterat quidem tractatio historiæ amplissimus esse campus Facciolato ad laudem . Sed cum ipse nimis jejune res præteritas artigisset , nec semper vere de præsentibus judicasset , expectationem , quam sui concitaverat , minime sustinuit . Idem non meliori successu aspiravit ad poeticam laudem , quanquam ab adolescentia multa tum Italica , tum Latina carmina confecerit . Sed tamen vivet sæculis innumerabilibus Facciolati nomen propter excellentem ejus præstantiam in Latina eloquentia , & in omni Latine scribendi ratione . Etenim perpauca invenies , qui in hoc laudis genere , hoc præsertim sæculo , cum illo comparari queant . Quanquam is esset , ut in primis consuleret Ciceronem , ejusque sermone uteretur , non tamen abhorrebat ab Apulejo , hujusque æqualibus , quoties accidebat , ut aliqua Latine dicenda essent , quæ vel ii . uni , vel primi dixissent : sed  
ita

ita iis utebatur , ut illos ad se , non se ad illos adjungeret , & illos ipsos quodammodo Tullianos efficeret . Hæc præclaram famam pepererunt Facciolato , qua permotus Lusitanix Rex eidem , ingenti proposito præmio , præfecturam obtulit Collegii nobilium adolescentium , quod Ulyssipone instituerat . At ille ætatis jam pene exactæ excusatione usus , obtinuit ab humanissimo Rege , ut bona ejus cum gratia in urbe Patavina , suoque in munere maneret . Detulit tamen ei omnem operam , quæ in tanta terrarum longinquitate præstari posset . Credibile est non vanam oblationem fuisse , quandoquidem paullo post ingens munus planeque regium vasorum Sinensium ab eodem Rege Facciolatus accepit . Quod quidem munus & gratum per se , & eo magis etiam gratum , quod Facciolatus ipsum domesticis usibus destinavit . Nam ut in scriptione , sic in omni re domestica , omnique vita munditiam , non affluentiam affectabat . Neque hoc præteribo , quanquam nonnullis leve visum iri putem . Cum hortulum haberet , nihil in illo plantaverat ac seruerat nisi

nisi quod optimum & rarissimum esset; nec vile aut vulgare existimabatur quatuor aut quinque pomis a Facciolato donari. Cum esset liberalis non excludebat ab usu rei suæ familiaris amicos, cum quibus omnia habere communia videbatur. Adeo vero illum tangebant aliorum indigentia, ut non magis illorum misereret qui suam misericordiam requirerent, quam qui minime efflagitarent. Non mirum igitur si supremæ ejus tabulæ ac voces nil nisi pietatem in pauperes præ se tulerint. Ut amicitiiis eluxit, sic inimicitiiis minime caruit; nec defunt adhuc qui libenter de ipso detrahant, & ejus memoriam in invidiam vocare contendant. Ipse autem quoad vixit malevolorum vocus contempsit, suæque fortunæ animo maximo velificatus est. Porro si tum in scribendo, tum in judicando de alienis scriptis se suis finibus, non iis quidem amplissimis, continuisset, non adeo multos habuisset suarum laudum adversarios obrectatoresque. Vixit ad extremam senectutem valetudine secunda, attulitque ei mortem ileus VII. Kal. Septembris. AN. MDCCLXIX.

## OPERA EDITA.

**ORATIONES LATINÆ.** Harum multæ separatim emissæ fuerunt. Primum eas collegit Joannes Manfrè, ediditque Patavii an. 1744. in 8. cum præfationibus librorum, epistolis philologicis, Academicis commissionibus, Scholasticis disputationibus, & vita Philippi a Turre. Idem Typographus Joannes Manfrè XXVII. Orationes a Facciolato conscriptas, quarum nonnullæ erant ineditæ, an. 1767. typis Seminarii vulgavit.

**LOGICÆ DISCIPLINÆ RUDIMENTA** ex optimis fontibus deducta, & Latine explicata opera & studio Jacobi Facciolati in Patavina Academia Posteriorum Analyticorum Interpretis ad usum privatæ Scholæ. Venetiis 1728. apud Jo. Baptistam Albritium Hieronymi fil. in 8. Hæc rudimenta ita contexit Facciolatus, ut de se prædicare potuerit Ciceronis illa in lib. de Invent. 2. : *Omnibus in unum coactis scriptoribus, quod quisque commodissime præcipere videtur, excerpimus, & ex variis ingeniis excellentissima quæque libavimus.*

**ACROASES DIALECTICÆ.** Separatim editæ primum fuerunt, mox relatæ in librum, cui inscriptio:

**JACOBI FACCIOLATI LOGICA** tria complectens, Rudimenta, Institutiones, Acroases XI. Venetiis 1750. typis Jo. Baptistæ Albritii fil. in 8.

**DE VITA CARDINALIS CORNELII EPISCOPI PATAVINI.** Extat in Actis Eruditorum Lipsensium an. 1722.

**ORTOGRAFIA moderna Italiana con qualche cosa di lingua per uso del Seminario di Padova aggiun-**

*ti in fine g'ì avvertimenti grammaticali in Padova 1721. presso Gio. Mansfrè in 4.*

**LETTERA** sopra un testo della Gerusalemme Liberata del Tasso. Extat in Tom. I. operum Tassii Venetæ editionis p. 397.

— sopra lo studio della lingua Latina scritta a Gio. Battista Recanatì. Ext. in Tom. I. delle novelle della Repubblica delle lettere dell'anno 1719.

**EPISTOLA** de significatione vocis Nepos. Extat nel supplemento del Giornale de' letterati d'Italia.

**JACOBI FACCIOLATI EXERCITATIONES.** in duas priores Ciceronis orationes : editio altera , cui adjuncta est epistola ad Q. Fratrem Asie Praetorem de ratione regendæ provincie . Patavii typis Seminarii 1731.

**ANIMADVERSIONES CRITICÆ** in I. Litteram Latini Lexici cui titulus = *Magnum Dictionarium Latino Gallicum collegit & vernaculo sermone reddidit Petrus Danetius* = Patavii apud Joan. Mansfrè 1731. in 8.

— in X. litteram ejusdem Lexici. Extant in collectione opusc. scientific. Calogerà tom. XIX. Venet. 1739.

**SCHOLIA** in libros Ciceronis de officiis , de senectute , amicitia , somnio Scipionis , paradoxis , deque petitione . Venetiis ex typographia Jo. Baptistæ Albritii Hieronymi fil. in 8. magno . Vertit etiam Facciolatus in Italicum sermonem commentariolum de petitione Consulatus .

**MONITA ISOCRATEA** Græco-Latina collecta & explicata : secunda editio locupletior . Patavii typis Seminarii 1741. in 8.

**DE GYMNASIO PATAVINO** Syntagmata duodecim ex ejusdem Gymnasii fastis excepta . Patavii 1752. ex typographia Seminarii. in 8.

**FASTI GYMNASII PATAVINI** Jacobi. Facciolatiz  
flu-

*studio atque opera collecti ab an. 1260. ad annum 1756. Partes III. Patavii typis Seminarii 1757. apud Jo. Mansfrè in 4.*

**SFERA E GEOGRAFIA** per le scuole de' Fanciulli.

**IL GIOVANE CITTADINO** instruito nella scienza civile, e nelle leggi dell'amicizia. In Padova 1740. nella Stamperia del Seminario appressò Gio. Mansfrè. in 8.

**CICERONIS VITA LITTERARIA.** Patavii typis Seminarii.

**VITA ET ACTA JESU CHRISTI** secundum utramque generationem divinam & humanam. Accedit Italicus Christi sermo ex monte habitus. Patavii 1761. typis Seminarii. in 24.

**VITA ET ACTA B. MARIE V. JESU CHRISTI MATRIS** ex Evangeliorum libris excerpta. Patavii 1764 typis Seminarii. Addenda libello de vita & actis J. C. in 24.

**NARRAZIONE** Compendiosa dell'a Vita di GESU CRISTO Signor nostro e di MARIA VERGINE di lui Madre. In Padova 1764. nella Stamperia del Seminario. in 24.

**VIATICA THEOLOGICA X.** quibus adversus Religionis dissidia Catholicus viator munitur. Patavii 1763. ex typographia Seminarii.

**EPISTOLÆ LATINÆ CLXXI.** Jacobi Facciolati in Patavina Academia Professoris emeriti & Historici. Patavii 1765. ex typographia Seminarii in 8. magno.

Quam contulerit operam Facciolatus in Lexicon Calepini, nec non Nizolii, & Schrevellii, in Latinas Turselinii Particulas, ceterosque hujus generis libros ad Græcæ Latinæque linguarum studium tum utiles, tum necessarios supra commemoravimus.

PETRO ANTONIO SERASSIO.

ANGELUS FABRONIUS. S. P. D.

**C**UM antea cupiebam ex instituto meo vitam Alexandri Guidii explicare, tum vero postquam cognovi esse quosdam, qui summi Poetae laudem ei detrahere non verentur, id ipsum vehementissime optavi. Eramus coram lectissima cruditissimaque Matrona Philippus Bonamicus & ego, &, ut fit, garriebamus quidquid in buccam veniebat. Casu incidi in mentionem Guidii, nec dubitavi de hoc poeta sic prædicare, unum esse e nostris, qui, tendit quoties in altos nubium tractus, proxime ad Pindarum accedat. Tum illa: cetera, inquit, assentior tibi, minime vero quæ prædicasti de Guidio: is enim non delectu uti, non alia lege duci quam impetu & temeritate, omninoque ebrio similis furere & bacchari mihi videtur: propter elegantiam sermonis, fabularum copiam, utiles gravesque sententias, αἰδώς sanam effectionem malim me Menzinio, quam Guidio similem esse. Concessi

Ma.



*Matronæ Menzinium in summorum Lyricorum sede ponendum , & ipsum nonnullis in virtutibus vincere Guidium : hunc autem esse poetam contendebam*

Ingenium cui sit , cui mens diviniore , atque os

Magna sonaturum .

*Quis est vero qui nesciat primas in Poesi concedendas esse magniloquentiæ ? Hanc veluti insignem quandam notam proponit Horatius , qua scripta poetarum a scriptis eorum , qui hoc nomine indigni sunt , facile dignosci possint . Ait enim veros poetas ita scribere , ut si quis versus eorum dissolvat , & ad solutam orationem redigat , ordine verborum inverso , & metro penitus adempto , nihilominus dictio poetica reliqua futura sit , quam dictionem ille eleganter appellat membra poetæ disjecti . Hæc & alia non pauca attuli , quæ idoneæ existimaui ad meam de Guidio tuendum sententiam . Hanc vero ut planius & apertius exponerem , deliberavi statim colligere quæ ad ejusdem poetæ vitam pertinent ; in qua contexenda , tribuendisque Guidio præconiis si quidquam*  
mibi

*mibi excidit, quod offendat mediocritatem illam, quæ inter nimium & parum esse debet, volo a te, prudentissime & optime Serassi, emendari. Quantum enim judicio valeas satis ostendunt multa, quæ ligata & soluta oratione in vulgus emisisti; in quibus nil nisi elegans, bene moratum, perpolitum, & perfectam videre licet. Fac valeas, meque mutuo diligas. Romæ Kalend. Sextil. MDCCCLXX.*

ALEXANDER GUIDIUS.



ALEXANDER GUIDIUS Bernardi filius, & Magdalensæ Figarollæ civium Papiensium lucem Papiæ aspexit post. id. Junii an. MDCL. In hoc natura quid efficere possit ad informandum poetam videtur experta. Politioris humanitatis, & communium litterarum institutionibus ab incunte ætate imbutus, non adumbrata, sed expressa indicia dedit futuræ virtutis; quæ sicuti alieno in solo clarius splendescere solet, ita Guidius Parmam se contulit. Vixit ibi aliquot annos carus Raynuntio II.

tio II. Farnesio, ab eoque non mediocribus præmiis donatus est. Is enim Poësim amabat, nobilissimisque poetis longe præponere Guidium videbatur. Edidit hic an. MDCLXXXI. Italica carmina; quæ ad lyram, tibicinemque cecinit in sua Parmensi commoratione, in quibus facile cernere licet naturale bonum degeneravisse vitio depravatæ consuetudinis. Nullus enim erat in Italia locus, quo non illius sæculi intolleranda barbaries pervasisset. Eodem etiam anno edidit melodramma, quod inscribitur *Amalasunta*, quodque Parmæ in nobilium, ut vocabant, collegio exhibitum est. Nemo ignorat quantis fluctibus Regia illa femina agitata fuit, donec per Theodatum Etruscorum Principem illis depulsis, tranquilla & beata vita frui potuit. Hos adversos prosperosque Amalasuntæ casus profecto non ita tractavit Guidius, ut delicatum, moratumque dramma illud dici possit, tale tamen fuit, ut maximos meruerit plausus. His initiis ac fundamentis gloriæ positis, Romam venit, cujus visendæ urbis diu mirabili flagrabat cupiditate. Exceptus ibi honorifi-

ce fuit a quibusdam principibus viris , & gratiam quoque iniit a Chrillina Svecorum, Regina , quæ quantum faveret ingeniis , quantumque litteras litteratosque viros amplecteretur , omnibus compertum est . Sensit hæc magnum accessurum ornamentum aulæ & domesticæ suæ academix , in quibus flos erat doctorum virorum , si secum haberet Guidium . Egit igitur cum Parmæ Duce , cujus in famulatu tum Guidius erat , ut virum, musis amicissimum desiderio suo concederet ; quod quidem pro sua auctoritate facile impetravit . Tale autem judicium Reginx non tam dignitate , quam doctrina amplissimæ non potuit Guidio non summe esse jucundum ; vehementerque lætatus est dari sibi fructum otii ad eas artes , quibus a primis ætatis temporibus deditus fuerat , magis magisque celebrandas . Rebus igitur suis Parmæ compositis , Romam rediit ineunte Majo an. MDCLXXXV. Atque illud fuit tempus cum Guidius ad perfecti poetæ laudem accessit , quod qua ratione consecutus sit non est prætereundum . Ubi primum Romam venit , in amicitiam

tiam incidit quorundam doctorum virorum ,  
 quos æquus ita amavit Jupiter , ut uni decli-  
 nare potuerint labem illam ac cœnum , in  
 quo iis temporibus misere jacebat Poesis .  
 Dolebant hi tantam esse corruptelam malæ  
 consuetudinis , ut ab ea fere extinguerentur mi-  
 rabiles igniculi , quos a natura habuerat Gui-  
 dius . Hunc igitur monere non cessabant , ut vul-  
 gi insanis plausibus contemptis , eam viam lau-  
 dis duceret esse rectissimam , quam e Græ-  
 cis Pindarus , e Latinis Horatius , e nostris  
 vero Petrarcha & Chiabrera triam relique-  
 runt . Horum vocibus impulsus dedit se opti-  
 ummor scriptorum lectioni , in quibus cum  
 esset studiose & multum volutatus , sentire  
 cœpit quantum abesset a magnorum exem-  
 plarium perfectione . Hæc ille intuens , &  
 amice conjungens ingenium & studium , ita  
 coloravit ac roboravit stylum suum , ut mul-  
 tis post se relictis illius ætatis poetis , hono-  
 rem nomenque immortale suis carminibus pe-  
 pererit . Furit ille quidem , sed illo furore ,  
 sine cujus afflatu neminem bonum existere  
 posse poetam Democritus & Plato tradide-  
 runt .

runt . Cum illum procul a terra abripit æstus ingenii sui , jam jam casurum anxius times , mox præpete penna trajectum & in tuto positum gratularis . Omnino , quod Pindaro laudi datum est , *fervet , ruitque immensus ore profundo* , nec facile invenies , qui propius accedat ad illum Poetam , cujus periculosissimam esse æmulationem omnes una voce consentiunt . Noverat ipse Guidius quantam cælestem vim in se contineret , quapropter utens libertate , quam Aristoteles summis concessit poetis , de se gloriosius prædicabat , quam illius inimici pati poterant .

Hinc illa apud Sectanum in fine Satyræ III.

*Et qui gibboso feriebat nubila dorso ,  
Dum ciet alatos centum super astra jugales  
Rore caballino pastos , falsisque cicadis .*

Quæ spectant ad illos Guidii versus .

*Et ho cento destrieri  
Su la riva d'Alfeo  
Tutti d'eterne penne armati il dorso ,  
Che certo varcherian l'immenso corso ,  
Che fan per l'alta mole  
I cavalli del Sole .*

Sed

Sed concedamus homini gloriæ & immortalitatis cupidissimo propriarum laudum prædicationem ; præsertim cum se defendere potuerit multorum virorum & clarissimorum exemplo . Genus autem illius scriptorum ita cepit & incendit Christianam , ut ab eodem potissimum cuperet ornari & celebrari res suas . Sic enim non tam propriæ quam Guidii gloriæ consulere existimabat , imitans Alexandrum , qui se ab Apelle potissimum , pingi , & a Lysippo fingi velle dicebat , quod illorum ars cum ipsis tum sibi futura esset gloriôsa . Quidquid vero Guidius intelligebat aut ad amplitudinem , aut ad voluntatem Christianæ pertinere , mira alacritate & studio persequēbatur ; & hoc tantum nomine se beatum putabat , quod Deus sive spectatorem & exornatorem esse tantæ Reginæ laudum : Quæ quidem cum vellet decorare illam solemnem legationem , quam Jacobus II. postquam Britannix Rex factus est , ad Innocentium XI. misit , ex omnibus suis Academicis elegit amplissimum Præsulem Joannem Franciscum Albanium , & Alexandrum Guidium

ad ejusdem Regis laudes cum oratione tum versibus concelebrandas in frequentissimo præstantium virorum conventu , quem in suis ædibus habuit . Melodramma , quod composuit Guidius , totum illustratum erat clarissimis verborum & sententiarum luminibus : quia vero ei deerat tenerum ac molle quoddam , ita torsit musicæ effectorem , ut cani illud ad harmoniam posse prope desperaret . Præter hæc alia habuit Guidius a Regina mandata , in quibus quotidianis commentationibus & scriptionibus diu se exercuit . Etenim illius jussu condidit Endimionis fabulam , in qua sibi proposuit sic exponere pastoritios mores , ut sublime aliquid in se continerent . Erant ii , qui ab hujusmodi moribus nonnisi stabulum olentia deduci posse autumant ; & si cui sæpe nimis immoderatione gravium sententiarum efferri Endimion videtur , consideret ille quantum cælestis luminis ad hunc amans Dea transfundere potuerit . Porro non mediocre fuit fabulæ ornamentum , quod Regina cum carminibus Guidii conjunctim quædam sua contexere voluerit ; quodque Janus

Vin.



Vincentius Gravina de laudibus ejusdem fabulæ commentariolum scripserit . In hoc plura ille , quæ moderata debitaque laus , & propositum argumentum desiderabant , complexus est ; *fecitque* , ut Ciceroniano illo utar , *quod sæpe liberales venditores solent , ut cum ædes fundumve vendiderint , rutis casis receptis , concedant tamen aliquid emptori , quod ornandi causa apte & loco positum esse videatur* . Initio Guidius fabulam in tres actus divisit , mox quinque fecit , & unicuique suum attribuit chorum . Hi autem chori tanto ceteras fabulæ partes pulchritudine vincunt , quanto his præstat ode , qua Poeta hanc suam fabulam Cardinali Joanni Francisco Albanio ( nam quo tempore illa edita est , Christina Regina mortem obierat ) dicavit , & in qua vitæ suæ cursum magnifica & gloriosa ostentatione describit . Aliam & contexit fabulam , in qua Apollinis amores , repulsæque Daphnidis sic exposuit , ut in illo grandis & amplius Guidius cognosci possit , non tamen venustus & suavis . Ille autem cum ampla sententiarum gravitate , majestateque

verborum grandiloquus præsertim fuit in iis odiis, quas ad temperandum maximum & acerbissimum dolorem suum ob Reginæ mortem de hujus laudibus condidit, & in Arcadum conventu recitavit. Has maxime respiciens Janus Vincentius Gravina in epistola quadam ad Scipionem Maffejum, in qua de Italica poesi loquitur, libereque mordet tum cunctantem & nimis verecundantem imitationem, tum effrenatam impudentemque licentiam, *inventum esse*, ait, *suo ævo Alexandrum Guidium amicitissimum suum, qui primus mortales tollere contra sit oculos ausus, primusque novorum insolentiam candore atque castitate veteris locutionis, & imitatorum servitutem moderata elatione spiritus & colorum novitate declinarit*. At Guidii carmina non pari modo probabantur ab omnibus. Nonnulli enim laxa ab eo artis præcepta, & sine metrica lege, quo impetus rapiebat, eum excurrere dicebant, non luxuriantia compefcere, non aspera mollire, non inflata gravius moderari, nec semper tollere virtute carentia. Tanta varietas & dissensio judiciorum

ciorum de Guidio turbas aliquas in Arcadia excitaverat . Ipse autem invidorum reprehensiones contemnens , contentionesque evitans , unice intentus erat ad Arcadiæ gloriam cum sui nominis fama magis magisque provehendam . Arcadiæ etiam honori in eo se servire exillimavit , quod illius Pastoribus sedem obtinuit in Palatinis hortis ; quod ejusdem Custodem Marium Crescimbenium domo avunculi profugum Farnesianis ædibus , in quibus ipse liberalitate Parmensis Ducis habitabat , excepit ; quodque generosos quosdam adolescentes disciplina poetica erudiebat , & ad magna tentanda inflammabat . Sed hi dum , studuere Guidium æmulari *ceratis ope Dædalea pennis* , *vitreo dederunt nomina ponto* . Venit aliquando Guidius Bononiam , & qui in ea civitate tum poetica laude florebant ( & multi quidem florebant ) ejus celebritate nominis excitati ad audienda carmina ex ipso cupide convolarunt . Illa quidem ad cælum extulere ; talia tamen esse minime exillimarunt , quin aliquis Guidii similis esse posset : quod cum conati essent , viderunt statim

tim desperatissimam esse spem eo pervenien-  
 di, quo intendebant. Interea Pontifex Maxi-  
 mus creatur Cardinalis Albanus, quæ res  
 magnas fortunas portendere Guidio videba-  
 tur. Nam omni tempore non obscuras amo-  
 ris & existimationis significationes ab ipso  
 acceperat. Ut vero Pontificis animum ma-  
 gis magisque sibi demereretur, novam suo-  
 rum carminum impressionem illi dicavit,  
 suscepitque Italicis versibus reddere, quas  
 idem Pontifex in solemnioribus quibusdam  
 festis habuerat, Latinas homilias. Perfecit  
 opus, in quo cum minime ei liberum fuisset  
 advolare quocunque ingenii sui æstu abripe-  
 retur, non adeo magnus, sicuti alias, poeta  
 apparuit. Non tamen dubito quin æquus ju-  
 dex ingentes concessurus sit laudes huic in-  
 terpretationi, reputetque malevolentia & li-  
 voris plena illa Q. Scævani in postrema, quam  
 condidit, Satyra quæ minime lucem aspexit.

*Attamen inversos Tusco dum carmine  
 vultus*

*Intueor, notaque fugit me gratia for-  
 ma,*

*Excla-*

*Exclamare libet : quæ tanta audacia ,  
fuco*

*Cælestis faciem matronæ obnubere ! non  
est*

*Fas tibi ridiculas in templum adducere  
pupas ,*

*Aut centum . . . . Cineri sed parcat mu-  
sa sepulto ;*

*Quin tumulum spargam foliis , quæ Phæ-  
bus amavit ,*

*Perpetuaque rosa : dum non tam dira  
cupido*

*Sollicitet manes , Torquato ut proximus  
esse*

*Carminibus , socioque velit contendere  
busto ,*

*Et poribus miserum titulis incedere sa-  
xum .*

Cum se putaret Guidius immortalem jam  
gloriam lyrica poesi adeptum esse , voluit  
aliud genus poësis , nempe tragicæ , tentare.  
Quantum autem viribus suis confideret ex eo  
conjici potest , quod animum statim ad Sopho-  
nisbam convertit , sperans se de laudis posses-  
sio-

sione , quam in hoc pertractando argumento merito occuparunt , Trissinum & Cornelium posse deturbare . Institutum jam opus subiecit intelligentium amicorum judicio , a quibus admonitus fuit , ut illud absolvere desisteret . Nam in omni parte mens Guidii spirabat ; isque sibi semper similis non solum Reginam , sed etiam ancillam ore rotundo loquentes inducebat . Abjecta Tragœdia , cogitavit hortatu Marii Crescimbenii in Italicos versus convertere Davidicos Psalmos . Et par quidem operi esse poterat quod in primis pollere prophetico quodam spiritu videbatur . Sed coactus domesticis suis rebus Roma discedere , ab illa quoque mente discessit ; totumque illud tempus , quo in Patria fuit , urbanis officiis , & sui & suorum civium utilitati libentissime concessit . Erat oppressa tributis Mediolanensis Provincia , nec deerant , qui specie eam levandi prorsus evertere tentarent . Re delata ad Cæsarem , ejus cognitionem , mandavit Principi Eugenio Sabaudo , qui eandem Provinciam gubernabat ; denuntiaturumque est omnibus civitatibus , ut proponerent

rent, quæ contra afferri possent. Papienses Guidium elegerunt ad patriæ defensionem; isque pro bono & æquo adeo multa & valida scripto persecutus est, ut Judicem in suam traxerit sententiam. Sic unius viri prudentia & eloquentia non Papia solum, sed & tota Mediolanensis Provincia magno timore liberata est, pro quo tale ei præmium tributum, ut inter Papienses Patricios honorificentissimo decreto referretur. Romam Alexander redux totum se contulit in procurandam impressionem interpretationis, quam fecisse diximus, homiliarum Clementis XI. Illa autem absoluta, rem gratam se facturum Pontifici putavit, si sine mora ad eum, qui in castro Gandulphi rusticabatur, librum detulisset. Cum in viam se dedisset, lectitaretque ipsum librum, incidit in σφάλμα, quod summam correctorum diligentiam effugerat. Qua re adeo excanduit iracundia, perinde ac si nihil ei ad existimationem turpius, nihilque ad dolorem acerbius accidere potuisset. Ita affecto animo cum confidisset in Tusculano, pos-

stri-

stridie mane in Gandulphianum venturus, correptus fuit apoplexi, post quam paucis vi-  
xit horis. Hæ ad confirmandam, quæ de  
ejus in Deum pietate erat, opinionem plu-  
rimum valuerunt. Sancte enim & impavido  
animo mortem oppetiit. Iusta ei satis splen-  
dida facta fuerunt, in principe Tuiculana Ec-  
clesia; conveneruntque amici ad ea cohone-  
standa. Ex omnibus maxime Guidii mortem  
doluisse vitus est Clemens XI. cujus jussu  
defuncti cadaver Romam ad S. Honuphrii  
translatum, ibique sepultum prope Torquati  
Tassi cineres cum hac inscriptione.

D. O. M.

ALEXANDRO GUIDIO PATRICIO TICINENSI  
LYRICÆ POESIS CULTORI CELEBERRIMO  
ERUDITORUM LAUDIBUS URBIS PLAUSU  
MAGNORUM PRINCIPUM  
FAMILIARITATE ET HONORIBUS ILLUSTR  
QVI DUM MAXIMI  
SANCTISSIMIQUE PONTIFICIS  
CLEMENTIS XI.



SACRIS HOMILIIS ITALICO CARMINE DONANDIS  
INCUMBERET

SUB ONERE SPLENDIDISSIMO

IN TUSCULANA CIVITATE

ACERBO INTERCEPTUS FATO

GLORIÆ POTIUS QUAM DIERUM PLENUS  
OCCUBUIT

LUDOVICUS EX PRINCIPIBUS MIRANDULÆ

TIT. S. SILVESTRI IN CAPITE PRÆSB.

S. R. E. CARD. PICUS

APOSTOLICI PALATII PROPRÆFECTUS

ANNUENTE PONTIFICE

HUC USQUE TRANSLATO TUMULATOQUE  
CORPORE

UT QUOD ILLE IN VOTIS HABUERAT

PROPE MAGNI TORQUATI TASSI CINERES  
CONQUIESCERET

MONUMENTUM POSUIT

OBIIT DIE XII. JUNII MDCCXII.

ÆTATIS SUÆ AN. LXIII.

In

In hoc quoque Pontificis amor in Guidium cognitus est , quod cum per hosce dies ad eum venisset Bernardinus Perfectius , hunc ad canendas Guidii laudes extemporaneo carmine , in quo quantum is valeret nemo ignorat , invitavit . Quoniam autem vera laus uni virtuti debetur , magis quam Guidii præstantiam in poesi , ejus animi bona prædicare Perfectius visus est . Erat is quidem prudens , magnique consilii , affabilis , injuriarum patiens , erga omnes , ac præsertim amicos , egen-tesque , quantum ejus fortunæ patiebantur , liberalis ; beneficiorum , si quis unquam alius , memor & gratus , parvoque contentus . Quo fiebat ut ejus observantia multis principibus viris esset carissima , cum eam officio , non spei tribui viderent . Luctabatur cum morte Christina Regina , & qui in ejus famulatu erant , ad eam accedebant , ut extremos illius liberalitatis fructus colligerent . Unus Guidius , qui nihil faciebat causa sua , abfuit a morientis lecto ; neque alia de re ulla cognitus est sollicitus , nisi ut suis , aliorumque precibus Deum illi propitium faceret.

ret . Deploravit vero orbitatem & casum tantæ Heroïnæ , ut vel ipsa diuturnitas temporis nunquam sanare potuerit acerbissimum illius vulnus . Hoc quoque sit Guidii bonitatis exemplum , quod si æmulatione laudis cum aliquo concertasset , non tam id laborabat , ut illum superaret , quam intelligi cupiebat , illum a se & amari & observari . Atque utinam ut culpam , sic suspicionem superbi & contumacis animi evitasset . Nam eodem tempore quo se venerabatur , & beatus laudabat quidquid scribebat , hæc ipsa scripta doctorum non solum , sed etiam vulgi iudicio subiciebat , deque eorum sententiæ non pauca mutabat . Multarum rerum ignarus ne Græcam quidem noverat linguam . Cum igitur interpretum subsidio vix ad mentem Pindari penetrare posset , non tamen de se dicere verebatur :

*Non è caro agli Dei Pindaro solo .*

Etenim ei erat persuasum grave plenumque carmen cælesti aliquo mentis instinctu , non imitatione fundi solere ; neque effætam esse naturam , quin validos & grandes partus , ut

Q

an-

antea possit edere . Atque hic tantus vir ut naturam fautricem habuerat in tribuendis animi virtutibus , sic maleficam nactus est in corpore ; gibbus , & cæcus altero oculo . Gravissima passus est incommoda valetudinis non tam propter gracilitatem , quam propter immoderatas exercitationes poeticas . Nam dum carmina componebat , nunquam se finire velle studia , & mentem recipere videbatur ; *insenuitque* , similis Horatiano illi poetæ  
*Libris & curis , statua taciturnior exit*  
*Plerumque , & risu populum quatit .*

## OPERA EDITA .

*POESIE LIRICHE* . In Parma 1681. in 12. Carminibus accedunt nonnulla soluta oratione scripta .

*AMILASUNTA in Italia* Dramma di Alessandro Guidi posso in musica da Gio. Battista Polici , e fatto rapresentare dal Serenissimo Signor Duca di Parma ne Teatro del Collegio de' Nobili l'an. 1681. in Parma per Galeazzo Rosati in 4.

*ACCADEMIA PER MUSICA* fatta nel Real Palazzo della Maestà della Regina Christina per festeggiare l'assunzione al trono di Giacomo II. Re d'Inghilterra in occasione della solenne ambasciata mandata da S. M. Britannica alla S. di N. S. Innoc. XI. versi di Alessandro Guidi Accademico Reale . In Ro-

ma

ma nella Stamperia della R. C. A. 1687.

L'ENDIMIONE di Erilo Cleoneo Pastore Arcade, cioè, Alessandro Guidi, con un Discorso di Bione Crateo, cioè Vincenzo Gravina; in Roma per Gio. Giacomo Komarek Boemo 1692. in 4.

LA DAtNE Cantata: Roma per Gio. Giacomo Komarek, 1692. in 4.

SEI OMELIE di N. S. Clemente XI spiegate in versi. Roma per Francesco Gonzaga 1712. in fol.

SCRITTURA in forma di memoriale contro il nuovo sistema de' pesti dello stato di Milano.

RIME. Roma pel Komarek 1704. in 4. Guidii carmina secundo edita fuerunt Veronæ, & tertio Venetiis cum ejusdem vita scripta a Mario Crescimbenio. Relatum etiam est in carminum volumen Ragionamento di Erilo Cleoneo in morte di Ranuccio Farnese Duca di Parma recitato nel Bosco Parrasio a' 12. Giugno 1695.

Postquam recensuimus, quæ reliquit, opera Guidius, locus fortasse fuisset recensendis clarorum virorum de illo testimoniis, ut nostra sententia de ipsius præstantia in poetâ majorem auctoritatem haberet. Sed cum id nimis longum esset, tatis erit indicasse non vulgaria eidem præconia tribuisse vel ejusdem æmulum Benedictum Menzinium, Nicolaum Cicognarium, Joannem Baptistam Cottam, Antonium Domialicum Norisiam, Paullum Antonium Appianum, Ludovicum Antonium Muratorium, Gregorium Caropresium, qui commentariis illustravit ejusdem oden de Arcadiæ legibus, Alexandrum Burgos, Joannem Baptistam Zappium, & ut alios multos prætermittam, Marium Crescimbenium, & Petrum Jacobum Martellium, qui duo postremi ejusdem etiam vitam Italice scripsere. Quid vero sentiret Martellius de Guidio elegantissime exposuit in quodam suo de arte poetica sermone, hæc scribens;

*Ma il Guidi ognor su l'appollinea foglia  
 Cento alati cavalli al freno ha pronti,  
 Per farfi alto levar dovunque ei voglia.*

*Ei pur degl'incredibili ne' fenti  
 Bee l'immagini elette, a cui vuol fede,  
 Quasi Uom, che il vero ed infallibil contè.*

*E se a lui credi, ei di se stesso il crede,  
 Parla e sente di se qual d'un, che i cieli  
 Scelsero a por di là da morte il piede;*

*A squarciar dell'oblio su i nomi i veli,  
 A star del mondo a ragionar coi fati,  
 De' quai gli ordini eterni Ei sol riveli.*

*Rapito il miri in su le vie de' Vati  
 Trattar le nubi, e dietro a se la traccia  
 Per grand'aria lasciar di lampi aurati.*

*E parlar con le Muse a faccia a faccia,  
 E gir sicuro infra gli Dei fin dove  
 Mormora il tuono, il fulmine minaccia.*

*E con la lingua, che imparò da Giove,  
 Cantar di Roma i maestosi avvanzi  
 De' figli antichi suoi l'eroiche prove.*

*Sogni d'infermi, e fole di Romanzi*


*E pur mercè de' carmi suoi le accolgo*

*Sacre, come a me sacro il ver fu dianzi.*

*Fiso a novi suoi canti a me mi tolgo;*

*Nè sò come sublime e chiaro uom passa*

*Parlar da Nume, e che l'intenda il volgo.*



ANGELUS FABRONIUS. S.P.D.

**A**N me existimas ab ullo malle mea legi probarique quam abs te? Ego certo scio quam parum ingenio, doctrina, scribendique elegantia valeam: alacrior tamen sum factus ad institutum opus persequendum, postquam cognovi me habere te & suasorem, & probatorem industriæ meæ. In quo si humanitatem magis quam severum iudicium tuum agnoscere debeo, hac saltem re solabor tenuitatem meam, quod sciam me a te plurimum amari, tuorumque in numero esse. Quod me admones, ut scribam de Alphonso Borellio, ampla quidem & bella materies est. Quis enim est qui ignoret, nemini in Geometria, ceterisque in mathematicis disciplinis Borellium secundum fuisse, eique in primis referri acceptam immortalem gloriam, quam sibi merito acquisivit Florentina Academia ab experiendo dicta del Cimento? Nec solum nota, sed etiam plurima pene sepulta oblivionis



nis tenebris de illo me prolaturum confido ,  
 quæ magis magisque singularem hominis doctrinam patefacient . Sed opus hoc in illud tempus differendum putavi , quo illustriorum quorundam virorum , qui in Academia Pisana floruerunt , vitas explicare decrevi ; quod munus me debere arbitror non magis nobilitati Academiae , quam summo meo in illam studio . Ornatus enim ejusdem Præfectura , quod non sine verecundia , intimoque animi grati sensu erga Principem beneficentissimum effero , perverse abuti otio viderer , ni quidquid possum totum in illius commodum laudemque conferrem . Interea dum colligo & contesto , quæ spectant ad Borellium , habebis vitam alterius mathematici , Laurentii scilicet Lorenzini , qui doctrina in geometricis rebus æquare se Borellio potest , ut illi se æquavit acerbissima , quam pertulit , fortuna . Sed fortuna fortasse in Borellio certavit cum perversa natura , ut difficile sit judicare , utrum is asperior , novarumque rerum cupidior , an infelicior fuerit : quare fecit ut vere dictum videatur : Sui cuique mores fingunt fortunam .

*Verum quæ subiit mala Lorenzinius, non per-  
 versitati, sed imprudentiæ, aut fortasse ne-  
 cessitati assignari debent; ex quo fit, ut ma-  
 gis doleamus hominis spectatissimi vicem, quæ  
 non tam sibi, quam mathematicis disciplinis  
 fatalis fuit. Nam si libera, tranquilla ac quie-  
 ta vita ei frui contigisset, plurimis certe uti-  
 lissimisque inventis easdem disciplinas pro ad-  
 mirando suo ingenii acumine locupletasset. Tu  
 modo fac, optime Stay, quod sane erit huma-  
 nitatis tuæ, ut pauca illa, quæ de Lorenzi-  
 nio scripsi, emendentur abs te, qui omnium  
 iudicio es hominum in mathematicis & phi-  
 losophicis rebus doctorum elegantissimus, &  
 elegantium doctissimus. Quod quidem plura  
 demonstrant a te in lucem emissa, sed præfer-  
 tim quæ de Cartesiana, & Recentiorum phi-  
 losophia carminibus Latinis exposuisti. At non  
 minus, cum haud philosopharis, intelligimus  
 quam in mathematicis studiis sis versatus.  
 Sic enim persuadendo non solum, sed etiam  
 cogendo ad veritatem prope compellis; sic in-  
 struis, digeris, atque componis ea, quæ vel  
 scripto, vel voce explicas, ut hæc profluxis-  
 se*

*se ex mente in Geometria assidue exercitata ( illa enim duo præsertim sibi vindicat hæc scientia ) satis appareat . Omnino , ut est præclarum Galilei dictum , usuvenire solet Geometris , quod iis qui choreas agere , & ad numerum saltare assueverunt . Quamvis enim intimis saltationis præceptis in incessu non utantur , tamen ex ipso totius corporis motu patet , an saltare didicerint . Vale .*

*Romæ Id. Sextilis MDCCLXX*

LAURENTIUS LORENZINIUS.



AURENTIUS LORENZINIUS Florentiæ natus est III. Non. Quintilis an. MDCLII. veteri & honesta familia , quæ e Monte Carlo illustri Etruriæ oppido oriunda in Florentinam civitatem jamdiu suscepta fuerat . Laurentii pater Antonius Franciscus in mediocribus quidem juris consultis , sed in optimis patribus familias habitus est ; mater vero Maria Leonellia , soror Leopoldi Leonellii e S. J. insignis Theologi , ipsa quoque fuit & proba-

batissima & diligentissima femina . Parentum cura Laurentius bene & honeste in bonis disciplinis educatus fuit per omnem pueritiam , ex qua ut excessit ductus est ad Vincentium Vivianium . Vidit statim indolem Vivianius , neque tempus dimisit ; adolescentulumque est cohortatus , ut mathematicum pulverem haberet quasi campum , in quo se exerceret . Id se facturum Laurentius confirmavit , neque est credibile quantum & quam brevi , & Viviano & natura duce , in Geometria processerit . Quantum autem Vivianius illum admiraretur & diligeret ex iis , quæ scripsit in præfatione libri , cui titulus , *Enodatio problematum propositorum a Claudio Comiers* (a) intelligi potest . Erat non tam sanguine , quam indu-

(a) Hæc Vivianius . Aliquot ab hinc mensibus vulgata jam erat appendicis loco ad quendam libellum , cui titulum posueram , *Dipporto Geometrico tentamenta varia per modos lineares* , aut si ita appellare libeat , *mechanicos ad angulum data ratione secandum* , cum ecce spectatæ probitatis , acerrimique ingenii vir Laurentius Lorenzini ad geometricas plane factus meditationes quodam die ad me cum venisset , ac familiariter de rebus ad mathesin spectantibus , ut inter nos solet , colloqueretur , certior me faciens

de

industria & in litteras amore Laurentio conjunctus ejus frater natus minor Stephanus Lorenzinius . Sed hic præsertim ferebatur in Medicinam & Anatomem , sine qua Medicina esse non potest . In illa facultate præceptorem habuit Redium , in hac Stenonem & Fynchium , qui cum sæpe convenirent in Florentinum Nosocomium S. Mariæ Novæ , ut ibi anatomicas observationes secreto haberent , harum non nisi Stephanum participem faciebant , ejusque opera in incidendis cadaveribus utebantur . Sed quam solers & acutus esset Stephanus naturæ investigator , ex ejus libro cognosci potest , quem inscripsit : *Observazioni intorno alle Torpedini* , quemque anno MDCLXXVIII. in vulgus edidit . Scio fuisse , plerosque , qui dictionis elegantiam , qua liber hic conscriptus est , Redio tribuendam esse putarunt . Sed de hac re nunc minime quæ-

*de cujusdam problematis propositione , quam recens in Parisina ( ut vocant ) ephemeride Litteratorum inter legendum observaverat , ac pro qua solvenda necessaria , ut est , ei videbatur anguli trisectionis , occasionem mihi præbuit una simul & hoc Gallicum problema solvendi .* Alia retulit Vivianus Lorenzinius honorificentissima , quæ omittenda putamus .

quæro . Quod unice contendo illud est , Stephanum fuisse virum excellenti doctrina , huncque socium fuisse Laurentio ad domesticam gloriam acquirendam . Neque solum gloriæ sensus , qui in ipsa natura positus & infixus est , ad præclara suscipienda utrumque inflammabat , sed etiam spes præmiorum , quæ sibi pollicebantur a Ferdinando Mediceo Cosmi III. filio , cujus in famulatu erant , & a quo plurimum diligebantur . Sed incidit casus ( periculosa enim ac lubrica est Aula ) qui eos præcipites egit , & in capitis usque discrimen adduxit . Divortium fecerat Cosmus cum Margarita Aloysiæ Borbonica Aurelianensis Ducis filia ; eaque , cum in Galliam rediisset , carebat ægrius Ætruria , principatu , & liberis . Vicem suam , credo , ut ulcisceretur , alienare a patre tentavit Ferdinandum , magnas honorificentissimasque ei spes offerens si in Galliam demigraret . Litteræ autem , quæ hæc continebant , ne aut interciperentur , aut aperirentur inscribebantur alterutri fratrum Lorenziniorum , a quibus illas Ferdinandus accipiebat . Rescivit hæc

hæc omnia Cosmus ; excandensque ira in Lorenzinos , hos comprehensos xv. Kal. April. an. MDCLXXXI. media ferme nocte , dum ab Aula domum redirent , jussit in Volaterrarum arcem deduci , & in altissimam turrim separatim detrudi . Ut levaret carceris ægritudinem Laurentius , libros mathematicos poposcit , concessosque cum in manus pervenissent illius , qui arci præerat , ut vidit multitudinem linearum , judicavit statim magicos esse libros , & magiæ deditum esse Laurentium . Pertimescens ergo fraudem & malum ab hujusmodi libris , & ab hujusmodi arte , severe Laurentium increpavit , eique omnem librorum usum interdixit . Quæ res ut tum auxit illius calamitatem , ita postea valuit ad ejusdem gloriam amplificandam . Nam cum se totum contemplationi & scriptioni rerum mathematicarum dedisset , verens ne quæ didicerat memoria exciderent , duodecim composuit libros , quibus sectionum conicarum & cylindricarum , earumque solidorum doctrinam tanta subtilitate , tamque felici & generali methodo complexus est , ut Scrip-

to-

tores Actorum Lipsiensium, & Christianus Wolfius vere de iis prædicaverint vel ipsa Apollonii & Vivianii inventa superasse (a). Quale autem ipse de suis hisce scriptis iudicium fecerit, indicat epistola, quam ad Stephanum & Joannem Baptistam fratres suos carissimos scripsit, ut opus hoc suum illis commendaret, cujusque nos infra subjiciemus exemplum (b). In his libris undecim consumpsit annos, post quod tempus nescio

(a) Vide Acta Erudit. an. 1723. V. Wolfius vero in Tom. V. de præcipuis Script. mathematicis cap. 3. §. 22. hæc habet de Lorenzino. *Cum viginti annos in vinculis duro fato detineretur ab omni commercio cum hominibus litteratis remotus, nullius libri usui concessu, methodum istam (id est antiquorum) excoluit, & XII. libros de sectionibus conicis & cylindricis, earumque solidis conscripsit, ultra Apollonii & Viviani inventa progressus.*

(b) Lorenzo Lorenzini a Stefano e a Gio. Battista suoi amatissimi fratelli Salute.

*Questo trattato geometrico, che troverete distinto in dodici libri fu da me compilato nel tempo, ch'io dimorava nella fortezza di Volterra, e mi riuscì di condurlo a quel segno, che egli è senza comodità di libri, come voi ben sapete, il che mi dà motivo di rigguardarlo con qualche affetto, e di raccomandarlo con qualche premura, acciò procuriate che non vada a male, e non trovi per avventura quaiich'uno,*

*cbe*



scio qua in re calamitosum otium contriverit . Non jacuit profecto in lamentis & luctu , cum esset admirandum in modum patiens & constans . Revocatus tandem viginti post annos ad vitæ , ut ita dicam , usuram , impensius coluit pristina sua studia . Dolebat autem serius aspexisse immensam lucem , quam Leibnitius , Nevvtonus , Bernullii fratres aliique , invento jam calculo differentiali & integrali , in Geometriam non solum , sed & in universam Mathesin sparserunt , ut novam scientiam effecerint . Non du-

*che se lo addotti per proprio figlio ; ma che almeno rimanga in mano di persona di tutta integrità , poichè jebbene può essere , che vi sieno cose speculate da altri , tutta volta non so se niuno le abbia trattate in quella guisa , che è riuscito a me nelle sopradette congiunture . Io so che in oggi si battano altre strade nelle speculazioni geometriche , e conseguentemente possono riuscire non molto gradite le vie da me prese ; ma non è per questo che non se ne ricavi molta utilità . So ancora che vi possono essere degli errori commessi nel trascrivere ; ma mi do a credere che non saranno tali , che non possano essere ammen-  
dati da chi siffatta versato in somiglianti speculazioni ; e in somma merito qualche compimento per aver tutto fatto con i proprj sudori . Duodecim hi libri cum ceteris Lorenzinii scriptis asservantur Florentiæ in Maliabechiana bibliotheca ,*

dubitabat enim quin si illorum inventa ,  
antequam in illam ærumnam incidisset , pro  
diissent , acerrimo suo ingenio multa iis ad-  
dere potuisset , quæ occupatam ab aliis glo-  
riam antevertissent . Qua de re cum sæpe  
quereretur cum Guidone Grandio ( similitu-  
do enim studiorum maximam inter eos con-  
ciliaverat amicitiam ) videbatur desperare  
se ad aliquam laudem posse pervenire . Sed  
quo difficilior erat ejus instituta ratio syn-  
thesin provehendi , hoc præclarior . Prove-  
xit autem eo ; quo illa vix pervenire posse  
videbatur . Huic rei præter libros , quos su-  
pra commemoravi , argumento esse possunt  
Exercitationes sex Geometricæ ab eo reli-  
ctæ , quibus ita perscrutatur & investigat di-  
mensionem , descriptionem , proprietates om-  
nium conicarum sectionum ; sicque agit de  
infinitis parabolis , hyperbolis , logisticeis , cis-  
soidibus , spiralibus ; ellipsoidibus , hyperbo-  
loidibus , aliisque hujus generis rebus ad su-  
blimiores curvas , superficiesque ac solida  
ab iis genita spectantibus , ut multa ab aliis  
nondum excogitata protulerit , multoque plura

nova subtiliorique methodo exposuerit . Quare minime est mirandum si Grandius in libro *de Infinitis infinitorum & infinite parvorum ordinibus* eo loci, quo de logarithmis quadratis agit, plurimum se optare dixerit, ut insignis Geometra Laurentius Lorenzini, qui de iisdem logarithmis quadratis egregium tractatum conscripsit, cum aliis tractatibus res geometricas accuratissime & profundissime illustrantibus typis aliquando committeret . Grandii aliorumque votis ut satisfaceret Laurentius ad opus se admovit: sed, nondum absoluta impressione prioris Exercitationis, ille cessit e vita . Adfuit tamen Joannes Bottarius, qui se debere hoc munus studiosis Geometriæ, & singulari suæ in Lorenzinum, amicitiae putavit, ut de eadem impressione non solum perficienda, sed etiam adornanda tum eleganti præfatione, tum Latina epistola acutissimi Geometræ Cælestini Rollii e Cælestinorum familia sollicitus esset . Complectitur autem hæc Exercitatio, ut de ea nonnulla singillatim dicamus, sectionum conicarum ac solidorum ab ipsis circa axes suos

R . re-

revolutis genitorum dimensiones; unica enun-  
 ciatione indicat centrum gravitatis cujuscun-  
 que corporis a qualibet sectione conica vel  
 cylindrica circa suum axem revoluta geniti,  
 frustique cujuslibet ab ipso resecti; demon-  
 stratque demum una & altera enunciatione  
 quam rationem habent eadem corpora cum  
 cylindris circumscriptis, quamque habent in-  
 ter se momenta eorundem corporum centro  
 appensorum in ipso axe, cujus fulcrum  
 sit in alterutra ejus extremitate. Ex hac  
 prima Exercitatione de præstantia ceterarum,  
 quæ minime in apertum prodire, quamvis  
 rerum pondere & inventione illam antecel-  
 lant, conjectura fieri poterit, non secus ac  
 Pythagoras ex planta pedis Herculis ma-  
 gnitudinem vere conjecit. Qui vero omnes  
 legat, facile judicabit Geometriam linearem  
 Analyticæ vel in reconditissimis inveniendis  
 rebus nihil, aut parum admodum concedere.  
 Atque hoc in primis fuit admirabile in Lo-  
 renzinio, quod per Syntesin pervenire po-  
 tuerit ad solutionem cujusdam problematis,  
 quo ope Analysis nisi per æquationem quin-  
 que

que dimensionum perveniri minime potest . Problema autem erat hujusmodi : invenire conoides parabolicum , quod minimam omnium habeat superficiem eorum , quæ eidem sphaeræ , & ad eundem cum ipsa axem circumscribi possunt , planoque ipsam sphaeram ad imum sui punctum contingente terminantur . Quod si in hoc præsertim gloriabatur Archimedes Geometrarum omnium facile princeps , quod sphaeræ superficiem quadruplam esse circuli ejus maximi compererit , ut eam in summo sui ipsius sepulcro , sicuti Tusculanarum V. testatur Cicero , cum quibusdam senariolis , qui hoc declararent , poni curaverit , magis est quod gloriatur Lorenzinius , qui non alia , quam Archimedes , usus investigandi ratione vel minimam superficiem conoidis parabolici dimensus est , quod profecto Archimedeæ sphaericæ superficiei dimensione longe est difficilius , longeque abstrusus . Solutionem hujus problematis retulit ille in adversaria , in quæ conjecit etiam multa pertinentia ad eas lineas , quas Cartesius geometricas , Leibnitius algebraicas appellat ,

quarum nonnullas ex sectione solidorum ingeniose deduxerat. Sed hæc, antequam vita decederet, in ignem coniecit, quod nolebat quidquam extare, quod in suo genere minime perfectum esset. Quamvis autem Lorenzinius Syntesin unice excolere voluisse videretur, non tamen Analysin contempsit; laudabatque illorum industriam, qui in geometricis problematibus sequebantur & hoc perutile inveniendi, & illud acutum demonstrandi genus. Analysis vero studium, quoniam senior arripuerat, idem quod Catonem se fecisse dicebat, qui Græcas litteras in senectute didicit, quod non videbantur sine dedecore illa ignorari posse, quæ omnes in pretio habebant. Haftenus de studiis & doctrina Lorenzinii: nunc de moribus ejus nonnulla proferemus, ex quibus non minus virtutibus, quam doctrina ipsum fuisse admirandum apparebit. Summa fuit in ejus victu temperantia, cujus exemplum a communi parente natura nos petere debere dicebat, cum quotidie ab ea doceamur quam paucis, quam parvis rebus egeat, quam vilibus. Solitu.

litudinis amans semper averſatus eſt oblecta-  
 menta illa , quæ vulgus hominum ſequitur .  
 Illi vivere erat cogitare , atque elaborare  
 in iis litteris , quibus ducimur ad veritatem  
 cognoscendam . Non acerbus , non litigioſus ,  
 non acer , nullique diſciplinæ addiſtus liba-  
 bat ex omnibus quodcunque ſpecie veritatis  
 illum moveret . In omni re moderatus , ſapiens  
 & fortis ſemper obedivit veteri illi præcepto :

*Neque enim letabitur unquam , neque mæ-  
 rebit nimis ,*

*Quod ſemper in ſe ipſo omnem ſpem repo-  
 net ſui .*

Sic cum ſua non Stoico , ſed Chriſtiano mo-  
 re ſe ſuſtentaret virtute , nulla unquam per-  
 verſa fortuna labefactari potuit illius conſtan-  
 tia , ſemperque in ejus animo fuit placidiſ-  
 ſima pax . Nemini adoleſcentium mathema-  
 ticarum rerum ſtudioſorum domum ſuam clau-  
 ſit , facile ut appareret nihil magis illum vel-  
 le , quam præſtantiſſimam ſuam doctrinam in com-  
 munem utilitatem conferre . Qui vero cum  
 eo verſabantur nunquam ſatis laudare pote-  
 rant conditam comitate gravitatem ; nec ſe-

nectus mores mutaverat . Quamvis gloriæ stimulum , ut sunt a natura omnia præclara ingenia comparata , sentiret , non is tamen erat , ut sua efferret , quin immo de iis semper modestissime loquebatur . Laboriosus , iustus , integer & religiosus nil concupiscere & sequi præter sapientiam videbatur . Ita

*Ille vir haud magna cum re , sed plenus fidei*

diem obiit supremum vii. Kal. Majas MDCCXXI. Sepultus est in Florentino templo S. Michaelis ad Antinorios . Monumento autem hæc leguntur inscripta .

D. O. M.



D. O. M.

JULIO BENEDICTO J. C.

ET LAURENTIO

ANTONII FRANCISCI J. C. PISSIMI VIRI

FILIIS LORENZINIIS

QUORUM ILLE

ELEGANTIORUM LITERARUM AMATOR

ET FAUTOR

HIC

VINCENTII VIVIANI DISCIPULUS

IN GEOMETRICIS TOTA VITA SE EXERCUIT

UT NON FAUCA RELICTA AB EO

HUJUS GENERIS SCRIPTA TESTANTUR

STEPHANUS LORENZINIUS

OPTIMIS FRATRIBUS

ET DE SE BENE MERITIS

MONUMENTUM HOC A. S. CIOCCCXXI.

R 4 OPE-

## OPERA EDITA.

*EXERCITATIO GEOMETRICA* in qua agitur de dimensione omnium conicarum sectionum, curvæ parabolice, curvæque superficiei conoidis parabolici, & præcipue unica enunciatione indicatur centrum gravitatis tam cylindri quam solidi circa axem cujuslibet ex prædictis sectionibus geniti a segmento existente inter duas ordinatas; & unica itidem enunciatione habetur ratio ipsius solidi ad cylindrum; & unica itidem enunciatione declaratur quam proportionem habeant inter se momenta hujusmodi solidorum centraliter appensorum in ipsa axe, cujus fulcrum sit in alterutra ejus extremitate: Auctore Laurentio Lorenzino Vincentii Viviani discipulo. Florentiæ 1721. typis Regiæ Celsitudinis apud Cajetanum Tartinium & Sanctem Franchium in 4.

## OPERA INEDITA.

*DE SECTIONIBUS CONICIS ET CYLINDRICIS ET EARUNDEM SOLIDIS LIBRI XII.*

*EXERCITATIONES V. GEOMETRICÆ* quarum 1. agit de infinitis parabolis, hyperbolis, & logisticiis;

— II. de elipsoidibus & hyperboloidibus;

— III. de cissoidibus;

— IV. de proprietatibus variarum arearum, earumque descriptione;

— V. de parabolis, logisticiis, spiraliibus, earumque descriptione.

*SOLUTIONES* variorum problematum ac lemmatum ad sectionum conicarum proprietates spectantium.

Hæc omnia quatuor voluminibus continentur, quæ Joannes Baptista Lorenzinius Laurentii frater Magliabechianæ bibliothecæ dono dedit an. MDCCXXXII. V. Kal. Septemb.

PHI-

PHILIPPUS BONAMICIUS

ANGELO FABRONIO S. P. D.

**G** Audeo magnopere , ac miras tibi habeo gratias , Fabroni optime , quod me vehementer hortatus sis , ut Joannis Vincentii Lucchesinii civis mei ac de me optime meriti vitam conscribendam susceperem , illiusque memoriam posteritati diligentissime commendarem . Cum enim nihil malim , quam memorem me gratumque cognosci , tu profecto currenti , ut ajunt , stimulos addis , dum postulas , ut illius nomen scriptis illustretur & celebretur meis , cujus summa in me beneficia extitere . Nam cum nescio quid ex meis Latinis elucubrationibus olim perlegisset , adeo vir humanissimus ea lectione delectatus est , ut me statim Romam acciverit laborum comitem atque adiutorem suorum , viamque mihi tam illustri commendatione munierit ad eum honoris gradum , quem CLEMENTIS XIV. P. O. M. beneficentia sum consecutus . Dum itaque hac in re voluntati tuæ perlibenter obtem-

obtempero , mea maxime morem gero . Ac  
 revera sine ullo suasore atque impulsore hoc a  
 me grati animi officium esset jamdiu persolu-  
 tum , si a mea quadam jam obfirmata opinio-  
 ne atque sententia deduci antea potuissem .  
 Sic enim existimabam , non omnium illustrium  
 virorum e re publica esse , ut vita monimen-  
 tis litterarum tradita prolixius explicetur .  
 Nam cum alii aut temporibus & publicis  
 exclusi negotiis , aut voluntate sua otium se-  
 cuti aetatem omnem in humanioribus studiis  
 consumpserint ; alii consilio , virtute , fide pa-  
 triæ præsto fuerint , ac publicæ saluti , digni-  
 tati , amplitudini aut in bellis administran-  
 dis , aut in tractatione rerum maximarum  
 consuluerint ; alii denique ( quod est maxime  
 rarum ) utrumque præstiterint , ac scribenda  
 strenue sapienterque gesserint , & legenda  
 ornatissime scripserint ; ad primum genus ho-  
 minum quod attinet , semper ea mente fui ,  
 ut cum de illorum eruditione scriptisque ju-  
 dicium interposueris , nihil præterea memoriæ  
 mandari oporteat , nisi ineptias meras , aut  
 res levissimas atque usuratas ad legentium fa-  
 sti-

*studium persequi velis. Cum enim abditis litteris nullam publici muneris partem attigerint, nullus illis aditus patuit, quo virtutes quasdam magnificas ac populares expromerent, quæ cum perleguntur, admirationis obtinent plurimum, magnoque posteris ad bene de re publica merendum incitamento esse possunt. Illa præterea vitæ æquabilitas atque constantia, qua, qui studiis vacant, maxime delectantur, quanquam non mediocri commendatione digna sit, ea tamen rerum ac vicissitudinum varietate caret, quæ legentium animos alligere ac retinere cum voluptate possit. Hæc, mi Fabroni, a describenda Lucchesinii vita tamdiu prohibuerunt verentem scilicet ne, dum privato grati animi officio satisfacerem, nimis intemperanter abuti viderer otio & litteris, cum jampridem hominem laudassem in oratione illa funebri, quam tum primum emisi in manus hominum testem animi amoris & obsequiæ erga illum meæ, & mox iterum edendam curavi Dialogo adjunctam, ubi de claris Pontificiarum epistolarum Scriptoribus Lucchesinium copiose accurateque differentem indu-*

induxi. Nunc vero cum tua auctoritas & gravissima cohortatio accesserit, non patiar tantum virum aut a societate doctorum hominum, quorum tu vitas pulcherrime describis, quasi divelli ac distrahi, aut alienis scriptis potius quam meis exornari. Malo etiam cetera omnia, quam benevolentiam erga te meam, si minus auctoritati tuæ obsecutus sim, desiderari. Cumque in hac conscribenda historia magnitudine ac varietate rerum deferamur, brevitate ipsa legentium satietati occurrere diligenter conabimur. Sed antequam ad scribendum aggrediar, patere, quæso, ut tibi maximopere atque ex animo grauler, quod in nobilissimo Etruscorum Equitum Ordine, inter quos vel tantummodo percenseri honorificentissimum existimatur, recenti beneficio Principis (cui placuisse non ultima tua laus est) dignitatem amplissimam sis consecutus. Macte igitur virtute, Fabroni clarissime; veramque gloriæ viam, quam jamdiu ingressus es, constanter persequere. Vale.

## JOANNES VINCENTIUS LUCCHESINIUS.



JOANNES VINCENTIUS LUCCHESINIUS Lucæ natus est iv. Kal. Quintilis A. D. MDCLX. ex perve-  
tusta patriciaque familia ; quo nu-  
mero qui sunt in ea Republica ( quæ opti-  
matum est ) summam imperii administrant .  
Majores sui privatis æque ac publicis lau-  
dibus florere . Optimarum enim artium ac  
litterarum studia huic ingenerata familiæ vi-  
dentur esse , ut ne fœminæ quidem ejus glo-  
riæ expertes fuerint . Eosdem vero sæpe  
Respublica adhibuit maximis difficillimisque  
Legationibus obeundis , quæ cum præsidia  
stabilitatis suæ a pacis artibus magis , quam  
belli repetat , id muneris nonnisi viris inge-  
nio , consilio , ac rerum gerendarum scientia  
præstantibus deferre solet . Quo factum , opi-  
nor , est , ut dum ceteræ Etruscorum Res-  
publicæ funditus interierint ; ipsa quanquam  
opibus & ditionis amplitudine minus vale-  
ret , semper tamen a maximis se periculis  
feli-

feliciter explicarit , atque ad hanc usque diem non sine omnium admiratione dignitatem ac libertatem suam egregie tueatur . Scipio pater excellentis vir ingenii atque doctrinæ , & domi forisque in maximis Reipublicæ negotiis sæpe ac diu versatus nihil habuit antiquius , quam ut puer ad avitam familiæ laudem educaretur . Ac primum quidem privato doctore usus est , ut prima artium rudimenta perdisceret , quibus ætas puerilis informari solet ; sed non multo post a privata domi institutione ad publicam Senas traductus est ; qua in nobilissima Etruriæ urbe per id tempus recens Collegium institutum fuerat ( quod a Ptolomæi fundatoris nomine Ptolomæum dicitur ) quo adolescentes nobiles ad omnem humanitatem informarentur , ut optimum pueri ingenium jam domi exploratum æqualium æmulatione acueretur etiam magis , qua de causâ privatæ publicæ institutio præstare creditur . Neque vero ea spes parentes fefellit . Vix enim credibile videtur , quam celeriter in omni doctrina profecerit . Erat enim in puero præter miram

ram



ram ingenii docilitatem , qua quæcunque tradebantur facillime corripiebat , summa etiam diligentia , qua præstabat omnibus . Cum itaque Senis id studiorum curriculum , quod in collegiis tradi solet , quam celerrime absolvisset , Pisas adhuc adolescens se contulit , ut in celeberrimo ejus urbis Lyceo , postquam Senis Oratoriæ ac Poeticæ facultati , Philosophiæ ac Theologiæ operam dedisset , Juris prudentiam ac Mathematicas disciplinas excoleret . Dum tamen hæc nova studia prosequeretur , vetera non neglexit , atque ea præcipue , quæ ad humanitatem spectant . Fuit enim Adriani Belgæ , & Alexandri Marchetti virorum in eodem Lyceo eloquentia præstantium assiduus auditor , ac doctissimorum hominum , qui in ea urbe frequentes sunt , consuetudine unice delectabatur . Cum itaque tam multiplici reconditaque eruditione esset instructus , Florentiam accitus est a patre , qui apud Magnum Etruriæ Ducem Lucensis Legati munere defungebatur ; ibique sub illius disciplina politicas res attigit , atque una cum patre in maximis Reipublicæ

cæ

cæ negotiis est summa cum laude versatus . Sed cum Ecclesiasticæ vitæ rationem jam a pueritia susceptam persequi decrevisset , Romam proficisci statuit , quo Ecclesiasticis præsertim viris apertior est cursus ad laudem . Itaque bona cum patris venia eo se contulit , regnante Pontifice Innocentio XII. cui a Magno Etruriæ Duce commendatus diligentissime fuerat . Ea tamen Magni Ducis commendatio non tam verecundo juveni profuit , quam obfuit modestia . Romæ enim in petendis honoribus non modo semper , ut cursus cursu , ita virtute virtus superatur , sed sæpe accidit , ut arrogantia atque importunitate hominum imperitorum & insignia virtutis & præmia auferantur . Quapropter Lucchesinius serius ad honores pervenit , quam illius dignitas & eruditionis præstantia , & vitæ probitas flagitare viderentur . Dum tamen se in occulto continuit , idoneum tempus nactus est studiis obsequendi suis . Cum Latinis etiam Græca conjunxit , ut difficile dictu sit , in utra facultate plus deinde excelluerit . Frequentabat autem eos hominum

num

num cœtus , quos studiorum honestissimorum societas , similitudoque morum sibi copulaverat . Cum autem quamdam Demosthenis orationem , quam exercendi ingenii , stylique acuendi causa Latine verterat , in hujusmodi doctissimorum hominum conventu recitasset , tanto omnium plausu excepta est , ut ad aures Clementis XI. Summi Pontificis litterarum , & litteratorum hominum studio-  
 sissimi fama pervenerit ; qui hominem ad se acciri jussit , ejusque ingenio & eruditione adeo delectatus est , ut statim multa in eum beneficia contulerit , ac multo plura pollicitus sit . Idem Clem. XI. Lucchesinio auctor fuit , ut ceteras Demosthenis de Republica orationes Latio donaret ; neque quicquam deinceps Lucchesinius antiquius habuit , quam ut summo studio atque alacritate tanti Pontificis auctoritati voluntatique obsequeretur . Itaque orationes XII. Latine vertit , auxitque eruditissimis adnotationibus , quibus totius veteris Græciæ atque Atheniensium in primis Reipublicæ historia maxime illustra-

S . tur .

tur . Quo difficillimo labore cum feliciter perfunctus esset , opus in lucem edidit , eidemque Summo Pontifici jam de se optime merito inscripsit consecravitque . Pergratum Clementi XI. intelligenti eloquentiæ æstimatori , perque jucundum accidit litterarium Lucchesinii munusculum , illique statim ducentos viginti nummos aureos pendi quotannis jussit ; effecitque non multo post , ut ejus opera in scribendis Latinis litteris uteretur Cardinalis ille , quem *Secretarium status* vocant . Huic muneri illud adjunctum est , ut Latine etiam ad universi orbis Episcopos rescribatur , qui sapientissimo Sixti V. decreto de statu suæ quisque Diœcesis certio rem tertio quoque anno Pontificem Max. faciunt . In hoc mediocri munere versatus diu est non mediocri cum laude Lucchesinii labor . Neque vero , nisi qui in Romana aula sit plane hospes , tantum virum tam sero ad ampliores honorum gradus pervenisse mirabitur , si intelligat Lucchesinium a Juris prudentia , atque ab omni forensi disciplina , cui liberior patet ad gratiam , ad opes , ad di-

dignitates cursus , semper abhorruisse , ut vulgo solent , quibus in amore sunt politiores litteræ , maluisseque uberrimis Juris prudentiæ fructibus , quam pulcherrimarum artium ac studiorum suavitate carere . Neque tamen non eos semper coluit , quibus conjuncta inesset cum Juris prudentia , liberali homine digna eruditio ; inter quos maximi semper fecit Lanfredinium Cardinalem , qui ætatis suæ juris peritorum eloquentissimus , atque eloquentium juris peritissimus appellari vere potest . Hunc Lucchesinius consuetudine sua sic sibi devinxerat , ut nemo illi fuerit carior ; cumque propter quotidianas occupationes minus sæpe , quam velient , mutuis colloquiis frui possent , nullus ferme dies intercedebat , quin sibi mutuo Latine scriberent . Erat Lanfredinius Cardinalium Concilii Tridentini interpretum a *Secretis* ; cujus est , propositis in utramque partem rationum momentis , quæcumque de Jure Ecclesiastico in disceptationem cadunt , ad Patres Latine scripta referre . Hujusmodi Lanfredinianas quæstiones si quis perlegerit , fa-

teatur necesse est , veram germanamque eloquentiam cum Juris Ecclesiastici prudentia posse egregie conjungi , quique aliter sentiant , eos infantiam suam huic facultati vitio vertere . Hujusmodi tamen Latine perscriptas quæstiones , modo quas commemoraui , nolebat Lanfredinius emitti in manus hominum , nisi prius semel & iterum cum Lucchesinio communicasset . Sed præter juris scientiæ fastidium huic non mediocri etiam impedimento fuit ad ampliores citius honores consequendos summa ejus modestia , qua litteris abditus sibi vacabat , atque a concursationibus , prehensionibus , ceterisque aulicis artifiis , quibus , qui fortunæ velificantur suæ , uti necesse est , omnino abhorrebat . Cum itaque in hoc munere diu hæssset Lucchesinii fortuna , a Pontificatu scilicet Clementis XI. ad obitum ferme Clem. XII. tandem aliquando anno ætatis suæ LXXVI. ad Pontificias scribendas epistolas , quas Brevia ad Principes vocant , accitus est . Nihil tamen propius fuit , quam ut certorum hominum importunitas atque ambitio hunc Lucchesinio hono-

honorem præriperet atque occuparet. Sed vir clarissimus Bottarius, qui cum ipse eruditissimus sit, de aliorum eruditione atque doctrina verissime judicat, prolixè egit cum Cardinali Nereo Corsinio Clem. XII. fratris filio, cujus tum summa erat auctoritas, ut ne quempiam pateretur Lucchesinio in honore præferri, qui omnes & doctrina & Latina maxime facultate antecelleret. Hac Bottarii commendatione Lucchesinium graviore licet ætate affectum Cardinalis omnibus prætulit; ac perinde aliqua ipse in culpa esset, quod tamdiu tanti viri nulla pro dignitate ratio habitæ esset, palam tellatus est, curaturum se, ut a patruo Pontifice inter Cardinales cooptaretur. Sed ad honorificentissimum conscribendorum Brevium munus ille profecto attulisse videtur ornamenta omnia, de quibus eundem Lucchesinium nostro in Dialogo de claris epistolarum Pontificiarum Scriptoribus enucleate differentem inducimus. Cum vero in eo munere etiam Benedicto XIV. operam probasset suam, ac quatuor jam supra octoginta annos natus esset, gravedine ac tussi ejus valetudo ten-

tari cœpit ; quo ex morbo se celeriter recreatum iri arbitratus est , si prolixiori deambulatione sudorem provocasset , quam quidem frustra sibi medicinam adhibuit . Cum enim violentiori motu debilitatum corpus domum retulisset , vis morbi noctu ingravescens illi spiritum interclusit , vitamque perbrevis tempore extinxit . Obiit A. D. MDCCXLIV. Elatus est solemnī funeris pompa , sepultusque in Basilica Vaticana , cujus erat Canonicus . Fuit in eo præter ingenii doctrinæque præstantiam forma quædam expressa veteris officii , innocentia , probitatis . Sua enim agendi ratio aperta erat ac simplex , non fucata , non erudita artificio simulationis aulico , sive etiam Urbano . Ab ostentatione ac fastu maxime aberat , ac de se ita demisse sentiebat , ut nihil mallet quam vivens moriensque delitescere . Quæ summa animi demissio causa fuit , cur nonnisi admodum senex Sacerdotio initiari voluerit . Ceterum omnia religionis officia sanctissime semper præstitit . Quotidie meditationi rerum cælestium ceterisque Christiani viri muneribus non modicum tempus tribue-



buebat , isque charitatis ardor , quo in divinis rebus obeundis incendebatur animus , sæpe etiam ex oculis ac toto ore eminebat . Paulo acrior natura cum esset , atque ad iracundiam proclivior , ita se comparabat , ut diligentissime caveret , ne ante occuparetur animus ab iracundia , quam providere ratio posset : quo factum est , ut ita moderaretur animo & orationi suæ , cum esset iratus , ut nulla vehementior concitatio appareret , nullum non modo maledictum , aut convicium , sed ne verbum quidem illi paullo acerbius elaberetur . Præter necessarium parabilemque vitæ cultum ceteris commodis carere facile poterat . Temperantiæ vero suæ maximum cepit fructum , quod tam bona prosperaque valetudine usus sit , nunquam ut in vita medicina indiguerit ; atque ad extremam senectutem is esset totius corporis habitus , is oculorum vigor , ac vultus color , ut dissimularet ætatem . Quotidie , nisi pluvia impedimento esset ( calor enim aut frigoris intemperiem , ventorumque vim negligebat ) horis pomeridianis circa Urbis mœnia curru delatus , mox prolixæ

deambulationi indulgebat . Quanquam solitudine mirum in modum delectaretur , non tamen ab hominum præsertim doctrina præstantium consuetudine ac familiaritate abhorrebat ; eaque in amicorum congressibus humanitate , comitate , modestia utebatur , ut omnium sibi existimationem benevolentiamque conciliaret . Haftenus de vitæ genere , quam egit Lucchesinius : nunc de studiorum illius , scriptorumque ratione dicendum . Neque enim vita hominum litteratorum actionibus , quæ plerumque communes cum aliis sunt , neque quicquam habent admirationis , sed scriptis eorum continetur . Quicquid ipsi monumentis litterarum prodiderunt dignum , quod legatur a posteris , hoc , quodcumque est , propria illorum vita ducenda est , quæ non certo naturæ termino definitur , sed viget etiam post eorum interitum , atque immortalitati propagatur . Venio igitur ad Scripta Lucchesinii , qui eam animo opinionem imbiberat , neminem excellere in scribendo posse , nisi ab assidua veterum Latinorum , Græcorumque lectione illam elegantix , simplicitati

tatis gravitatisque formam hauriat atque arripiat, unde existit illud perfectum scribendi genus, quod nemo non laudat, & pauci assequuntur. Latinos ille igitur Græcosque classicos Scriptores veteres nocturna diurna-que manu versabat: Livii vero lectione, ita delectabatur, ut plus tricies totum perlegerit. Is tamen etiam recentiorum libris temporis plurimum tribuebat, qui sive in mathematicis, sive in philosophicis disciplinis, quas apprime callebat, novi aliquid afferrent. Ampla hac pulcherrimaque rerum verborumque suppellectile instructus, ad scribendum accessit. Hic tamen, quæ fuerint de ejus Scriptis eruditissimorum hominum iudicia, afferemus; de nostro silebimus, ne forte benevolentiae, pietatique, qua illius memoriam jure prosequimur, tribuisse plus videamur, quam veritati. Atque illud in primis mirantur omnes, quod cum magna ex parte Lucchesinii ætas in ea tempora inciderit, quibus nescio quo fato prævum quoddam scribendi genus atque a veterum imitatione prorsus alienum in Italia obtineret,

ret, ejus pravitatis adeo expers fuerit, ut potius in alteram partem peccare visus sit nimis severæ calligatæque orationis. Gravior itaque nonnullis scriptor, quam suavis videri solet, quod minus voluptati aurium studeat; dumque omnia religiosissime ad veterum imitationem effingit atque exigit, minus numerosa ejus cadat oratio. Incredibile dictum est, quanta litterariæ Reipublicæ approbatione non in Italia solum, sed etiam in Germania, in Gallia excepta fuerit XII. Demosthenicarum orationum Latina interpretatio. Eam Rollinus Latinæ Græcæque linguae studiosis proponit ad legendum. Gravina autem cum in publico litteratorum hominum cœtu Lucchesinium offendisset, illi palam maximopere gratulatus est, quod ea interpretatione Græcarum Latinarumque litterarum gloriam fere unus in Urbe pulcherri-  
me sustineret. Muratorius denique ad Lucchesinium scribens præter ceteras laudes, *o Te felicem*, inquit, *qui in utraque lingua civem agere potes!* Sed cum non omnibus de optimo interpretaudi genere una sit eadem-

demque sententia ; alii enim negligendam esse elegantiam , dum constet interpretis fides ; alii de fide aliquid detrahendum , ut elegantia sit locus ; alii mediocritatem quandam tenendam esse arbitrentur , minus miror non deesse aliquos , qui Volfii interpretationem Lucchesinæ anteferendam putent : omnes tamen eruditionis plenissimas animadversiones , quibus orationes singulas adornavit , mirum in modum commendant ; multum enim splendoris ac lucis Atticis antiquitatibus attulere . Neque vero , qui oratorum principem Latine vertit , oratoria ipse caruit laude . Plures habuit Romæ sive in sacris ædibus , sive in publicis academiis ac litteratorum hominum cœtibus orationes ; sed omnino quatuor in lucem editæ ad posteros pervenere , videlicet ; *oratio de S. Joanne Evangelista ; oratio in celebri Arcadum academia , dum publice plauderet Clem. XI. P. M. inaugurationi , habita ; oratio in funere Lusitanæ Regis Petri II. habita in templo Sancti Antonii ejusdem Nationis , dum ei Regio nomine parentaretur ; oratio in funere*  
*Clem. XI.*

*Clem. XI. P. M.* In hisce orationibus genus quoddam dicendi Atticum secutus est, ut facile Demosthenis imitatore agnoscas. Exstat etiam alia oratio Etrusco sermone scripta de Picturæ, Sculpturæ & Architecturæ præstantia, quæ ab eo in academia pulcherimarum artium recitata est. Sed nulla in re præstantissimum ejus ingenium ac doctrina singularis magis emicuit, quam cum Latinam suorum temporum historiam a Noviomagensi pace adorsus scribendam suscepit. Sed hic, opinor, non erit ab re paucis referre, quibus præsertim de causis ad tantum ac tantum difficile opus animum adjecerit. Vehementer enim dolebat splendidam illam atque magnificam tractandæ Historiæ rationem, qua veteres Græci Romanique Scriptores immortalæ cum laude usi olim fuissent, penitus obsolevisse; statuebatque in hac litterarum luce, atque in ea præsertim ætate, quæ rerum gestarum magnitudine, splendore, copia nulli secunda esset, nihil desiderari magis, quam Historiam ad veterum imitationem diligenter exactam: nunquam plures Historicos, quam  
sua

sua ætate , & vero etiam nostra extitisse ,  
 nunquam tamen minus Historiæ consultum  
 fuisse ; quod homines , qui maternam linguam  
 vix calleant , & ne vix quidem , a ceteris  
 vero optimarum artium studiis atque doctrina  
 sint imparati , ad scribendum accedant , pæf-  
 que se tanto muneri arbitrentur : itaque fieri ,  
 ut hujusmodi Historiæ nullo artificio , nulla  
 verborum elegantia , nulla vi sententiarum  
 scriptæ , qua celeritate in lucem prodeant ,  
 eadem intercidant atque extinguantur ; dignæ  
 sane , quæ Annalibus Volusii comparentur .  
 Ad revocandam igitur veterem illam ratio-  
 nem nihil consultius fore censebat , quam ut  
 quodam veluti Litterariæ Reipublicæ decreto  
 sanciretur , res posterorum memoria dignas  
 non nisi Latinis litteris commendandas . Qui  
 enim essent ab optimarum artium studiis at-  
 que a doctrina minus instructi , ac Titum Li-  
 vium , Salustium , Cæsarem , ceterosque præ-  
 stantes Latinos Historicos , quorum unusquis-  
 que peculiari quadam laude mirifice excel-  
 luit , imitari se posse diffiderent , a scriben-  
 do deterrerentur , neque nos futilibus com-  
 men-

mentariis , historiisque vernaculo sermone perperam scriptis quotidie obrueremur . Quid ? quod Latina sua se nobilitatis antiquitate tuentur , & ubique gentium perleguntur , cetera vero suis continentur finibus , iisque non admodum magnis . Itaque qui materno , quam Latino sermone malunt pulcherrimarum maximarumque rerum notitias posteris tradere , non minus suæ , quam eorum , de quibus scribunt , gloriæ magnopere invidere putandi sunt ; quod multo certe honorificentius sit non solum apud suos , sed etiam apud exterarum , immo apud omnes gentes cognosci ac celebrari . Huc accedit , quod ea vis est & natura Latini sermonis , ut ab eodem Historia quandam dignitatem , vires & nervos mutuari videatur . Jam vero quanquam Lucchesinius ea esset modestia præditus , ut Latini Historici personam cum dignitate aliqua sustinere se posse diffideret , ea tamen fuit magnitudine animi , ut suo conatu aliis incitamento esse vellet . Et certe in Historia , quam scripsit Lucchesinius , sibi imitandum proposuit quicquid in singulis antiquis Historicis admirationem



nem habet , ac legentium animos percellit  
 atque afficit , ut dolendum propemodum illi  
 defuisse otium , quo tam egregium laborem  
 ad tria volumina jam perductum prorsus ab-  
 solveret . Hoc autem postremo loco libet ad-  
 dere , quod tamen minime sejunctum a re pro-  
 posita videri potest , Patriæ quidem meæ jure  
 esse gratulandum , quod in tanta præstantium  
 Historicorum inopia duos uno ferme eodemque  
 tempore tulerit præstantissimos Latinos Histo-  
 ricos Lucchesinium scilicet , & Castruccium  
 Bonamicium fratrem germanum meum , qui  
 Lucchesinii exemplo excitatus , de rebus ad  
 Velitras gestis , deque Italico bello Latinos  
 Commentarios edidit . Hoc enim vere & sine  
 ullo arrogantiae metu affirmare posse videor  
 eosdem Commentarios ob summam scribendi  
 elegantiam & vim , atque ob summam  
 veterum imitationem adeo germanæ Latinita-  
 tis amatoribus probatos fuisse , ut in publi-  
 cis aliquot Italiæ , Bataviæ , Angliæquæ lu-  
 dis cum Cæsare , Salustio , Livio prælegi  
 vulgo soleant . Illud enim vero graviter de-  
 plorandum , tam breve illi fuisse vitæ cur-  
 ricu-

riculum , qui tam facile posset ætatis res gestas suæ immortalitati commendare ; cum in ea Historiæ parte , quam attigit , non Historicus unus e multis , sed inter multos prope singularis fuisse videatur .

## OPERA EDITA.

DEMOSTHENIS ORATIONES XII. de Republica ad populum habitæ , Latio donatæ a Jo. Vincentio Lucchesinio Patritio Lucensi cum notis criticis & historicis , & cum Græco textu ad SS. D. N. Clementem XI. P. M. Romæ 1712. in 4.

JO. VINCENTII LUCCHESINII Patritii Lucensis Historiarum sui temporis a Noviomagensi pace Vol. III. in 4. Primum volumen editum fuit Romæ a Petro Ferrio , secundum & tertium ab Hieronymo Mainardio an. 1738. in 4.

ORATIO de S. Johanne Evangelista Romæ 1700. in 4.

— in celebri Arcadum Academia dum publice plauderet Clement. XI. P. M. inaugurationi ; habitæ a Joh. Vincentio Lucchesinio Lucensi Romæ 1701. in 8.

— in funere Sereniss. Lusitanæ Regis Petri II. habitæ in templo S. Antonii ejusdem Nationis , dum ei regio nomine parentaretur &c. Romæ 1707. in 8.

ORAZIONE in lode delle belle arti del Disegno. Roma 1722.

JOSEPHO MAZZOLARIO

ANGELUS FABRONIUS. S.

**M**iraberis certe quod ego scribendum suscepim de Bernardino Perfectione, postquam tu illius vitam & copiosissime, & elegantissime tuo more explicasti. Non potui id negare litteratis quibusdam Senensibus, qui a me non tam postulare, quam exigere pro iure nostrae amicitiae videbantur, ut Perfectionem in societatem vocarem illustrium virorum, qui Decadas meas exornare debent. Plurimum se gaudere dicebant, quod tu de admirando illo Poeta Italice scripsisses; se non solum sperare, sed etiam confidere te de eodem plura Latine prolaturum; optare tamen, ut in idem opus ego quoque & studium, & diligentiam conferrem. Equidem invitatus suscepi huiusmodi onus, cum tecum posse ullo modo contendere desperarem. Quid enim unquam in lucem emisisti, quod in suo genere perfectum non esset? Quae verborum elegantia! qui delectus, nitor, ac splendor! qui orationis ductus, orna-

T

tus

tus , & copia ! quam nihil non venustum , nihil non limatum , nihil non acri studio iudicio-  
que perpolitum ! Atque hoc etiam mirabilius  
est , quod tibi non minus in numeris adstricta  
quam in soluta oratione excellere contigit ,  
quod quam rarum sit , omnes ii norunt , qui  
utrumque scriptiois genus tentarunt . Ego ve-  
ro & etate , & ingenio , & exercitatione lon-  
ge tui dissimilis , qui sperare possum aliquid  
me elaboraturum , quod scriptorum tuorum  
comparationem sustineat ? Hanc excusationis  
causam attuli Senensibus , ne tecum confer-  
rer ; ac plures etiam collegissem , ni veritus fuif-  
sem crimen arrogantiae subire , quod me iudi-  
cio cuiusquam existimarem tecum posse compa-  
rari . Cessi ergo illorum voluntati non sine spe  
adjumenta & subsidia ad opus perficiendum a  
te obtinendi ; quam spem quod non passus fue-  
ris decipi maximas tibi gratias ago , agam-  
que dum vivam . Vale .

Romæ VIII. Kal. Sept. an. MDCCCLXX.

## BERNARDINUS PERFECTIUS.



ERNARDINUS PERFECTIUS natus est  
Senis nobilissima Etruriæ urbe ,  
nobilissimisque parentibus Petro  
Angelo Perfectio , & Urtula Ame-

righia an. a reparata salute MDCLXXX. VI. id.  
Septembris ; educatus autem sic , ut nemo  
æqualium magis . Degens in patrio collegio  
sub Jesuitarum disciplina, studia humanitatis, &  
Philosophiæ exercuit , nec mediocrem ope-  
ram Juris prudentiæ impertivit. Sed nulla  
re magis quam Italica poesi delectatus est ,  
ad quam a natura non modo factum , sed  
elaboratum fuisse illa satis ostendunt , quod  
septennis quædam ejus generis carmina, quæ  
a nobis Italis *Sonetti* appellantur , sane tole-  
rabilia confecerit ; quodque illa ipsa ætate  
non semel auditus fuerit versus ex improvise  
fundere vel in materna mensa ( patrem enim  
infans amisit ) vel in æqualium corona . Cum  
igitur quo quisque fertur danda esse vela  
intelligeret , nullum abire sinebat diem , quo

plurimum cum musis non versaretur . Latinas initio coluit , quod illi vere erat persuasum sine iis Italicis inopes , & infirmas esse ; libros omnes , qui artis præcepta tradiderunt , volutavit ; continua optimorum scriptorum , lectione Etruscæ linguæ affluentibus copiis se ditavit ; nihilque earum rerum omisit , quibus id , quod expetebat , consequi se posse confideret . Iis temporibus florebat Senis acumine ingenii , & admirabili quodam lepore Joannes Baptista Bindius , cui tam facile erat ludicros versus ad imitationem Berni ex improviso conficere , quam homini loqui . Audivit illum quodam die Perfectius ; & quoniam facile omnes trahimur laudis studio , sensit ille maxime animum suum inflammari ad eosdem plausus , qui Bindio tribuebantur , promerendos . Primum , amicis solum paucis audientibus , ingenii sui periculum fecit , quod cum feliciter illi successisset , brevi , iisdem hortantibus amicis , e privatis latebris in publicum conspectum , lucemque hominum prodiit . Accessit & aliud incitamentum . Inambulabat per urbem Bernardinus æstivo nocturno

no tempore magna stipatus amicorum cater-  
va . Cum ille cœpisset veluti per jocum ca-  
nere de laudibus clarorum quorundam Senen-  
sium , tanto se animi impetu ac furore cor-  
reptum sensit , ut ex tempore flumen fude-  
rit optimorum gravissimorumque versuum ;  
& obstupescētibz omnibz , domum suam ,  
quasi ad triumphum , ductus fuerit . Ipse  
autem cum intelligeret quam arduum esset  
tueri personam extemporalis poetæ , qui  
hoc suscipere ac polliceri videtur , ut de  
omni re , quæ sit proposita , ab eo poetice ,  
ornate , copioseque dicatur , omnium rerum  
magnarum atque artium scientiam sic tenen-  
dam putavit , nihil ut sibi prope statueret li-  
cere nescire . Itaque non dubitaverim eun-  
dem prædicare theologum , philosophum ,  
mathematicum , juris consultum , satis anato-  
mes & medicinæ peritum , ex quarum facul-  
tatum cognitione semper ejus versus efflo-  
rescebant ac redundabant . Mirum vero quam  
in promptu haberet exemplorum vim , ut  
omnis antiquitas , omnisque historia posita  
ante oculos ejus esse videretur . Romæ cum

T 3            esset ,

esset, & de more versus funderet ex tempore, incidit in intimum Theologiæ locum percunctatione quæsitum, huncque docte adeo tractavit, eleganterque adeo exposuit, ut qui aderant theologi, & in his Bernardus Vargas Hispanus e S. J. nihil simile unquam se audivisse pronuntiaverint. Nec minus obstupuit Cæsar Calinius ex eadem Societate, editis in sacram Scripturam commentariis illustribus, cum Bononiæ audivit Perfectium ita de Regum historia quærenti respondentem, ut omnium tum Judæ, tum Israelis Regum nomina ordine enumeraret, & clariora facta recenseret. Possem & alia multa exempla proferre, ex quibus intelligi posset quam Perfectius ornatus esset uberrimis doctrinis & artibus; sed prolatis contenti erimus, præsertim cum vivant adhuc plurimi, qui cum sæpe Perfectio canenti adfuerint, nulla unquam in re illi proposita hæsitasse, aut rudem se ostendisse, nullisque terminis circumscripsisse jus suum testentur. Quæ cum per se magna sint, necesse est etiam mirabilia fuisse, quod omnia claris artis suæ coloribus



bus pingeret Perfectius . Cum ad dicendum accederet , poscebat argumenta plura , electionem auditoribus permittens ; proœmiabatur apte , narrabat aperte , ornabat accommodate ad rerum dignitatem , docebat , delectabat , afficiebat ; cumque incredibili esset memoria , breviter colligebat omnia , quæ multis verbis dixerat . Inter dicendum *divino quodam furore* , quod de Jone affirmavit Plato , *corripiebatur , ut ii qui Corybantum spiritu aguntur* ; ardebant oculi , crispabatur frons , anhelabat pectus , ceteraque omnia apparebant indicia furoris , sine quo Democritus Abderites , ut testatur Cicero I. de Divinatione , utque nos alias commemoravimus , quemquam magnum poetam esse posse negabat . Et profecto extra se rapi , & sui quodammodo oblivisci is debet , qui alienam personam induit , alienos mores , alienos affectus , aliena facta dictaque aptis verbis & sententiis exprimere studet . Quare de Perfectio Aristotelia illa de Maraco Syracusano prædicari possunt : *Μάρακος δὲ ὁ Συρακυσίος καὶ ἀμύνων ἢ ποιητής , ὅταν ἴκνηται* . Frigida inter canen-

dum utebatur non solum ad faucēs recreandas ; sed etiam ad animi temperandum ardorem : cum vero finem canendi fecisset propē exanimatus jacebat ; noctem , quæ tantum consequeretur , transigere cōgebatur insomnem , nec nisi longo post tempore vehemens sanguinis motus confedebat . Idcirco versus cantando pronuntiabat Perfectius , ut aliquid ad cogitandum haberet spatii , & certius carminum incederent pedes . Adhibebat etiam citharædum , qui hos aut illos pro carminum varietate modos faceret . Nemo enim ignorat quam poësis animi sensus pervadat , si musices lepore ac jucunditate condiatur , quæ duæ artes sic amice conjurant , ut alter alteri quasi mutuas operas præbeat . Quare minime est mirandum si antiquis temporibus iidem essent musici , qui poetæ . Quotiescumque vero illo suo furore corripiebatur , adeo in dicendo celer erat ( & porro celeritas quædam in extemporali poësi necessaria est , ut non modo defici , sed etiam laborare turpe existimetur ) ut vel ipse citharædus minime illum consequi posset . Inter omnia Itali

lici carminis genera ἑγδοας, quod nonnulli epicum appellant, quodque omnium est difficillimum, ei maxime erat in deliciis, quam mollioribus numeris sæpe etiam utebatur. Omnino quot sunt carminum genera, totidem fuisse videntur in potestate Perfectii, qui sive gravis, sive tenuis, sive temperatus esse vellet, semper cum admiratione & plausu summo audiebatur: nihil habebat insolens, nihil durum & odiosum; semper videbat quid deceret non in sententiis solum, sed etiam in verbis; semper ei adesse videbantur rem ad vivum exprimentes imagines; ita vero dominus erat verborum similiter desinentium, ut hæc sequerentur quocunque torqueret. Sunt qui in rebus describendis humilibus, rusticisque ejus potissimum eluxisse præstantiam arbitrentur, ut vel ipsos pueros, puellulasque atque pastores loquentes te audivisse putasses. Quod quidem nonnullis facile videri potest, sed nihil est experiementum minus. Perpetua enim quadam suavitate sit condita oratio oportet, habeatque colorem quendam naturalem, non fucatum, sitque,

ut

ut ita dicam , plane integra valetudine . Cum vero de rebus grandioribus dicas , ipsæ res verba rapiunt ; cumque feratur veluti torrens oratio , quamvis multa cuiusquemodi secum trahat , non tamen omnia animadvertes , & animadvertas licet animum vix illa offendunt . Quoniam vero nihil feracius erat ingenio Perfectii , facile is poterat , si vellet , eandem rem augere laudando , vituperandoque rursus affigere . Hæc sunt , quæ clamores & admirationes excitabant quoties Perfectius versus fundebat , ad quem audiendum undique concurrebatur , ut vel ipsa laxitudo aularum ad continendam hominum multitudinem angusta esset . Sed in omni vita nihil fuit Perfectio ad laudem illustrius , quam dies illa , qua in Capitolio poetica corona donatus est . Ad Urbem secundo is venerat in comitatu Violantis Bavaræ , cum Pontificatum Maximum teneret Benedictus XIII. Non hic quidem intelligens & amans Poësis erat , sed adeo multa & singularia de Perfectio prædicari audierat , ut dignum illum existimaverit , qui laurea corona insigniretur . Ut vero omnibus ostenderet

exi-

eximium hunc honorem velle se merito, minime vero gratiæ tribuere, iussit Perfectium publice periclitari vires ingenii sui. Constituta dies, delecti iudices, eorum obligata, religio in ferenda sententia; proposita demum argumenta duodecim ex Theologia, Philosophia, Mathesi, Juris prudentia, Ethica, Poesi, Medicina, Gymnastica, atque ex universa Philologia deprompta, quibus omnibus ita satisfecit Perfectius, ut omnium consensu judicatum fuerit ceteros a Perfectio semper omnes, illo autem die etiam ipsum a sese fuisse superatum. Hac pronuntiata sententia, lata spectaculo dies advenit. Equis insignibus & curru aurato vectus Perfectius, eademque comitatus pompa, qua publice incedere solent Populi Romani, ut vocant, Conservatores, ab Archigymnasio Romano ad Capitolium ascendit. Non solum Capitolium, sed vel ipse viæ, per quas ille transivit, insigni apparatu, summaque celebritate omnis generis hominum, ætatum, ordinum splendebant. Inter populi clamores in aulam Capitulinam introductus fuit; cumque ad pedes

des accessisset Marii Frangipanii Senatoris Urbis, ab eo his conceptis verbis laurea corona donatus fuit : *Eximium hoc Poeticae laudis decus, quod tuo capiti impono sub felicissimis auspiciis D. N. Benedicti Papae XIII. Eques egregie, sit publici non minus erga te studii argumentum, quam obsequentissimi animi erga amplissimam ac plane regiam benevolentiam, qua decoraris. Cui Perfectius : Poetica laurus immerita imposita fronti excelsam Sanctissimi Patris ac Pontificis Papae Benedicti XIII. munificentiam, effusamque S. P. Q. R. erga me voluntatem testatur ; quarum utraque aut honore dignos invenit, aut facit. Invitatus mox a Joanne Crescimbenio Arcadiae Custode, ut quas musas conciliatrices tanti honoris habuit, easdem grati animi testes adhiberet, id tam felici successu praestitit, audiente ipsa Violante, Cardinalibus, Regum legatis, & Romanae nobilitatis flore, ut nunquam dixisse melius visus fuerit. Nec dissimiles profecto gratiae debebantur ob honorem, qui omnium quibus affici poeta potest, amplissimus existimari debet,*  
& ad

& ad quem idcirco nonnisi paucissimis , iis-  
 que singulari virtute præditis aditus patuit .  
 Impartitus enim Francisco Petrarchæ fuit , de-  
 cretusque Torquato Tasso : sed hic præoccupatus  
 morte assequi illum minime potuit . Ta-  
 lis autem ac tantus honos aliis quoque hono-  
 ribus cumulatus est . Donatus enim Perfe-  
 ctius fuit iure civitatis Romanæ , potestate-  
 que inferendi lauream coronam in gentilitium  
 stemma & ad memoriam poeticarum lau-  
 dum , & ad illustrandam magis domesticam ,  
 nobilitatem . Cusa etiam tum Romæ , tum  
 alibi numismata ejusdem effigiem capite lau-  
 reato ad vivum exprimentia . Romanus quo-  
 que Arcadium cætus a se extare voluit mo-  
 numenta gloriosissimi facti . Senenses vero ,  
 qui magnam se adeptos gloriam arbitraban-  
 tur ob collatos civi carissimo singulares ho-  
 nores , gratias Pontifici agendas communi  
 consilio decreverunt , multaque alia fece-  
 runt , quibus eosdem illos honores , si qua  
 ratione possent , majores redderent . Sint sane  
 hæc magna , quæ re vera magna sunt . Quod  
 vero in tanta celebritate famæ , ut omnibus  
 esset

esset notus ; in tantis hominum plaufibus , ut longe omnium non ejusdem modo ætatis , sed etiam qui fuissent in extemporali poësi esse princeps , & quasi e cælo delapsus prædicaretur ; in tantis denique ornamentis & præmiis virtutis modestiam semper servaverit , hoc maximum reputari debet . Non more poetarum de se gloriose prædicabat ; efferentique aliquando Clementi XI. summis ad cælum laudibus illius præstantiam in poësi , in hæc verba dicitur modelle respondisse . *Hoc quidquid est Dei munus est , qui ut Balaam jumentam loquentem fecit , ita me poetam facere voluit : haud multum possumus , Beatissime Pater , in iis gloriari , quæ ab alio accepimus .* Quod autem Perfectius nihil scripti relinquendum esse putaverit , & pauca illa , quæ extant , excepta dum canebat librariorum manibus , eodem quidem aut invito aut ignorante , postea rejecerit , & tanquam sua minime agnoverit , hoc non tam modestiæ quam prudentiæ tribuendum est . Intelligebat enim si oculis subjecta fuissent fidelibus , quæ demissa per aures non solum

per-



perplacebant , sed etiam admirationem excitabant , multum de laude sua amissura . Nam subita & fortuita oratio quamvis scriptorum similis audienti , cui multa effugiant necesse est , videri possit , plurimum tamen semper aberit a perfectione , quam nonnisi commentatio diuturna consequi poterit . Nec minus refugiebat Perfectius aprehendendo stylo , quod se putabat satis magnam adeptum esse dicendi gloriam , eamque etiam majorem visum iri , si in exultantium arbitrium sua scripta minime venissent . Quod enim dicit Cicero usuvenire plerunque peringeniosis hominibus , neque satis doctis , id Perfectio accidebat , scilicet ut cum sedatus ad scribendum accederet , motus omnis animi , tanquam ventus , eum deficeret , ejusdemque vis occideret & flaccesceret oratio . Cum eximia modestia conjungebat Perfectius parem facilitatem , suavitatemque morum ; quapropter ut animum cantare induceret , non necesse erat aut multum rogare , aut insidiari , aut speculari . Idem urbanissimus erat & venustissimus : vitavit tamen semper scurriles & micos ,

micos jocos , & quidquid ingenuitatem , gravi-  
 tatemque vel minimum posset offendere . Ne-  
 que opera , neque consilio , neque fide un-  
 quam defuit amicis & civibus suis , pro quibus,  
 aliisque virtutibus meritissimo ab omnibus non  
 solum diligebatur , sed etiam amabatur . Si-  
 quos vero habuit invidos & obrectatores ,  
 eos & lenivit obsequio , & patientia miti-  
 gavit . Cum uxorem duxisset , pluresque li-  
 beros ex ea suscepisset , omnia mariti , &  
 patris officia diligentissime explevit . Verum  
 quoniam omnis virtus manca & infirma est ,  
 nisi a Deo proficiatur , & ad eum refera-  
 tur , ita Perfectio nihil fuit antiquius , quam  
 ut dictis , multoque magis vita & moribus  
 religionem , pietatemque in Deum præ se fer-  
 ret . Statum quotidie seponebat tempus , quod  
 orationi & meditationi rerum cælestium tri-  
 bueret . Maxime autem in Christi vitæ , mor-  
 tisque cogitatione acquiescebat , satis gnarus  
 ibi eximia omnis exempli documenta in il-  
 lustri posita monumento intueri atque imita-  
 ri licere . Singulari etiam colebat studio Bea-  
 tam Virginem Mariam ; & si quis inter ca-  
 nen-

nendum sibi dabatur aditus , in illius laudes libentissime excurrebat . Ut donatus poetica corona fuit , recta e Capitolio ad Ædem S. Mariæ ad Martyres contendit , ut debitas illi gratias ageret , cui tantum honorem referebat acceptum . Jussit etiam testamentum eandem coronam Virginis aræ in perpetuum suæ erga eam observantiæ argumentum appendi . Sæpe de morte , tanquam de migratione ex una in alteram domum , quod est non mediocre bene actæ vitæ signum , loquebatur . Tale vero ei contigit mortis genus , quale suspicabatur . Apoplexi enim percussus exeunte Julio an. MDCCXXXVII. paucos post dies vitam cum morte commutavit . Publice tota celebrante civitate , laudesque mortui eleganti oratione prædicante Nicolao Joannellio , sepultus fuit in avito monumento , quod est extra urbem in Æde S. Francisci . Uxor vero ejus , liberi , ac frater prope sacellum B. M. V. quod est in Æde Principe , cuique coronam lauream , ut paullo supra commemoravi , appendi voluit , marmoreum

fatisque magnificum monumentum ei faciendum locarunt. Monumento vero hoc insculptum est elogium.

D. O. M.

EQUITI BERNARDINO PERFECTI PATRICIO SENENSI

ETRUSCIS EX TEMPORE CARMINEUS

POETAE CELEBERRIMO

IN CAPITOLIO III. ID. MAII A. MDCCXXV. LAUREATO

CORONA VIRGINI PATRONAE EX TESTAMENTO DICATA

ANT. CA JETANUS GERMANO FRATRI BENEMERENTI

VINCENTIUS ET JOANNES BAPTISTA PATRI OPTIMO

MARIA FRANCISCA SALVANIA VIRO CARISSIMO

MOERENTES PP.

OB. AERAE CH. A. MDCCXLVII. K. SEXT.

VIXIT . AN. LVI.

PHI-

## PHILIPPO BONAMICIO

ANGELUS FABRONIUS. S. P. D.

**O** Fortunate ( libet iisdem pene verbis affari Lucchesinum , quibus Alexander Achillem , cum in Sigæo ad ejus tumultum adstitisset ) qui tuæ virtutis Bonamicium præconem invenisti ! Non is quidem est Lucchesinus , ut , quamvis non extarent quæ tu de illo elegantissime scripsisti , eodem tumulo , quo corpus illius tegitur , nomen quoque obtrueretur ; cum nulla unquam ætas , dum bonos erit litteris , de illius præstantia in Græca Latinaque lingua conticescet . Non mediocre tamen ejusdem laudibus accessit ornamentum , quod tu rerum ab illo gestarum laudator fueris ; quodque fueris non tam sponte tua ; quam meis cohortationibus impulsus , maximas tibi gratias & ago & habeo . Utinam , Bonamici , qui hos libros legent non solum ad intuendas , sed etiam ad imitandas clarorum virorum , quas expressimus , imagines , toti accendantur . Neque enim aliam rem ullam no-

*bis in hoc opere proposuimus nisi aliorum utilitatem . Quod ut facilius obtinerem , vehementer instigavi nonnullos doctos Latinis litteris viros , ut mihi esse vellent & socii & confortes gloriosi laboris . In eorum numero fuit Jacobus Facciolatus . Is initio magnas in me spes excitavit ; postremo etatem & incommoda valetudinis excusans , me rejecit ad vitam Philippi a Turre , quam jampridem & scripserat & ediderat . Recepi homini amicissimo me eidem vitæ , quamvis illam pleniorrem optassem ( non pauca enim scripsit illo vir ad antiquitatis studia natus , quæ bono in lumine collocari interesse poterat ) in meis Decadibus locum concessurum , datamque fidem nunc libero . Hoc quidquid est , mi ornatissime Bonamici , scire te volui . Cura ut valeas .*  
*Romæ post. Kal. Septembris MDCCLXX.*

## PHILIPPUS A TURRE EPISCOPUS ADRIENSIS.



HILIPPUS A TURRE ea morum probitate fuit, eaque litterarum gloria, ut merito de fortuna queri potuerit, nisi ad ceteras animi dotes insignem moderationem addidisset. Non caruit ille quidem bonis, quæ fortunæ dicuntur; abundavit etiam, si fortunæ dumtaxat ratio ducatur; sed singularis illius atque inaudita virtus majus aliquid postulare visa est, unde hominem posteri metirentur. Natus est in Civitate Austria, vulgo *Cividale* Kal. Maj. anno MDCLVII. parentibus apprimè nobilibus Mario a Turre, & Camilla de Frumentinis. Quod in prima ætate rarissimum est, libros semper maluit, quam crepundia: cumque Rethoricum & Philosophicum cursum in patria celerrime absolvisset, Patavium migravit. Hic rursus humanitatem, & politiores litteras tractare cœpit, ad quas potissimum factus videbatur; tum se Juris prudentiæ dedit: nec interim Mathematicum, aut Ana-

tomicum studium , qua erat ingenii abundantia , prætermisit . Annos natus fere viginti publicum utriusque Juris examen subiit , probatusque suffragiis omnibus in patriam revertit ; ubi paucis post annis Patruo Civitatis Canonico successus , antiquæ eruditionis studium suscepit , seu potius revocavit . Hunc enim amorem jam tum imbiberat , cum Patavii esset ; & Octavium Ferrarium , eruditissimum superioris sæculi virum frequentissime audiret : Tamen si Ferrarius elegantior antiquitatem sequebatur ; Philippus vero ad eam se contulit ; quæ rudioribus monumentis , & iccirco magis reconditis continetur , cujusmodi sane in ejus Capituli archivio plurima sunt . Per hæc & ornandæ patriæ , & obscurissimæ ætatis illustrandæ incredibili ardore succensus est : Sed cum intelligeret hoc studii genus magnam librorum copiam , & eruditorum commercium postulare , Romam demigravit anno MDCLXXXVII. ibique ita se totum antiquæ historiæ tradidit , præsertim vero Ecclesiasticæ , ut non multo post inter Academicos Collegii *de Propaganda* relatus



latus fuerit . Tum vero primum in magna illa non dicam multorum hominum , sed omnium fere nationum luce fulgere cœpit , & quantus futurus esset ostendere . Ingenium multi admirabantur , sed acerrimus hominum æstimator Carolus Augustinus Fabronus , nunc S. R. E. Cardinalis , in primis ornavit , ejusque commendatione factum est , ut cum Eminentissimus Josephus Renatus Imperialius Ferrariam Legatus missus esset , Philippum sibi adjungeret , & juri dicundo præficeret , quod officium *Auditoris* appellant . Sexennium in ea Legatione commoratus , ita se omnibus singulari prudentia , fide , integritate commendavit , ut cum Cardinalis provincia decederet , eum sibi retinendum putaverit , ut Romæ quoque in multarum *Congregationum* negotiis ejus opera uteretur . Quo in munere sane gravissimo , quidquid supererat otii , id totum in antiquitatis studium conferebat ; eaque industria celeberrimo Cardinali Norisio plurimum probatus , ad intima ejus litterarum consilia admissus est , multisque benevolentia testimoniis supra ceteros ornatus .

Accidit per ea tempora , ut Antii rudera  
 ad portus constructionem effoderentur ; ex  
 quo intellectum est litteras quoque fortuna  
 indigere ; nihilque admodum valere sive ad  
 opes , sive etiam ad famam , nisi illam sibi  
 sociam adsciscant . Cum enim magnis illis  
 effossionibus monumenta quædam antiquissi-  
 mæ formæ detecta essent , hinc sibi Philip-  
 pus occasionem arripuit ingenii prodendi sui  
 co Commentario , qui est *de Monumentis*  
*Antii* , in quem tam multa , tam varia , tam  
 recondita ex omni eruditione conjecit , ut  
 minima pars titulo significetur . Egregiam lu-  
 cubrationem Innocentius XII. Pontif. Max.  
 valde probavit , nec laudibus solum , quarum  
 multi solent esse liberalissimi , sed etiam be-  
 neficiis ornavit , plura daturus nisi fato in-  
 terceptus fuisset . Verumtamen quod ille præ-  
 stare non potuit , abunde præstitit Clemens XI.  
 qui pro sua quadam non religionis modo , sed  
 etiam litterarum cura Philippum complexus ,  
 Adriensem Episcopum renunciavit VIII. Id.  
 Febr. MDCCII. Qui hominis virtutes & inge-  
 nium noverant , non eum libenter discedere  
 Ro-

Roma patiebantur , ut in Italiæ angulo , nec prorsus illustri , neque saluberrimo delitesceret : sed ille tamen nihil tale recusandum ratus , in quo divina quædam vis apparebat & providentia , Rhodigium statim profectus est , totumque se ejus Ecclesiæ rationibus addixit . Magna in eo fuit & intelligendi & agendi celeritas . Itaque cum omnia suæ provinciæ negotia ipse per se diligentissime expediret , optimique Præfulis partes impletet , sua tamen tempora musis quoque tribuebat . Cujus industriæ quærenti socium non defuit Comes Camillus de Silvestris , notum in republica litteraria nomen , ætate pene pari , morum vero elegantia & antiquitatis studio nihil dissimili . Hunc sibi Philippus tanquam divinitus datum in urbe multis quidem rebus ornata , sed litteris colendis non admodum opportuna , cupidissime adjunxit , eoque uno familiarissime , quamdiu vixit , usus est . Curavit etiam sibi a Dominicana familia virum in primis clarum Thomam Minorellum , ex cujus politissimo ingenio , quo tempore Rhodigii fuit , & ipse magnum cœpit consuetudinis

dinis fructum , & Rhodigina juvenus institutionis . Sed & absentium amicitias studioſiſſime coluit , quicumque aliquo inſigni litteraturæ genere præſtarent ; & Patavium identidem excurrebat , iis præſertim diebus , quibus Seminarii cenſus ab Eminentiffimo Georgio Cardinali Cornelio haberi ſolet , cum ut ſe omnium fere diſciplinarum , linguarumque diſputationibus continenter habitis recrearet , tum vero maxime ut Antilliti optimo , & ad litteras promovendas incitatiffimo gratificaretur . Cetera lætus , & quod in humanis rariffimum eſt , ſua contentus forte , id unum in primis annis dolebat , quod librorum copia careret , nec ſatis haberet fortunarum , quibus & Episcopalem dignitatem ſuſtinere poſſet , & honetiſſimum hoc deſiderium explere . Poſt aliquanto reſpiravit ; inſtructaque decenter domo , de libris comparandis cogitare cœpit , quod ipſum ita præſtitit , ut vel ex hoc uno de ſumma ejus ſapientia conjici poſſit . Per hæc adjumenta non paucas pro re nata Diſſertationes compoſuit ;  
*de Taurobolio ; de vermibus corporis humani ;*  
*de*

*de Solis Eclipsi ; de Annæ Faustinae nummo ;*  
*de annis Imperii Elagabali* ab iis editas , ad  
 quos per epistolam missæ sunt , præter ulti-  
 mam , quam edidit ipse typis Seminarii Pa-  
 tavini anno MDCCXIII. Scripsit præterea ad  
 amicos multa non soluta modo , sed etiam  
 ligata oratione ; quæ singula quidem minuta  
 sunt , sed in unum tamen collecta corpus ju-  
 stum volumen efficerent . Nolim equidem ,  
 quæcumque in scriptis reliquit sive serio , si-  
 ve joco fusa statim vulgari ; quam ego li-  
 brariorum curam magnorum virorum exilli-  
 mationi sæpe fatalem animadverti . Sed quæ-  
 dam tamen de militaribus itineribus , & de  
 tota illa controversia , quæ ipsi cum præ-  
 stantissimo adversario Joanne Vignolio *de*  
*Imperio Severi Alexandri* fuit , omnino jace-  
 re non debent , quod jam ad umbilicos per-  
 venerint , & famam ejus sustinere possint .  
 Multa etiam mihi de Patriarchis Aquilejen-  
 sibus legit , multa ostendit ex abditissima an-  
 tiquitate depromta : sed pleraque informia  
 sunt , nec lucem sperare possunt , nisi forte  
 a clarissimo viro Justo Fontanino , qui & ea  
 eru-

eruditione est , ut nihil hujusmodi formidare debeat , & iis moribus , ut nihil omittere possit , quod ad Præfulis amicissimi gloriam conducere videatur . Reliquum est , ut de ejus morte dicamus , quod paucis absolvetur : nam ne disiecto quidem exploratoque cadavere , medici ipsi ceteroquin peritissimi statuere potuerunt , quo genere morbi consumtus sit ; quique hydropem accusant , ita rem involvunt , ut nec satis appareat quomodo gigni potuerit , nec quomodo cognosci , nec quomodo sanari . Quod certum est , duos ferme antequam moreretur menses , perpetua siti laboravit , eodemque tempore *δυσυρία* , morbo illo quidem non novo , sed pene jam familiari . Sitis in febriculam desit , quæ & ab ipso contempta est , nec a medicis valde oppugnata , quod ex *δυσυρία* proficisci crederetur , nihilque ejusmodi portenderet , quale postea consecutum est . Quid plura ? Sic erat in fatis : repente in extremis fuit . Itaque cum se ad supremum illud certamen rebus divinis comparasset , incredibili virtute & constantia decessit v. Kal. Mart. mdcxvii.

Rho-

Rhodigii sepultus est ingenti totius civitatis luctu, quæ calamitatem hanc acerbissime tulit, & pro summa temporum difficultate etiam in omen vertit. Talis fuit Episcopus, ut non solum cum probatissimis hujus ætatis, sed cum veteribus etiam comparari potuerit. Severus & gravis, sed idem, cum tempus posceret, blandus & affabilis supra quam ejus vultus plane censorius polliceri videretur: sermo compositus, & in re qualibet ita eruditus, ut semper meditatum crederes. Id fuit in illo singulare, quod cum plurimum temporis litterarum studiis concederet, non tamen se rebus agendis subducebat; quo factum est, ut doctissimus idem esset, idemque prudentissimus. Hoc ipsi apud suos magnam auctoritatem conciliavit, liberalitas vero gratiam & benevolentiam. Amicitiiis usus est omnium ferme sui temporis litteratorum, multorum etiam hospitiiis: nam id in primis curabat, ut hospites frequenter haberet; cumque ipse tenuissimo victu uteretur, alios splendidissime excipiebat. Sed hæc narratori satis: plura dabunt laudatores.

## OPERA EDITA.

**MONUMENTA VETERIS ANTII** hoc est inscriptio M. Aquilii, & fabula solis mithræ variis figuris & symbolis exculpta; quæ nuper inibi reperta, nunc prodeunt commentario illustrata, & accurate explicata. Accedunt Dissertationes de Beleno & aliis Aquilejensibus Diis, & de colonia Foro-Julienſi, Auctore Philippo a Turre ex eadem civitate Foro-Julio. Addita sunt fragmenta inscriptionum fratrum Arvalium recens in agro Romano effossa Romæ novis typis Cajetani Zenobii & Georgii Plachi 1700. in 4.

**EPISTOLA** fratribus, & filiis, clero, & populo Adriensi, cum ad Episcopatum Adriensem electus fuisset post. non. Feb. an. 1702. Romæ novis typis & industria Cajetani Zenobii ad magnam curiam Innocentianam.

— ad Bernardum Montfauconium de quadam tela, quæ non comburitur. Extat in Diario Italico ejusdem Montfauconii pag. 450.

— ad Gasperum Charmies e Societate Jesu de inscriptione daurobolica reperta in viciniis Lugduni an. 1705. Extat in tom. xvii. p. 167. Bibliothecæ Joannis Clerici.

**LETTERA** al Signor Dottore Giovanni Antonio Astori intorno a un medaglione Greco d'Annia Faustina terza moglie dell'Imperadore Elagabalo, nel quale pare che la tribunizia potestà V. d'Elagabalo ivi segnata combasta con gli anni dell'imperio di esso. Extat in Tom. iv. del Giornale d'Italia p. 360. Hæc epistola causâ fuit magnarum controversiarum. Hæc vero causæ fuerunt alterius operis a Philippo conscripti, cui titulus:

**DE ANNIS M. Aurelii Antonii Elagabali, & de**



*de initio imperii, ac duobus consulatibus Justini Junioris Dissertatio Apologetica ad nummum Annæ Faustine tertiæ ejusdem Elagabali uxoris. Patavii apud Johannem Manfrè 1713. in 4.*

LETTERA al Signore Antonio Valignieri intorno alla generazione de' vermi. Extat in libro Valimerii, qui inscribitur: Nuove osservazioni ed esperienze intorno all'ovaja scoperta ne' vermi tondi dell'uomo &c. Padova appressò il Manfrè 1713. in 4.

— Al Signor Marchese Poleni intorno all'Eclissi solare del an. 1715. In Padova 1716.

— Al Signor Jacopo Facciolati sopra una pubblica iscrizione di confini, che stà registrata a lettere antiche nel Palazzo pubblico d'Asolo; e sopra un frammento d'altra iscrizione pur d'Asolo. Extat in volum. I. de' supplementi al giornale de' letterati d'Italia p. 31. In volumine xxxiir. earundem Ephemeridum Italicarum extat vita Philippi satis copiose scripta a Hieronymo Lionio.

## OPERA INEDITA.

*DISCORSI e calcoli fatti per la Congregazione della Riforma del Calendario.*

*ISTORIA de' Patriarchi d'Aquileja:*

*RELAZIONE della città di Cividale.* Hoc opere, quod magnam continet copiam veterum monumentorum, quæ nunquam antea lucem aspexerant, non tam historiam illustrare voluit Philippus patriæ suæ, quam totius Fori Julii.

*RACCOLTA di carte e di notizie assai rare pel Vescovado d'Adria.*

*DIFESA della Dissertazione Apologetica de annis M. Aurelii Antonini Elagabali &c.*

Claudi elogium potest inscriptione, quæ monumento, in quo conditum est cadaver Philippi nostri, incisa est, cujusque auctor fuit Justus Fontaninius.

PHILIPPO A TURRE  
 EPISCOPO ADRIENSI  
 IN URBE RERUM DOMINA  
 INTERIORIBUS DISCIPLINIS  
 MORUMQUE SANCTIMONIA PROBATO  
 QUI  
 REM LITERARIAM EGREGIIS MONUMENTIS  
 AUXIT  
 POPULOSQUE SIBI RELUCTANTI COMMISSOS  
 VERBO ET EXEMPLO  
 TAM BENE SERVAVIT  
 UT FINITIMIS ET LONGINQUIS  
 MAXIMUM SUI DESIDERIUM RELIQUERIT  
 SOLA IMMORTALITATIS EJUS SPE LENITUM  
 OBIIT V. KAL. MARTIAS ANNO SAL.  
 MDCCXVII.  
 VIXIT ANNOS LIX. MENSES IX. DIES XXV.  
 NICOLAUS AC PETRUS A TURRE PATRICII  
 CIVITATIS FOROJULI  
 OB TANTI FRATRIS JACTURAM MOESTISSIMI  
 P. P.

F I N I S .

IN-

# I N D E X

## OMNIUM VITARUM

*Quæ in tribus prioribus Decadibus continentur,*

- A** Veranius *Josephus* II. 4.  
 Beccarius *Bartholomæus* II. 45.  
 Blanchinius *Franciscus* III. 5.  
 Blanchius *Joannes Antonius* III. 72.  
 Casinius *Franciscus Card.* I. 1.  
 Corfinius *Eduardus* III. 90.  
 Dandinius *Hercules Franciscus* II. 74.  
 Fabrettus *Raphael* III. 151.  
 Facciolatus *Jacobus* III. 211.  
 Fortiguerra *Nicolaus* I. 23.  
 Gravina *Janus Vincentius* II. 107.  
 Guidius *Alexander* III. 224.  
 Gulielminius *Dominicus* I. 42.  
 Lancitius *Joannes Maria* I. 60.  
 Lorenzinius *Franciscus Maria* I. 127.  
 Lorenzinius *Laurentius* III. 249.  
 Lucchesinius *Jo. Vincentius* III. 269.  
 Magalottus *Laurentius* II. 166.

X

Mal-

Malpighius *Marcellus* II. 233.

Manfredius *Eustachius* I. 152.

Manfredius *Gabriel* II. 270.

Martellius *Petrus* *Jacobus* I. 215.

Morgagnius *Jo. Baptista* II. 287.

Perfectius *Bernardinus* III. 291.

Politus *Alexander* I. 254.

Sergardius *Ludovicus* II. 365.

Stancarius *Victorius Franciscus* II. 335.

a Turre *Philippus* III. 309.

Valsalva *Ant. Maria* I. 278.

Urtius *Josephus Augustin. Card.* I. 332.



## I N D E X

## RERUM MEMORABILIUM.

*Quæ carent numero Romano in I. Decade  
reperiuntur.*

## A

**A** Damans phosphorus apud Beccarium II. 63.  
Alethinus Theophilus quis 57.

Arcadum Academiæ dissensiones I 31. I 39. II. 114.  
115. Quæ lex abrogata 139. Coloniz a quo con-  
stitutæ ioid. Parrhalium nemo quando reclusum  
140. Ephemerides Arcadiæ a quo conditæ 180.  
Sedem obtinet in hortis Palatinis III. 233.

Arsacidarum Imperii Epocha a quo emendata,  
III. 123.

Attilius Q. Serranus quis 137.

Averanius Benedictus Josephi frater II. 22. Mure-  
to in eloquentia præfertur II. 23.

**AVERANIUS** Josephus Iuriconsf. II. 4. veterum  
philosophorum studiosissimus II. 6. Joann. Gastonis  
Medici præceptor II. 17. Ejus libri *Interpretatio-  
num Juris* cujus suasionem vulgati II. 12. Andr.  
Guadagni de iis judicium II. 14. 15. Oppressio-  
rum Academia ab Averanio Pisus instituta II. 20.  
Ejus de Christi passione dissertationes mendose  
editæ II. 24. In physicis & mathematicis rebus ex-  
cellens II. 18. 19. 26. Mos forensis ab eo reprehens-  
sus II. 31. hæredes ex testamento II. 36. Morum  
descriptio II. 37. Lexicon *della Crusca* ejus hor-

tatu conficiendum suscipitur 11. [39.](#)

## B

**B**ECCARIUS Bartholomæus Medicus 11. [45.](#)  
historiæ naturalis studiosissimus 11. [49.](#) § o. ejus  
experimenta de luce phosphorum casu objecta  
11. [63.](#) [64.](#) de frumenti & lactis natura 11. [66.](#)  
Bononienfis Instituti Præses 11. [65.](#) a quo lauda-  
tus in funere 11. [69.](#)

Bibliotheca Lancisiana ubi [83.](#)

**BLANCHINIUS** Franciscus Mathematicus 11. 5.  
Ottohonianæ Biblioth. præfectus 11. [7.](#) 10. ejus  
historia ex antiquis monumentis 11. [11.](#) [12.](#) [13.](#)  
[14.](#) [15.](#) quæ scripsit occasione emendandi Kalend.  
Romani 11. a [17.](#) ad [24.](#) Lineæ Meridianæ ab eo  
constructæ 11. [25.](#) [30.](#) [31.](#) § 1. observationes me-  
chanicæ 11. 35. chronologicæ 11. [36.](#) Musæum  
Christianum ab eo collectum 11. [38.](#) Anastasius  
Biblioth. emendatus 11. [42.](#) [43.](#) antiquitates Ro-  
manæ illustratæ 11. a [45.](#) ad [49.](#) itinera & ho-  
nores 11. [39.](#) [40.](#) [41.](#) ejus lapsus in altissimum  
cavum 11. [49.](#) [vita](#) a Fontanellio descripta 11. [66.](#)

**BLANCHIUS** Jo. Antonius Ord. Minor. Observ.  
11. [72.](#) juris pontificii propugnator 11. [75.](#) [76.](#)  
ejus controversia cum Dan. Concina 11. [76.](#) [77.](#)  
cum Philalete Adiaphoro 11. [79.](#) cum Jacobo  
Scarfantonio ibid. Tragœdiarum illius stylus &  
fortuna 11. [77.](#) [78.](#) quam bene de litteris meri-  
tus 11. [82.](#) morum illius descriptio 11. [83.](#)

Bonamicus Castruccijs cujus exemplo excitatus  
ad scribendos Commentarios 11. [287.](#)

Bonamicus Philippus scriptor vitæ Jo. Vincentii  
Lucchesinii 11. 265. laudatus 307.

Bo-

Bonetti Theophili Sepulchretum II. 319.

Bononiæ Academia philosophica a quibus instituta  
171. II. 346. 347. ejus urbis geographica positio  
quando emendata II. 345.

Bottarius Joannes 202. 356. III. 257. 277.

**C** *Arletti Ignazio* quis sub hoc nomine 137.

Calanatenfes Cathedratici qui 346.

CASINIUS Franciscus e Cappuccinorum familia  
Concionator eximius. 6. 7. 8. Cardinalis crea-  
tur. 9. ejus in Ædes Sacras liberalitas. 15. de  
stylo illius judicium 20. laudatus Itala oratione  
a Petro Olympio Franchetto. 19.

Cecchinus Alexander Iurifcons. laudatus II. 83.

Censorinus Priscus quis II. 123.

Chermesius de Fulget quis 137.

Gibanctus Draunerus quis II. 41.

*Cimento* Academia a quo instituta II. 169. ejus ex-  
perimenta a quo narrata II. 172. ejus finis II. 175.

Cocchi Antonius plagiararius 137.

Corfiniæ Odescalchiæ Victoriæ de Alexandro Gui-  
dio judicium II. 222.

CORSINIUS Eduardus Ord. Sch. Piar. II. 90. e-  
jus institutiones philosophicæ in quo reprehensæ  
II. 96. cur de statu Vallis Claniæ scripsit. II. 98.  
99. Fasti Attici ab eo explicati II. 100. 101. 102.  
Disertationes agonisticæ quales II. 2105. ad 110.  
Minnisari nummus ab eo illustratus II. 123. Soda-  
litatem suam quomodo rexit & ornavit II. 125.  
126. 129. quid de Aureliani & Vaballathi im-  
perio sensit II. 131. 132. 133. in dicendo apople-  
xi correptus. II. 135. hiltoriam Gymnasii Pisani  
scribit II. 136. 137.

Crescimbenius Marius domo avunculi protugus [II. 233.](#)

## D

**D**ANDINIUS Hercules Franciscus Jurisconsultus [II. 74.](#) ejus exercitationes in latine scribendo [II. 76. 77.](#) Academia ab eo in patria instituta [II. 86.](#) Conspectus dialogi de ratione pueros instituendi [II. 87.](#) seq; Oratio ejus de moderanda studiorum ratione perperam Turrio tributa [II. 91.](#) epitaphium ejus a quo compositum [II. 101.](#) Dinunda Hercleus illustrator hystoriæ Urbis Cæsennæ quis [II. 82.](#)  
Donzeliaus Josephus Cossentinus qui [46.](#)

## E

**E**Ustachij tabulæ Anatomicæ a quo repertæ & explicatæ [84. 85. 109. II. 301.](#)

## F

**F**ABRETTUS Raphael [II. 151.](#) munera publica & honores ei delati [II. 155. 156. 157. 158.](#) Monumenta antiqua e Cœmeteris effossa [II. 168.](#) ejus itinera [II. 168. 169.](#) equus antiquarius [II. 170.](#) Opus de aquis & aquæductibus explicatum [II. 171. 172. 173.](#) Inscriptiones ab eodem collectæ [II. 182. 184.](#) & quanta diligentia in lucem emissæ [195.](#) cur iisdem typis editæ annum & frontem eandem non præferant [II. 196.](#) index in eadem ubi servetur [II. 192. 193.](#) controversia cum Jac. Gronovio [II. 173. 174. 175.](#) Fabretti mors qualis [II. 197. 198. 199.](#)

FAC.



**FACCIOLATUS** Jacobus 11I. 211. cur Coloniensis appellatus a Pappadopolo 11I. 214. quid ad linguarum usum congesit & scripsit 11I. 212. 213. ab Apuleii latinitate non abhorrebat. 11I. 216. ejus rudimenta logicæ laudata 11I. 214. 215. scriptor vitæ Philippi a Turre 11I. 308. Academix Patavinæ historicus 11I. 215. 216.

**Fortiguerra** Antonius Poeta 35.

**FORTIGUERRA** Nicolaus Philologus & Poeta 23. quibus usus præceptoribus 24. ejus orationes & carmina elegantiora 25. 28. 29. 30. Occasio poematis *del Ricciardetto* 31. 32. a quo in lucern emissum 33. Terentii Comædiarum μετάφρασις 34. idem labor in Plauto deperditus 35. Poema Bajazetti cur non absolvit 38. Scripta plura comburi jussit. 37.

## G

**G**Obbius Augustinus an auctor Collectionis poeticæ sub ejus nomine vulgatæ 171.

**GRAVINA** Janus Vincentius Jurisconsultus 11I. 106. Calumnia de Sodalitio Neapoli instituto 1I. 112. an Arcadum Academiæ leges condiderit 11I. 113. cum iis dissidia 1I. 114. a Sestano acriter correptus 1I. 121. dialogus contra Casuistas 1I. 122. de originibus juris Civilis libri explicati 1I. 135. 136. & Lipsiæ mendose editi 1I. 138. ejus jaëctantia 1I. 146. & qualis poeta 1I. 148. testamentum 1I. 152. de ejus religione & pietate in Deum suspicio 1I. 156.

**GUIDIUS** Alexander Poeta 11I. 224. Christiænæ Svecorum Regiæ familiaris 11I. 226. quomodo in scribendo profecit 11I. 229. eruditorum de

eius stylo dissensio 11I. [232.233.](#) a Sestano in Satyris reprehensus 11I. [228. 234.](#) Ejus fabula de Eadymione 11I. [230.](#) de hac Gravinæ judicium [118.& 11I. 231.](#) Tragoedias scribere aggressus cur reliquit 11I. [236.](#) ejus in Patriam merita [11I. 236.](#) causa mortis 11I. [237.](#) morum & corporis descriptio 11I. [240. 241. 242.](#)

**G**ULIELMINIUS Domianicus Mathematicus [42.](#) lineam meridianam Bononiensem instaurat [43.](#) Hydrometrium primus docet ibid. Auctor *Symposii medici* sub Donzelini nomine [46.](#)

## I

**I**Asitheus ad Grunnovium quis 11I. [203. 207.](#) Jejunium quando in miraculis habendum 1I. [62.](#) Inquietorum Academiae origo & progressus [173. 174. 1I. 50. 51.](#) Inscriptiones lapidarias quomodo Fabrettus abstergi curabat 11I. [194.](#)

## K

**K**alendarium Rom. cur posse emendari desperabat Eustachius Mantredius 11I. [25.](#)

## L

**L**ANCISIUS Jo: Maria Philosophus & Medicus [60.](#) Ejus Miscellanea Medicinae [64.](#) Romanor. Pontif. Archiater [66. 69.](#) quæ scripserit occasione epidemiae urbis [70.& seq;](#) quam ingenuus [73.](#) Eustachii tabulas invenit [84. 85. 109.](#) Metallothecam Michaelis Mercati illustravit [86.](#) Bibliothecæ & bonorum suorum hæredes qui [83.](#)

96. Me.

96. memoriæ ejus vis 101. 103.

Leibnizii Gud. Guiliel. epistola ad Gabr. Manfredium 11. 284.

LORENZINIUS Franc. Maria Poeta 127. quid de Petrarchæ poetâ senserit 129. 130. ejus in Arcadum Cœtum merita 129. 131. 132. quomodo Custos electus 138. Cornicos veteres in Scenam producit 139. 140. ejus carmina alieno nomine vulgata 141. 145. Gravinæ de eo judicium 145. ad Lorenzini imitatores monitum 147.

LORENZINIUS Laurentius Geometra 11. 249. Ferdinandi Medicei familiaris 11. 252. a Cosmo 11. in carcerem conjectus 11. 253. quid eo in luctu scripserit 11. 253. ejus Exercitationes geometricæ laudatæ 11. 256. animi virtutes 11. 256.

Lorenzinius Stephanus Medicus 11. 251. 252.

LUCCHESINIUS Joan. Vincentius 11. 269. cur serius Romæ ad honores pervenerit 11. 272. 274. cujus hortatu Demosthenis Orationes latinas fecit 11. 273. earum interpretatio laudatæ 11. 282. ad Pontificias epistolas scribendas quæ ætate & quo adjutore accitus 11. 276. 277. ejus Orationes publice habitæ 11. 283. hystoria sui temporis ab eo conscripta 11. 284.

## M

MAGALOTTUS Laurentius 11. 166. quos in scribendo imitandos susceperit 11. 172. 208. ejus munus in Academia *del Cimento* 11. 170. 173. Alex. VII. erga eum liberalitas 11. 178. epistola de Catholica religione ad Robertum Boyleum 11. 186. honorum amantissimus 11. 188. 218. Odorum componendorum studiosus 11. 179. le-

ga.

gatus ad Cæsarem 1I. [129](#). Epistolæ adversus atheos 1I. [169](#). Dialogus ex eis a plagiario confectus 1I. [200](#). Opus suum de institutione Principis in ignem conjecit 1I. [201](#). Inconstantia notatus 1I. [195](#). [202](#). [204](#). [211](#). Utum Buccherorum ex Hispania in Italiam transtulit 1I. [211](#). ejus in Deum pietas 1I. [217](#). itinera 1I. [185](#). [187](#). [189](#). [191](#). [192](#). [202](#). [204](#). [205](#). [214](#). stylus qualis 1I. [222](#). a quo tenebri oratione laudatus 1I. [224](#).

**MALPIGHIUS** Marcellus Medicus 1I. [233](#). quibus in Academiis Medicinam est professus 1I. [238](#). [241](#). [250](#). quæ in anatomicis prior detexit 1I. [239](#). [240](#). [143](#). [244](#). [246](#). [250](#). [254](#). Archiater & Cubicularius Pontificius 1I. [258](#). Ejus effigies qualis similior 1I. [263](#).

Mantredii Fratres Bononientes 1I. [283](#).

**MANFREDIUS** Eustachius Mathematicus & Poeta [152](#). Astrologiæ studiosus [153](#). [203](#). Cassinii Meridianam lineam in usum revocat [160](#). Horologio Huigheniano primus apud nos utitur [160](#). [204](#). Inquietorum Academiae benemeritus [173](#). ejusdem in physicis & astronomicis labores & pericula [163](#). [182](#). [204](#). & Ephemerides [177](#). [178](#). Kalendarium Gregor. emendare aggreditur [189](#). [207](#). in studiis a Sororibus adjutus [179](#). [195](#). Poeta qualis [154](#). [156](#). Selectorum Carminum Collectionem alieno nomine vulgat [171](#).

**MANFREDIUS** Gabriel Mathematicus 1I. [270](#). ejus theorema de separatione quantitatum variabilium 1I. [274](#). excogitata in sublimiori Analysi 1I. [277](#). [278](#). Kalendarium Astrologicum ab eo confectum 1I. [280](#). observationes de exiccanda Pontina palude [281](#).

Margarita Antoniana [113](#).

- Marottus Iosephus Scriptor Vitæ Marcelli Malpighii 11. [232.](#) & Raphaelis Fabretti 11. [149.](#)
- Marfilius Aloyfius Ferdinandus Bononienfis Inftituti Fundator [171.](#) 11. [342.](#) [343.](#)
- MARTELLIUS Petrus Jacobus Poeta [215.](#) Amarryllis & Olminus ab eo celebrati qui [219.](#) [225.](#) ejus de arte poetica judicium [227.](#) [228.](#) poema imperfectum [241.](#) [242.](#) tragœdiarum fcriptor qualis [210.](#) [221.](#) [230.](#) [231.](#) [239.](#) Carmina in Scipionem Maffium [243.](#) [244.](#) Munera publica [222.](#) [223.](#) [234.](#) [241.](#) Ejus de Guidio judicium 11. [244.](#)
- Menfium Macedonicorum, Atticorum, Romanorum feries 11. [145.](#)
- Mercati Michaelis Metallothea ubi reperta & a quo illuftrata [86.](#) 110.
- MORGAGNIUS Jo. Baptifta Medicus 11. [287.](#) in Gymnafio Patavino Vallifnerio fuffeffit 11. [299.](#) quo ftipendio anatomen docuit 11. [308.](#) ejufdem matutina lotio 11. [290.](#) Quibus Academiiis adfcriptus 11. [322.](#) [323.](#) ejus animadverfiones in Celfum & Samonicum 11. [311.](#) [312.](#) in veteres latinos fcriptores 11. [313.](#) [314.](#) [315.](#) opus de fedibus & caufis morborum laudatifimum 11. [320.](#) [321.](#) Adverfaria anatomica 11. [293.](#) [310.](#) controverfiæ ex eis ortæ 11. [301.](#) [304.](#) Halleri Alb. de eis judicium, & aliorum elogia 11. [305.](#) [306.](#) honores eidem vivo delati 11. a [324.](#) ad [327.](#) Statua cum infcriptione in patria pofita 11. [223.](#)
- Morgagnius Jo: Baptifta fcripfit vitam Dominici Guglielminii [42.](#) & Antonii Mariæ Valfavæ [278.](#)

## O

- O Defchalchius Livius Dux Bracchiani Arcadum Cultos [532.](#) Op-

Oppressorum Academia Pisis a quo instituta 11. 20.

## P

**P**ERFECTIUS Bernardinus Poeta 11. 291. quæ ætate carmina ex improvilo fundere cœpit 11. 291. ejus furoris poetici vis 11. 295. periculum in poesi ad coronam in Capitolio accipiendam 11. 298. Numismata ea occasione cusa 11. 301. cur nihil scripti relinquendum putaverit 11. 302.

Petrosellinius Dom. Octav. scripsit argumenta in poemate del *Ricciardetto* 33. cujus poematis ipse auctor 134.

Philodemus in Satyris Sestani quis 11. 121. 376.

Pliniana Villa in Laurentino a quo detecta & illustrata 82.

**P**OLITUS Alexander orator & philosophus 254. de quo Pisis in docendo arguebatur. 265. ejusdem orationes & argumenta selecta 267. recensio & illustratio Martyrologii Rom. 271. Eustathii in Homerum & Dyonisium interpretationes 261. 262. 265. 269. 270. de ejus eloquentia judicium 267. morum descriptio 273.

Psyches qua de causa animum repræsentet 11. 118.

## R

**R**ASPONUS Franciscus plagiarius 11. 200.

*Ricciardetto* Poema cur & a quo scriptum 31. & seq. argumenta librorum a quo composita 33.

## S

**S**ESTANUS Q. quis 11. 378. 379. ejus Satyrarum occasio 11. 374. 375. 376. de eis judicium 11. 376. 377. ubi editæ 11. 379. 381. a quo illustra-

tæ sub P. Antoniani nomine 11. 379. versus aliqui antea inediti 11. 234.

**SERGARDIUS** Ludovicus Philosophus & Poeta 11. 365. ejus propensio ad Satyras scribendas 11. 367. 368. Vitæ & morum suorum imago a se depicta 11. 370. ejusdem cum Gravina inimicitiae & rixæ 11. 374. 376. an vere auctor sit satyrum. Q. Sectani 11. 378. 379.

Sotus Petrus accusatus & defensus 346. & seq.

**STANCARIUS** Viçt. Franciscus Mathematicus 11. 335. ejus in Bononiensi Instituto labores 11. 343. 344. Euclidem numquam perlegit 11. 356. Anallysim primus publice docet 11. 354. ejus machina ad acusticas speculationes 11. 351. Adversariorum codex 11. 357. 358. Schedæ mathematicæ a Mantredio editæ 11. 358. 359. mortis immaturæ causa 11. 353. 355.

## T

**T** Enderianus Francisci Card. Casinii familiaris. 10.  
 a **TURRE** Philippus Episc. Adriensis 11. 309. Octavium Ferrarium Patavii coluit 11. 310. Episcopus renunciatur 11. 312. ejus Dissertationes ab amicis editæ 11. 314. 315. controversia cum Jo. Vignolio 11. 315.

## V

**V** ALSALVA Antonius Maria Medicus & Anatomicus illustris 278. quæ in Chirurgia primus tentaverit 289. 293. quæ in anatomia perpeti valuerit 283. 284. 286. ejus Dissertationes posthumæ 312. 313. 316. prædictiones in morbis 291. in-

intrepidi animi exemplum 304. Cenſor aliorum  
operum qualis 320. 321. Scripta deperdita 317.  
318.

Valsalvæ ſtirpis origo & ſtemma 279.

Verzaliz Joſephi problema in Architectura 11. 341.

Vulpus Jo. Baptiſta incidendorum cadaverum pe-  
ritiſſimus 11. 309.

## U

**U**Rſius Jo: Joſephus de litteris optime meritus  
159.

URSIUS Joſ. Auguſtinus Cardinalis 332. ejus pietas  
335. a CarJ. Nerio Corſinio Romam vocatus  
344. Cathedraſticus Catanatenſis 346. a ſecretis  
Congregat. Indicis 348. Sac. Palat. Apoſt. Ma-  
giſter & poſtea Card. 354. Occaſio operis ejus  
contra mendacium & ex eo controverſiæ 336.  
337. Scribit de privatione Epiſcopatus adverſus  
Card. Coſciam 344. 345. Petrum Sotum defendit  
346. 347. Cur hiſtoriæ Eccleſiaſticæ ſcribere  
aggreditur 351. quibus uſus exercitationibus ad  
comparandam ſtyli elegantiam 352. 353. Cur  
brevitatem effugit 355. Moriens cui credidit 356.  
heredes illius ex teſtamento ibid.

**F I N I S.**





## ERRATA.

## CORRIGE.

Pag. 38.lin.16. aliasque	aliaque
47. l.13. pridem	quidem
166. l.20. vicario	vices
227. l.13. optiummor	optimorum
240. l. 4. extemporaneo	extemporali
306. l.ult.LVI.	LXVI.

MAG 2005572



